

**NATIONAL ASSEMBLY OF
SEYCHELLES**

Tuesday 26th March 2024

The Assembly met at 9 am

National Anthem

Moment of Reflection

*Mr Deputy Speaker in the
Chair*

MR DEPUTY SPEAKER

Bonzour tou Manm Onorab; tou travayer Sekretarya Lasanble Nasyonal. E piblik ki pe ekout nou nenport landrwa kot zot ete bonzour e byenveni pou travay Lasanble Nasyonal pou sa Mardi le 26 Mars 2024.

E nou lazournen ozordi pou prensipalman dominen par kestyon. Nou ava demann Madanm Clerk pou fer prezantasyon papye pou la bomaten silvouple. Mersi.

MADAM CLERK

Mersi Mr Speaker. Bonzour Mr Speaker. Bonzour tou bann Manm, tou dimoun ki a lekout, bann *staff* Lasanble osi. Papye ki pe ganny prezante ce matin i *S.I. 23 of 2024*.

Public Health Infectious Disease, Mandatory Wearing of Face Masks, Regulation

2020 Repeal Notice 2024.
Mersi Mr Speaker.

MR DEPUTY SPEAKER

Mersi Madanm Clerk. Nou premye *item* lo *Order Paper* pou ozordi i *Private Notice Question*. Alor mon ti ava demann *Hansard Reporter* pou apel delegasyon silvouple. Mersi.

An atandan ki nou pe esper delegasyon mon war lanmen *Leader* Lopozisyon.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou koleg Onorab. E bonzour tou dimoun ki pe ekout nou. Mr Speaker, mon le *raise* en *matter of privilege* ki fek *arise* la.

Mon'n resevwar en *email* sorti kot Sekretarya Lasanble 8.45. E mon war Minis Ferrari ki pe antre dan Lasanble tasyon. Mr Speaker, avek ou permisyon.

MR DEPUTY SPEAKER

Silvouple *proceed*.

HON SEBASTIEN PILLAY

Mon war Minis Ferrari pe antre dan Lasanble e mon *matter of privilege* ki, prezan ki mon ganny enformen 8.45 ki pa Minis Lasanble ki pe reponn sa kestyon. Me ki se Minis Dezinyen Minis Ferrari ki pe vin reponn sa kestyon.

Mon santi sa i en, i en vyolasyon lo privez koman en Manm Lasanble. Ki si Egzekitiv ti konnen ki Minis Ferrari ki pe vin reponn sa kestyon, nou ti devret ganny sa lenformasyon pli boner ki sa.

Mon war li i inakseptab Mr Speaker, ki en kestyon enportan koumsa ki Minis Lasante li menm pa devan Lasanble pou li vin reponn sa kestyon. Mon'n war leskiz ki'n ganny donner se ki i pe *host en prestigious meeting*.

Mon kestyonnen prestiz en miting vizavi en lenformasyon enportan an se ki konsern en pasyan. E bann dimoun ki depan lo servis lasante, servis swen lasante. Alors mon oule soumet devan ou ki dorenavan i enportan ki bann *Caucus* i ganny enformen bon dele letan rezonnab kan i annan en sanzman en Minis ki pe vin devan Lasanble.

Sinon mon pran sa koman en lesey ankor enn fwa par Egzekitiv, pou kasyet laverite otour bann size ki pertinan devan Lasanble. Mersi Mr Speaker.

MR DEPUTY SPEAKER

Mersi Onorab. Premye pwen ou dir poudir ou'n not sa sanzman 8.45 bomaten 15 minit avan ki Lasanble i komanse. Mon ti ava apresye

dan lespri dyalog ki ou lofis in etabli avek Lofis Speaker, ou ti'n merit enform mwan poudir ou le lev en *matter of privilege* lo sa size.

E mon pa war rezon ki mon ti pou *deny* ou pou fer sa. Mon'n ganny enformen depi yer poudir Minis pa pou kapab *make it*, akoz mwan, mon ti enn bann dimoun ki ti ganny envite kot sa konferans prestizye wi, Sesel.

E Minis Peggy Vidot pe *host* son bann omolog sorti dan bann pti leta zil Afriken - bann Minis Lasante ki zot pe zwenn dan en konferans 3 zour *Savoy Hotel*. En konferans vremen enportan, akoz i annan bann desizyon enportan ki pou enpakte dan en fason pozitiv lo Sesel e lo bann lezot pti ziridiksiyon dan Lafrik.

E mon satisfè poudir Egzekitiv napa nanryen pou kasyet otour sa size e in fer *available* Minis Dezinyen akonpanyen par bann teknisyen tre kalib e tre o plase dan Minister Lasante pou vin reponn sa kestyon.

Savedir mon pa war poudir privez Lasanble in ganny afekte dan okenn fason. E mon not lanmen Onorab Cosgrow anler, mon mazine poudir mon ava enform Lasanble.

Yer apre 5.15 apre midi Madanm Clerk ti ekri mwan,

anvoy en *email* pou demande pou annan en *Question Without Notice*.

E bomaten mon'n anvoy larepons par lefe ki *Order 33* i dir poudir Speaker i bezwen satisfè poudir sa Minis i dan en pozisyon pou reponn, par lefe ki Minis Lasante personnelman pa dan Lasanble.

Mon pa satisfè poudir Minis Dezinyen ti pou ganny ase letan pou ganny *brief* lo sa kestyon. Donk, mon pe envit Onorab pou soumet son *Question Without Notice* a en moman pli tar dan travay Lasanble.

La aprezan nou pou pas lo *PNQ* e mon ti ava dabor *welcome* Minis *Designated Minister* parmi nou Mr Jean-Francois Ferrari, akonpanyen par Dr Danny Louange ki *Chief Executive Officer Health Care Agency*.

Akonpanyen par Madanm Lucile De Commarmond ki *Chief Pharmacist*. Pou *PNQ* mon ti ava envit Dirizan Lopoziyon pou prezant son kestyon silvouple. Mersi.

HON SEBASTIEN PILLAY

Mersi Mr Speaker. Nou pran not ki ou, zot ti'n ganny enformen depi yer ki se Minis Ferrari ki pe vin devan Lasanble. E piblik in note ki zot in ganny enformen depi yer

e ki zis ozordi bomaten 8.45 ki zot in pran li, war li nesese pou enform Lasanble.

Mr Speaker, mon *Private Notice Question* i lir koumsa:

Ki problem ki annan avek latizann pou bann pasyan kanser? E eski Minister Lasante pe rod fason pou rezourd bann konsern an sa ki konsern latizann pou bann pasyan kanser?

Mon ava swete Mr Speaker, ki Minis Ferrari i donn nou larepons e pa fer en *mess* ek sa kestyon parey i ti fer lo kestyon lagrikiltir parey dernyen fwa. Mersi Mr Speaker.

MR DEPUTY SPEAKER

Mersi Onorab. Mon pe kosyonn tou Manm Lasanble, poudir nou'n vin travay e travay Lasanble i deroul selon sa ki *Standing Orders* i obliz nou e donn nou permisyon pouwar pou fer.

Okenn bann lezot komanter ekstra ki bann Manm i krwar zot pou kapab kas sa *Standing Orders* mannyer zot anvi, mon pe *warn* zot okenn dimoun lo nenport kot politik mon pou dir zot kit lasal, si zot krwar zot pe pran kontrol Lasanble Nasyonal koumsa ozordi, mersi.

Mon ava *welcome* nou envite dan Galeri. Lo mon kote la mon war en msye *welcome*.

E mon ava envit Minis alor pou reponn kestyon mersi.

DESIGNATED MINISTER
JEAN-FRANCOIS FERRARI

Mersi Mr Speaker. Bonzour tou Manm Lasanble, tou Manm Onorab. Mersi piblik ki a lekout. Mr Speaker, Minister Lasante i swete reasir Lasanble Nasyonal ki napa problemm avek latizann pou bann pasyan kanser.

Latizann ki nou annan i efikas pou tretman bann maladi kanser. Minister Lasante, i osi oule dir ki i fer son mye pou rezourd nenport ki konsern ki kapab ganny souleve. Nou annan an se moman plis ki 56 diferan latizann ki nou servi pou tretman kanser.

Pou bann latizann ki nou servi souvan, nou toultan gard en stok pou asire ki tretman nou bann pasyan pa ganny enteronpe. Pou bann latizann ki nou servi pou serten kalite kanser e ki nou servi pli rar, en legzanp *immunotherapy* nou *order* kan i nesaser. Alors pou sa bann pasyan i arive parfwa ki zot bezwen esper en pe letan avan zot komans zot tretman. Sa i aköz nou bezwen met en *order* pou sa latizann ariv dan pei.

Me si sa latizann i annan dan pei aköz i annan en pasyan ki deza lo sa latizann spesifik, nou kapab komans

tretman pli vit, an mezir ki nou met an plas en tretman pou sa nouvo pasyan.

Mr Speaker, dan sa sityasyon kot gid prosedir e protokol pou tretman kanser i permet, nou servi bann alternativ disponib dan pei pou asire ki tretman pa zanmen ganny retarde.

I enportan pou note, ki serten dernyen kalite latizann pou kanser. Par egzanp bann ki tret, bann ki nou konsider zot koman dan kategori *immunotherapy* nou konsyan ki sa i vreman ser, avek tretman ki kapab ariv ziska R600 mil pou en pasyan.

Dan sa konteks, Minister pe aktivman fer son bann solisyon pli ekonomik, enkli bann lansman stratezi pou *procurement* ki Minis in deza koz lo la a plizyer fwa. Sa lapros i ava asir latizann a bann term pli favorab. Sa i ava amelyor nou kapasite pou ofer latizann kanser pli abordab, pou plis ouswa tou nou bann pasyan.

Minister Lasante, Manm Onorab i reste angaze pou asire ki tou pasyan kanser i resevwar tretman a-ler e efikas. E nou kontinyen sers tou bann solisyon inovativ pou amelyor akse e afordabilite swen kanser dan nou sistenm lasante.

Minis Lasante, Minis Peggy Vidot, ki pa'n kapab dan

Lasanble ozordi in demann mon pou eksprim son gran rekonesans pou tou travayer Lasante isi Sesel, ki pran swen avek bann pasyan kanser. Sa i en travay difisil e Minister pe rod tou fason pou donn zot a tou moman tou resours nesese ki zot bezwen, pou zot delivre zot travay.

Remersiman i osi al pou tou dimoun ki pe donn zot sipor bann zot fanmir, zot zanmi e lezot dimoun lezot Seselwa ki soufer avek kanser. Parey nou dir Mr Speaker, gerizon pou kanser i pa pas zis atraver latizann.

Me i atraver lanmour, lafeksyon, sipor psikolojik e se pou sa rezon ki mon pran sa lokazyon ozordi pou demann avek Lasanble, pou ralye deryer sa lapel pou tret pou ofer pli bon kalite tretman pou nou pasyan kanser.

Nonm pasyan pe ogmante pa zis Sesel me partou dan lemonn, akoz bann stil lavi ki mannyer pe sanze. E alors i enportan lo en size koumsa, ki nou ralye koman en pep e ki nou plito ki parfwa rod bann leskiz oubyen rod bann pwen ki pa pe marse, ki nou zwenn ansanm e ki nou siport servis lasante e ki nou siport sirtou bann pasyan ki vreman pas dan bann moman difisil. Mersi Mr Speaker.

MR DEPUTY SPEAKER

Mersi Minister pou ou larepons. Nou pou pran bann siplemanter. Onorab Cosgrow.

HON WALLACE COSGROW

Mersi Mr Speaker. Mr Speaker, dabor bomaten mon ti lev lanmen pou en *matter of privilege*. Ki mon war ou dan plas donn mwan en *matter of privilege* ou'n deside eksplik mon sityasyon ki mwan, mon ti anvi eksplik pep Seselwa.

Ozordi mon war li drol Minis in vin dan Lasanble in vin nobou reponn sa kestyon. Me lo size *NIHSS* kot aparaman i annan *fungus*, zot pa kapab donn mon sa larepons.

Nou annan *CEO* la. Nou annan Minis ki ti kapab donn sa larepons. Malerezman mon pa pe kapab ganny larepons ozordi bomaten. An di-z-an sa Mr Speaker, mon war li drol Mr Speaker.

E mwan pou mwan mon term li koman en Gouvernman ki pa serye. Nou pa war sa Gouvernman koman pa serye. Nou ganny nou en kantite dimoun ki kominik avek nou, ki dir nou poudir i annan problemm mankman latizann kanser.

Zot bezwen *share* ek kanmarad. I annan de ka ki ler en dimoun i kit nou i mor, zot bezwen pran sa latizann pas ek en lot. I en problemm reel.

Si ou war *LOTO* in anmenn sa kestyon la se i en problem reel. I annan mankman dan serten latizann pou tretman kanser e sa i pa en, en fabrikasyon i en realite.

E dimoun deor ki avek sa maladi zot pe ekout nou e zot konnen poudir sa ki nou pe dir i vre.

Now Mr Speaker, i annan en pake mankman dan sa pei an term lasante.

MR DEPUTY SPEAKER

Onorab, ou ti kapab pas lo ou kestyon silvouple, mersi.

HON WALLACE COSGROW

Mon pe al lo mon kestyon. Mon bezwen *build* mon kestyon Mr Speaker.

MR DEPUTY SPEAKER

Non, get sa nou fek koze bomaten. *Order 36* i eksplik nou *content of question and manner of asking question - Order 37. We go straight to the question. We don't debate, we don't give opinion, we don't give stories, we ask question! Please proceed* mersi.

HON WALLACE COSGROW

Mr Speaker, mon pa ni pe *debate* ni *give opinion* ni *give... I am giving facts!*

MR DEPUTY SPEAKER

Onorab, kestyon silvouple. Mersi.

HON WALLACE COSGROW

So Mr Speaker, dan tou sa mankman ki annan latizann, dra, tapi, spesyalis...

(comments off-mic)

HON WALLACE COSGROW

...eski Minis pe dir nou, eski Minis pe dir nou poudir sa bann dimoun, sa bann dimoun ki'n vin apros nou e pe dir nou tousala, eski sa bann dimoun zot pa pe koz laverite avek nou? So si Minis i kapab reponn sa kestyon silvouple mersi.

MR DEPUTY SPEAKER

Mersi. E pou ou kestyon *matter of privilege*, mon ava rapel ou ankor e tou Manm Lasanble. Nou annan letan avan Lasanble 9 er parey *Standing Orders* i dir, *you need to inform the Speaker's Office about the matter of privilege.*

Ou pa lev li *on the Floor unless* in fek arive la si non mon pa tande sa ki zot pe dir, mersi. *Minister* ou kapab reponn ou kestyon.

(comments off-mic)

MR DEPUTY SPEAKER

Onorab nou ava tenir *order* dan Lasanble silvouple, mersi. Minis, *proceed.*

DESIGNATED MINISTER
JEAN-FRANCOIS FERRARI

Mr Speaker, mersi. Mr Speaker, i pa kler ditou sa kestyon ki Onorab in poze. Me selman mon ava sey met en pe laklerte, kot mon kapab mete. E answit mon ava demann bann teknisyen ki isi pou zot entervenir.

Mon ti a zis kontan ki nou pran en lapros - nou kapab dir avek en Minis ki i pa pe koz laverite ou kwa ke swa. Sa i *ok* sa. Selman mon annan en gran lobzeksyon ki zot pe atak bann teknisyen ki pe fer zot louvraz.

Annou respe zot pou zot travay ki zot pe fer.

(APPLAUSE)

DESIGNATED MINISTER
JEAN-FRANCOIS FERRARI

E mon ti a kontan dir avek Lasanble, ki sa ki mon'n sa repons ki mon'n lir bomaten, se pa mwan ki'n ekri sa repons akoz mwan, mon pa Minis Lasante.

Sa in ganny prepare par bann teknisyen dan Minis Lasante. Ler mon pa vini, ou dir mon pa vini, la ler mon vini...

HON WALLACE COSGROW

(comments off-mic)

DESIGNATED MINISTER
JEAN-FRANCOIS FERRARI

Mr Speaker, si Onorab pou enteronp mwan a sak fwa mon koze mon pou leve, mon pou ale.

Akoz mwan, mon pa'n vin la pou mon ganny trete dan sa fason. Ler in koze mon pa'n enteronp li. Alor silvouple Onorab, reste ou trankil konport ou dan sa Lasanble.

(comments off-mic)

MR DEPUTY SPEAKER

Mon ti ava kosyonn bann Manm dan nou *schedule 1* dan nou *order*, dan nou *Standing Orders* kot i koz lo *Code of Conduct*. Anba 4(g) dir kot i koz lo *leadership*. Lasanble Nasyonal i en foronm kot nou annan bann lesanz avek bann pli o Lotorite dan *public service*.

Ler sa bann dimoun i vin devan nou, nou sipoze montre *leadership* e bon legzanp *governance*. Nou pa kapab atak zot, redikil zot, mank respe pou zot, *off-mic* dir nenport parol. Akoz zot, zot pe respe nou dan lakaz.

Ou pa kapab envit en dimoun dan ou lakaz, apre ler i ariv dan milye ou salon ou maltret li ou ensilte li.

Mwan si mon ti en Minis plizyer fwa mon ti pou leve mon ti pou ale dan Lasanble. Ki zot ti pou fer zot ti pou fer Gard tyonbo mwan kot baro?

Zanmen. Mon ti pou reste la avek zot konportman.

So silvouple annou fer sa travay byen, akòz nou pe diskite en size sitan enportan ki enpakte lavi bokou Seselwa. So annou fer li avek en pe konpasyon, respe avek lanmour. Nou *proceed* Minis. Mersi.

DESIGNATED MINISTER
JEAN-FRANCOIS FERRARI

Mersi Mr Speaker. Mr Speaker, mon ti a kontan dir avek Lasanble ki mon fer li mon devwar yer, apre ki mon'n ganny demande pou vin reponn sa kestyon, pou mwan koz avek otan dimoun e otan profesyonnel ki posib.

Mon dernyen konversasyon sete avek bann Dirizan dan Lasosyasyon *Cancer Concern*. E mon kapab dir avek Lasanble san okenn dout ki *Cancer Concern* in dir mwan poudir zot pa'n resevwar okenn konplent avek okenn pasyan konmkwa zot pa pe ganny zot tretman. Zot osi parey, parey mon'n dir pli boner i annan souvan en kestyon ki kalite tretman, si sa tretman i *available* Sesel.

E mon'n reponn mon'n dir, poudir tou bann tretman de baz i annan, i disponib isi Sesel. Mon pa krwar Mr Speaker, ki i byen ki nou ganny demande pou vin dan Lasanble.

E ler nou reponn en kestyon nou ganny dir poudir nou pe lalang, oubyen nou pa pe koz laverite. Alors sa pou mon i inakseptab. Alors mon ti a kontan demann avek bann Manm dan Lopoziyon, ekout en pe sa ki bann teknisyen i annan poudir e montre zot en pe respe silvouple.

Mersi Mr Speaker. Mon pas laparol avek Dr Louange. Mersi.

MR DEPUTY SPEAKER

Dr Louange, ou kapab *proceed*.

CEO DANNY LOUANGE

Mersi Mr Speaker. Bonzour Mr Speaker. Bonzour tou bann Manm Lasanble e osi bann dimoun ki a lekout. Mersi Mr Speaker, pou donn mon sa loportinite pou reponn sa kestyon, mersi Onorab pou ou kestyon.

Mr Speaker, sa kestyon i tre senp - en morso sa larepons in ganny deza reponn par sa ki Minis, ki Minis Dezinyen in dir. E sa mon krwar i enportan pou nou fer sorti. I annan de group latizann - en group ki nou apel ki tonm latizann pou bann pasyan ki pe viv avek kanser.

En group ki nou apel ki lo lalis *essential medicines* e sa nou stok sa bann latizann i ganny kontrole tre byen, nou napa mankman lo la. I annan

en lot group ki nou apel an angle *non-formulary* i pa lo sa lalis esansyel.

Akoz i pa lo sa lalis esansyel akoz;- enn, nou servi li zis pou bann ka spesyal. E *secondly* i ser. E trwazyenmman son *lifespan*, *shelf life* i pa osi long ki nou ti a swete.

Alor pou nou stok sa bann latizann Sesel, nou pou kapab - i pou *end up expire* lo nou. Sirtou si napa bokou pasyan ki lo la e nou dan nou servis *oncology*, *pharmacy* nou pe swiv bann gid enternasyonal.

Ki vedir ki sa bann latizann, sirtou bann *immunotherapy* ki Onorab in mansyonnen pli boner. Letan en pasyan i ganny *diagnose* avek kanser e son tretman pou son tretman i bezwen *immunotherapy*, nou *order* sa *immunotherapy*.

E osi nou gete si dan nou stok i annan sa tretman, ki i annan pasyan parler zot deza lo la. So si i annan pasyan ki deza lo la, nou pran en porsyon sa tretman nou donn sa pasyan nouvo. Pou fer sir ki son tretman pa ganny retarde.

Me dan bann lezot pei, menm bann pei devlope, i annan pasyan ki bezwen esper detrwa mwan avan zot ganny sa tretman sirtou *immunotherapy*.

Be lo nou lo kote Sesel, nou fer sir ki nou donn pasyan ki ganny preskir *immunotherapy*, nou donn zot si i annan lo *stock*. Apre nou *replenish* sa *stock*. Mr Speaker, mon ava aret la pou le moman e si i annan lezot kekyon kekfwa pou klarifikasyon nou a les li ouver. Mersi.

MR DEPUTY SPEAKER

Mersi Dr Louange. Mon rekonnèt Onorab Desheila Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour tou koleg Onorab. Bonzour Minis avek ou delegasyon. Bonzour Dr Louange. Minis, mwan koman en pasyan kanser mon poudir en gro mersi Minister Lasante ki ziska prezan...

(APPLAUSE)

HON DESHEILA BASTIENNE

Ki ziska prezan dan nenport ki farmasi ki mwan, mon'n toultan ale pli pre avek mwan, pou mwan al pran mon tretman, mon pa'n zanmen ganny dir retournen vin en lot zour. Mon'n toultan ganny mon latizann. E mon kontan dir ki mon tretman i pe al byen ziska prezan, mersi.

Eski Minis i kapab konfirm avek nou Lasanble, ki

letan nou pe pran nou latizann kanser, ki menm si i pa touzour lo menm non, oubyen i menm kouler pilil, me sa latizann i ekivalan e i annan, i annan menm lefe e osi efikas lo diferan kalite tretman kanser ki diferan pasyan pe swiv? Mersi.

MR DEPUTY SPEAKER

Mersi Onorab.

**DESIGNATED MINISTER
JEAN-FRANCOIS FERRARI**

Mersi. Mr Speaker, mon a les Dr Louange reponn sa akòz i en oubyen, oubyen Ms De Commarmond.

**CHIEF PHARMACIST
LUCILE DE COMMARMOND**

Mersi Mr Speaker. Bonzour tou Manm Lasanble. Normalman ler nou fer *order* latizann nou annan bann *manufacturers* ki... Wi, nou fer sir ki pasyan i kontinyelman ganny menm latizann.

Me i arive parfwa ki sa latizann ki sa *manufacturer* ki nou abitye aste, i pa kapab donn nou i *short of supply*. So la nou bezwen rod en lot *manufacturer*, pou fer sir ki pasyan i ganny son latizann atan. Me ki enportan dan sa latizann se son *generic name*.

Alors ler nou get en latizann, toultan nou get son konpozisyon. E nou fer sir ki

pasyan i ganny sa latizann ki annan sa konpozisyon ki nesese pou tretman.

MR DEPUTY SPEAKER

Mersi Manmzel De Commarmond. Mon pou pas laparol avek Onorab Uranie.

HON ROCKY URANIE

Mersi Mr Speaker. Bonzour tou koleg Onorab. Bonzour *Designated Minister* avek ou delegasyon. Ozordi bomaten sa kestyon i en kestyon tre enportan ki'n ganny anmennen par *LOTO*.

E konmsi mon en pti pe dezapwente ler mon war *Designated Minister* pe kasyet deryer teknisyen pou serten keksoz.

MR DEPUTY SPEAKER

Onorab, Onorab mon a fer ou rappel mon ti a kontan zot *proceed* ek kestyon silvouple.

HON ROCKY URANIE

Mon pe demann mon kestyon mwan. Konmsi tou sa bann dimoun ki'n vin kot nou, ki'n dir nou poudir zot annan mankman latizann e zot bezwen fer serten dimoun menm mor, pou ganny sa latizann ki'n reste pa'n fini servi pou servi avek zot.

Eski ou pe sey dir nou ki sa bann dimoun pe koz lalang *Minister*? Mersi.

DESIGNATED MINISTER
JEAN-FRANCOIS FERRARI

Mr Speaker, mon pa pou - mon egzers mon drwa pou pa reponn sa kestyon. Akoz mwan, mon pa'n vin isi pou mon deside si en dimoun pe koz lalang, oubyen pa pe koz lalang.

Nou'n reponn e nou'n dir in ganny tou lenformasyon lo stok latizann dan lopital. Se sa ki nou bezwen. Kote, kote avek lekel ki Onorab Uranie i al koze, dan keler sa nou pa konnen e nou pa, i pa *material* dan sa kestyon. Mersi bokou.

MR DEPUTY SPEAKER

Mersi *Minister*. Ankor enn fwa baze lo nou *Code of Conduct*, mon ti ava dan mon pozisyon la koman Speaker, konsey bann Manm poudir kanser i sitan enportan, donk si i annan bann problemm koumsa ki nou *constituent* i koz avek nou, *let's take the leadership position* ki nou annan dan kominote e koz avek bann *Nurse* ansarz dan bann klinik dan nou distrik ki nou reprezante.

Pou asire ki pep Seselwa i ganny servis adekwa e avek lavites, akoz nou sitan met larzan dan nou Sekter Lasante. Annou pa let nou bann *constituent down* si i pe annan problemm.

E pa esper ler li tro tar pou anmenn bann kestyon koumsa dan Lasanble pou dir apre pou dir pasyan pe koz lalang, mersi. Lot kestyon mon ava pas laparol avek Onorab Loizeau.

HON NORBERT LOIZEAU

Mersi Mr Speaker. Bonzour Minis ek *panel*. Mr Speaker, mon anvi demann Minis vi ki nou konnen ki serten latizann pou kanser i kout bokou. E si mon mazin byen pou tret en pasyan avek sa bann latizann i pou osi kout nou anviron R200 mil par pasyan.

E lafason ki nou eksplike eski zot pe dir nou ki vi ki i annan serten latizann i ser e zot lafason ki zot pe administre zot latizann zot pe fer sir ki zot tret plis pasyan, an menm tan olye ki fer vini en latizann ki bokou ser ki zot pou tret de ou trwa pasyan. Eski dan sa ka lafason ki zot pe administre, zot pe mazin tret bokou plis pasyan ki olye de ou trwa? Mersi.

MR DEPUTY SPEAKER

Mersi Onorab. Mon ava envit panel pou en larepons.

DESIGNATED MINISTER
JEAN-FRANCOIS FERRARI

Mersi Onorab. Onorab, nou lanbisyon se tou lede ; tret otan pasyan ki posib dan en fason pli efikas ki posib.

Selman, nou toultan annan bann kontrent resours e nou bezwen toultan pe sey gete kote nou kapab ganny sa prodwir - sa latizann ki pli, ki a en pri pli rezonnab e ki pli efikas.

Alors mon ti a kontan ozordi remersye e felisit servis *procurement* kot Minister Lasante ki met en kantite zefor e ki atraver kantite pei pou sey rode ki pli bon latizann.

E a ki pli meyer pri ki nou kapab gannyen e sa se bann dimoun ki bezwen - ki bezwen ganny en rekonesans. Akoz zot travay i vremen difisil. Mon ti pe dan, dan pe diskrit sa kestyon e prepar sa repons.

Mon'n ganny dir poudir i mank bann *staff* spesyalize, akoz pou ou fer *procurement* pou Lasante, fodre ou en dimoun ki konn fodre ou en farmasyen, en *pharmacist*. En dimoun ki konnen ki bann *dose*, konbyen i reste, ki *stok level* ki bezwen ganny garde.

I en travay tre spesyalize ki nou napa tou sa bann dimoun. Nou ankor pe rod ankor plis dimoun pou soutenir dan sa seksyon. Alors Onorab, pou reponn byen ou kestyon i kan i neser e menm si i kout ser, Gouvernman sa administrasyon ki la i pou arive e i pou donn sa tretman ki i merit sa dimoun i merit gannyen.

Akoz nou pa krwar poudir, poudir pri i devret en baryer pou lasante. Donk, nou pou kontinyen fer sa travay. Nou pou demann bann dimoun ki parler zot, zot santi poudir akoz en Dokter dan Lenn, oubyen en Dokter *La Reunion* oubyen Dokter Moris in donn zot tel latizann e ki isi nou pe donn zot enn ki diferan.

Mon krwar Ms De Commarmond in eksplik byen, tre byen - i annan bann *generics* - i annan bann konpozisyon ki standar. E ki nou servi sa otan ki posibil. E mon repet ankor pou bann dimoun ki pou vini ankor taler poudir si dimoun pe koz lalang ou kwa, napa person ki pe konplent akoz i pa pe ganny sa tretman.

En kantite dimoun i anvi ganny leksplikasyon lo zot tretman. Zot anvi konpran akoz zot in ler zot ti *MIOT* zot ti ganny tel latizann e ler zot Sesel zot pe ganny tel latizann.

Sa se bann keksoz ki bann pasyan i anvi tande e zot gannyen sa lenformasyon. E se pou sa ki mon'n dir pli boner ki travayer dan sant *onchology* i vremen fer travay vremen formidab, dan zot sipor *psichososyologie*.

Donk, mon mazine poudir tou pasyan e la devan mwan, mon Ms De Commarmond i kapab koriz

mwan. Be lo lakantite medikaman ki nou annan 103 diferan medikaman ki nou tenir.

E ladan 23 se bann ki *non-formulary* ki bann ki spesifikman ganny *design* pou tel pasyan, akoz son problemn i vreman spesifik. Donk i annan tou sa bann fasilite ki nou'n met an plas pou plizyer milyon Roupi.

E alors nou anvi ki nou ganny sipor lafanmir. Nou ganny sipor piblik e ki nou tou nou debout ansanm. Akoz nou konnen poudir sa i en maladi terib e nou anvi ki avek zefor, avek konprenezon nou donn en bon sipor. E nou kapab avanse ed bann dimoun pou avanse dan zot tretman. Mersi.

MR DEPUTY SPEAKER

Mersi *Minister*. Mon ava rekonnet Onorab Rachel Spiro.

HON RACHEL SPIRO

Mersi Mr Speaker. Bonzour Minis avek ou delegasyon. Si mon poudir koumsa, kanser i en maladi ki propaz ase vit e si i pa ganny tretman boner dimoun i riske perdi lavi.

Tenan kont sa problemn ki nou pe koze e lanpler ki i lo la, nou pe dir la Minis letan mon pe ekout ou ki, Minister Lasante i annan tou

medikaman nesaser pou li tret pasyan.

E mwan, mon osi konpran atraver bann madanm ki mon'n koz avek, ki zot pe ganny problemn avek *fulvestrant*. E letan sa medikaman i ganny administre serten zot sa medikaman pa ale ek zot e i donn zot en kantite problemn.

La i fer mon mazin atraver ou Mr Speaker, Madanm Anne Jacques ki pe esper repons ek Minis. Konmsi malgre ou pe dir nou napa problemn dan Minister Lasante, nou rekonnet ki i annan en sityasyon reel kot i konsern tretman pou bann pasyan kanser.

E mon keston se ki Minis i kapab donn lasirans sa bann dimoun, ki zot pe ganny zot latizann a ler akoz la ou pe dir nou ki zot bezwen met *order* e latizann pe antre dan pei parfwa tar. E sa bann dimoun parey mon pe dir zot pe ganny problemn avek zot lasante ki pe agrave e zot riske perdi lavi. Mersi.

MR DEPUTY SPEAKER

Panel i annan en keston lo lavites pou latizann arive.

DESIGNATED MINISTER **JEAN-FRANCOIS FERRARI**

Onorab, Onorab mon a sey dir sa dan en fason pli kler, Madanm De Commarmond in

eksplike i annan de kalite latizann. I annan bann ki standar ki lo *shelf* parey nou dir ki *generic*.

Apre i annan bann ki ganny, ki ganny prepare spesifikman pou sa pasyan. Be sa nou pa prepare Sesel sa bann latizann. Ler sa pasyan i vini, nou bezwen fer *diagnosis* e bokou konsiltasyon.

Dr Louange pe dir mwan bomaten ki zot annan bann korespondan Lafrans, dan Lenn ki zot bezwen diskite avek pou zot prepar sa tretman. Ler sa tretman in ganny deside, i bezwen ganny *order* nou pa fer li Sesel i bezwen ganny *order*.

E i annan en group Dokter ki tou le semenn, tou le semenn zot rankontre, pou zot deside pou zot fer sa bann *order*. Donk, si i annan en gap dan sa letan, se en gap en semenn. Akoz a sa moman la desizyon in fini ganny pran wi, ou non pou ganny en *generic treatment*, oubyen pou fer enn ki *non-formulary* parey nou dir. Non?

So annou - mwan, mon ti a zis kontan ki zot eksplik piblik, zot piblik en pe pli byen sa bann keksoz. Pou ki piblik i annan konfyans. Nou bezwen devlop sa konfyans dan nou sistenm ledikasyon.

I enportan sa, akoz ler ou annan dan Minister Lasante - ler ou annan sa konfyans, ou tretman i mars pli byen ou

annan konfyans dan ou Dokter. Donk annou ede bann Onorab, annou pa zis rod bann pti detay, bann pti keksoz.

Annou ankouraz zot pou zot kapab swiv zot tretman byen. E annou dir zot ki nou, nou enn bann pei dan lemonn. E enn bann an tou ka dan Lafrik, mon pa pou mezir nou me dan lemonn kot akse avek tretman kanser i enn ki ekselan, i enn ki ekselan.

I annan dimoun ki pe asize Langleter 6 mwan - 1 an pou zot kapab ganny en tretman kanser. I pa en leskiz pou nou, me selman i enportan ki nou rekonnèt zefor e sikse kot i annan sikse. Annou pa zis, annou pa zis pran en latitud ki tou sa ki sa, sa Gouvernman i fer, tou sa ki sa administrasyon i fer pa bon.

Annou tonm dakor lo serten keksoz, ki nou ava siporte e bann pasyan kanser se bann dimoun ki dan difikilte. Annou ed zot annou akonpanyi zot. Annou pa zis dir zot, nou menm nou dir vini dir zot anr sa latizann pa bon, al rod en lot zot pe donn ou enn ki pa bon, dan Lenn in donn ou en lot.

I annan bann rezon akoz sa bann desizyon i ganny pran. E nou, nou pa Dokter nou. Annou ekout bann Dokter, annou ekout bann spesyalis e nou ava ganny vre

larepons. Donk Dr Louange ou ti a kontan entervenir kapab entervenir pwen. Mersi.

MR DEPUTY SPEAKER

Proceed Doctor.

CEO DANNY LOUANGE

Mersi Mr Speaker. Mersi DM. Wi, mon ti le zis fer sorti e reanfasiz e met lanfasis lo sa ki nou ti'n dir oparavan. Sa group tretman kanser oubyen bann latizann kanser ki nou pe koz lo la, ki pasyan zot en pe konsernen e sa ki nou apel *immunotherapy*.

E *immunotherapy* i en tretman ki'n, ki'n devlope resaman. E i ankor pe *tented* savedir i ankor pe i pa kapab ganny *manufactured* par lezot lakonpanyen. Nou napa bann zenerik oubyen bann *biosimilar*.

Parey dan lepase dek ki in sorti dan *patency then* nou ganny *biosimilars* i vin pli bon marse letan i vin pli bon marse, i pli fasil pou nou kapab stoke. Apre i pli fasil osi pou nou annan, pou ganny akse avek aköz *right now* akse avek *immunotherapy* i sere aköz en gran demann dan lemonn.

E ki nou'n fer, ki nou'n mete an plas pou nou kapab *speed up*, pou nou kapab fer sir ki tou nou pasyan i azour avek zot tretman. Nou'n met

en, apre osi pou nou protez larzan *taxpayers* nou'n met en sistenm an plas ki napa labi.

Apre sa tretman ki nou pe donn en pasyan i en tretman ki pou fer en diferans ki *ideal*. So nou'n met an plas letan en pasyan in ganny *diagnose* avek kanser, nou annan en group. Sa pasyan i ganny *diagnose* ek kanser par en spesyalis ki nou apel en *Oncologist*.

Apre sa *Oncologist* letan in fini *diagnose* sa pasyan, i anmenn sa *case* lo en *Board* ki nou apel *Tumor Board*. Sa *Tumor Board* i konpri plizyer spesyalis e menm bann lezot teknisyen dan laboratwar dan farmasi, pou zot diskit sa tretman ki sa *oncologist* in deside pou sa pasyan.

De ki zot in agree lo tretman en *treatment plan* pou sa pasyan e zot bezwen - sa pasyan i bezwen *immunotherapy*, sa prezan i ganny pase avek en group - en Komite ki apel *Medicine Therapeutic Committee*. Sa *Medicine Therapeutic Committee* i *basically* i fer sir ki sa latizann, i en latizann ki ganny servi enternasyonalman.

I fer sir ki i apropiye pou sa pasyan. I fer sir ki i ed sa pasyan, pou li kapab ganny trete avek son kanser, ou prolong son lavi avek kanser.

De ki sa in ganny aprouve, *then* nou *procure* sa latizann.

Me i enportan poudir menm si nou pe pas *through* tou sa bann *steps*, si i annan sa *immunotherapy* dan pei ki pe ganny servi pou en lot pasyan, nou pou servi li pou sa pasyan. E si i bezwen *order* - akoz i annan *immunotherapy* ki menm kout R600 mil par pasyan pou en tretman.

So i, i enportan e son *shelf life* i kourt. I enportan ki nou pa kapab stoke sa isi Sesel. Akoz nou pou perdi - si napa pasyan ki ganny *diagnose* avek en kanser ki bezwen trete avek sa *immunotherapy*, nou pou perdi R600mil koumsa.

So i en risk pou nou. So alor ki nou'n deside nou annan *suppliers* ki nou travay avek, ki de ki nou'n met en *order*, zot *speed up* sa *procurement process*; zot *speed up* sa *source out* sa, sa tretman e anvoy li Sesel o pli vit posibil. Aprezan sa *immunotherapy* - e sanmenm sa ki *currently* la nou annan apepre 202 pasyan ki *actively* lo tretman kanser, ki *actively* pe pran en latizann pou kanser, oubyen plis ki en latizann pou kanser; 202 pasyan.

E ki nou pe war resaman la, i annan en *trend* ki nou annan plis pasyan lo tretman kanser. Akoz sa in arive, i

akoz *immunotherapy* li i pa en tretman parey en *chemotherapy* oparavan.

Ki ou donn sa pasyan *chemotherapy* apre ou arete, me sa *immunotherapy* i *lifelong*. E ou bezwen - de ki ou'n konmans li la ou bezwen kontinyen. Si ou'n komans en pasyan lo en tretman ki R600 mil, ou bezwen kontinyen.

E tou le 6 mwan ou bezwen rod sa R600 mil, pou met dan sa latizann pou nou kapab fer sir sa pasyan i ganny son tretman ki nesaser. So i pou annan pasyan ki poudir i annan en ta bann konsern.

Be nou annan en tim dan *Oncology Department* ki'n ganny *train* pou kapab *support* sa pasyan. Si zot rankontre pasyan ki annan bann konsern, refer zot avek *Oncology*.

Nou annan osi bann *JNOs*, *J* bann parey *Cancer Concern* osi ki zot ekipe pou zot kapab siport sa pasyan. Nou, nou bi pou siport sa pasyan; donn zot sa tretman nesaser. Fer sir ki zot, zot lavi i prolonze.

E *No.1* i fer zot ganny al dan remisyon si nou kapab, *ok?* Mersi Mr Speaker.

MR DEPUTY SPEAKER

Mersi *Doctor*. Nou a konnen poudir normalman *PNQ* ti al ziska mwen en kar. Me akoz

lentera dan sa size, mon pou prolonz li ziska 10 er tout an prenan kont ki apre mon pou regulariz letan bann lezot kestyon.

Prosenman mon ava rekonnèt Onorab Sandy Arissol.

HON SANDY ARISSOL

Mersi Mr Speaker. Bonzour Minis avek ou bann teknisyen. Bonzour tou dimoun ki a lekout, spesyalman sa enn ki pe viv avek sa maladi kanser. Mr Speaker, letan nou koz lo kanser, mon toultan mazin mon pti frer ki mon ti perdi 13 an pase ki ti annan zis 21 an sa letan e la an Out sa lannen i ti pou ganny li 34 an.

E mon apresye travay ki Minister Lasante zot ti fer li letan i ti en pasyan lo ward. Kestyon ki mon ti a kontan demande i retourn lo sa ki Ms De Commarmond in eksplik nou byen kler. Mwan, mon anvi zis en garanti avek bann teknisyen enkli Minister Lasante, pou sa dimoun ki pe viv avek sa maladi deor.

Letan Ms De Commarmond in eksplik nou poudir i annan de ka kot zot *supplier* swa i pa kapab *supply anymore* sa kalite maladi, sa kalite latizann pou sa kalite maladi, eski Minister Lasante pe donn nou en garanti, letan sa kestyon prenan kont ki konsern, sa ki konsern en

mankman latizann pou sa bann kalite dimoun.

Eski Minister Lasante pe donn bann dimoun deor, enkli nou bann Manm Lasanble en garanti, poudir letan sa *supplier* nepli kapab *supply* sa kalite latizann pou Sandy Arissol, me Minister Lasante toultan i annan en lot alternativ pou kit Sandy Arissol lo la, ziska son lot tretman. Swa i retournen swa i ganny en keksoz ki i adapte avek?

Se tou ki mon anvi en garanti poudir i annan keksoz pou sa bann dimoun deor ki pe soufer ek sa kalite maladi. Mersi bokou Mr Speaker.

MR DEPUTY SPEAKER

Mersi Onorab. Mon ava envit *panel* pou en larepons.

CHIEF PHARMACIST LUCILLE DE COMMARMOND

Mersi Mr Speaker. Parey mon'n eksplike, latizann kanser i annan diferan *manufacturer* ki fer latizann kanser. Nou *as much as possible*, nou kontan si nou'n komans avek en *manufacturer*, nou konnen ki sa latizann pe mars byen avek sa pasyan, nou kontinyen *the main* avek sa *manufacturer*.

Me i arive ki ler nou pe demann *supplier* pou sa *manufacturer*, i pe dir ou i pa pou - napa pou le moman ou

pou bezwen esper 4 mwan, 5 mwan i arive sa. Sirtou depi COVID i annan sa problemn.

So la nou bezwen *source out* en lot *manufacturer*, pou fer sir sa latizann i *available at all times* pou pasyan gannyen.

This is, this is what we do. It's all about the manufacturer. Me latizann kanser i annan diferan *manufacturer*. Ou pou ganny diferan *manufacturer* ki fer sa latizann kanser. Mersi.

MR DEPUTY SPEAKER

Mersi. *Minister* oule azout keksoz?

DESIGNATED MINISTER JEAN-FRANCOIS FERRARI

Wi, mon ti a kontan azout en lenformasyon ki mon'n gannyen e Dr Louange ti partaz avek mwan bomaten. En laspe tretman kanser se ki manner ou donn latizann, ki permet ou tenir pandan sa tretman.

Akoz sa tretman souvan i fermal ou ; ou degobiye, ou sa. Me mon ti a kontan dir ki - e la mon remersye Minister Lasante ki en kantite progre in ganny fer dan sa tretman ki ed ou toler ou tretman pou kanser.

E ou nepli war bann dimoun ki pe dir ou, ki pe degobiye ki pe kokiye, ki pe -. Dimoun pe tenir sa, sa tretman dan en fason pli avek

plis dinyite, *ok?* E zot pe kapab kontinyen travay menm si zot pe pran bann tretman, parey Onorab Bastienne i la parmi nou ozordi.

Se sa kalite progre ki Minister Lasante in fer, ki parler nou pa rekonnèt, me selman i en gran progre. Akoz i donn dimoun en pe pli konfor bann dimoun ki pe soufer, i kapab tenir en pe pli byen zisteman akoz i annan bokou resers ki pe ganny fer lo ki kalite tretman ki adapte avek Sandy Arissol, ki adapte avek Onorab Georges.

Donk sa i en, i en keksoz ki mon ti anvi met lanfaz lo la en kantite. Mersi.

MR DEPUTY SPEAKER

Mersi *Minister*. I annan ankor 5 Manm ki'n montre lentera pou demann kestyon lo sa size; 2 lo parti *United Seychelles* 3 lo kote Linyon Demokratik Seselwa. Me malerezman akoz kontrent letan mon pou bezwen *drop* sa 5 Manm. E donn dernyen entervenans lo sa size loter Mosyon Onorab Pillay mon envit ou pou siplemanter.

HON SEBASTIEN PILLAY

Mersi Mr Speaker. Mr Speaker, avek ou permisyon mon le zis partaz ek Dr Louange en netwayaz ki dir: "byen kontan *LOTO* pe anmenn sa kestyon demen.

Mwan mon'n prefere reste trankil lo sa size, me selman mon ti'n dir mon zanfan mon'n deside pou pa pran ankor sa pikir *fulvestrant* akoz i klerman pa sa ki mon ti pe gannyen oparavan.

Son kalite *packaging* in sanze e menm si i apel menm non konteni pa li. Pa konnen kot zot in *source*. Depi Oktob lannen pase, mon'n komans malad ek sa pikir lakranp ek lafyev pou 8 zour krate, *rash*, bos.

Prezan i dir koumsa poudir: 'an Desanm ti dir napa latizann dan stok, me Zanvyé, Fevriye ti donn mon e mon'n soufer menm. E la le 28 Mars mon'n dir mon bann zanfan mon pa pe pran, akoz mon bann bos ek *rash* i ankor grate fermal, *ok* mon a prefere mor ek mon maladi”.

Mr Speaker, mon kestyon pou Minis ankor enn fwa, eski sa bann dimoun ki'n vin kot nou, ki'n prezant zot bann problemm avek nou, eski sa bann dimoun pe koz manti ler zot dir nou zot pe rankontre sa bann problemm? Eski zot pa pe koz laverite? Sa i mon kestyon pou Minis.

Mon pa pe al rod problemm ek teknisyen, mon napa problemm ek bann Dokter mwan. Minis in vin reponn kestyon lo non son koleg Minis. Eski sa madanm ek sa bann dimoun ki'n met

zot bann problemm devan nou pe koz manti?

Sa mon kestyon mersi Mr Speaker.

DESIGNATED MINISTER
JEAN-FRANCOIS FERRARI

Ok mersi Mr Speaker. Mr Speaker, dernyen fwa ler mon ti vin dan Lasanble, mon ti ganny met devan mwan serten, serten lasonpsyon serten keksoz ki in tande.

Bomaten Onorab Pillay pe met devan mwan en kominikasyon ki li in gannyen avek en dimoun, ki mon pa konnen lekel sa dimoun.

Alors mwan koman en sitwayen Sesel, ki annan konfyans dan Minister Lasante, mon rekonnet bann repons ki'n ganny donner ozordi. E mon aksepte sa bann repons koman se zot ki konn zot travay.

Alors en dimoun ki ekri mwan oubyen ki dir mwan poudir i pa pou pran tel latizann, oubyen pa tel latizann, mwan, mon ti ava mazine poudir Onorab Pillay ti a dir avek li, be al war ou Dokter akoz se ou Dokter ki pou deside. Se pa ou Dokter.

Nou, nou pa kapab, nou pa kapab zwe Dokter. Nou pa kapab zwe avek douler e soufrans bann dimoun ki pe pas dan sa bann sityasyon koumsa. Nou bezwen kapab gid zot. Nou, nou bann

Leaders nou. Nou pa bann dimoun ki pe ki propaz, ki propaz bann keksoz ki met konfizyon.

Alors mon repet ankor Onorab, si sa dimoun in ekri ou - kekfwa in - *well* non mon pa ava dir - me si sa dimoun in ekri ou mon ti a, mon ti a konsey ou pou refer li Dokter lopital, Dr Joana par egzanp ki en dimoun formidab ki fer ki fer en kantite *bedside care*.

E i ava kapab gid li lo akoz parler *packaging* i sanze e parler akoz tretman i ganny adapte. Donk sa i mon kestyon. E avek ou permisyon Mr Speaker, kekfwa mon pa konnen si i anliny. Mon ti a kontan ofer Onorab *Leader* Lopozisyon loportinite pou li felisit Minister Lasante ozordi.

Pran sa lokazyon pou ou felisit sa bann dimoun ki pe travay dir, pou donn lasante sa pep. E i annan - akoz i annan en kantite zefor ki pe ganny mete. Kritik, kritik pa fer zot byen, pa fer zot dibyen.

Lankourazman sorti kot Lasanble Nasyonal, e sorti kot Dirizan se bann keksoz koumsa ki nou bezwen. Mersi. **(APPLAUSE)**

MR DEPUTY SPEAKER

Mersi *Minister*. Onorab Pillay ou annan klarifikasyon?

HON SEBASTIEN PILLAY

Mersi Mr Speaker. Mr Speaker, mon reste fikse lo en pwen. Mon annan de paran ki'n mor avek kanser. Mon manman e mon papa. mon'n viv avek sa maladi dan mon fanmir pandan plizyer lannen e a en tre zenn laz, mon'n perdi mon manman.

So si mon'n ariv devan Lasanble mon'n vin anmenn sa bann kestyon, mon pa vin anmenn li pou vin fer politik bonmarse, *nor* pou vin *score* pwen politik. Mon'n vin anmenn li akoz sa bann dimoun in ale kot lotorite, zot pa'n oule ekoute.

Alors kestyon ki mon pe demann ou, eski sa madanm ki pe, ki'n anvoy sa eski sa bann dimoun ki pe dir i annan sa bann problemm eski zot pe koz manti? Akoz atraver ou bann larepons ou'n montre poudir i annan defayans isi, i annan mankman isi i annan mankman laba.

Nou sa ki nou pe dir ek ou kler aret tay deryer teknisyen. Pran ou responsabilite koman en *Leader* dan Gouvernman *LDS* - ou ti anvi vin Minis dan Gouvernman, ou ti anvi Gouvernman *take your responsibility and lead*.

Aret rod leskiz e aret met blanm lo mwan! Mon napa problemm ek teknisyen mwan. Ou pran ou responsabilite. Mr Speaker, mersi.

MR DEPUTY SPEAKER

Mersi Onorab. Nou'n ekout ou fer ou pwen. Ler in arive pou nou eskiz *panel*. Me avan *panel* i ale mon ava dir zot en gro mersi.

(APPLAUSE)

MR DEPUTY SPEAKER

E mon demann tou Manm Lasanble, pou ekout konsey ki Minis in donn nou.

Demen nou zwenn koman bann *constituent* dan nou distrik ki nou reprezante, bann pasyan ki annan konsern. Nou pran nou rol koman Dirizan dan kominote e nou anmenn zot konsern avek lotorite e konsey zot koz avek zot bann Dokter.

Sa i keksoz ki nou kapab fer pou zot. Koman en koleg sa *advice* mon ti ava donn zot. Mersi Dr Louange e mersi Manmzel De Commarmond, pas en bon lazournen e nou ava zwenn zot en lot ler. Donk Minis *Designated Minister* i ankor avek nou.

Mon pou zis demann lendilzans bann le de *Caucus* i annan en kestyon lo *Order Paper* ki kestyon limero 14 ki'n table par Manm Elekte pou La Digue avek *Inner Island* Onorab Rocky Uranie. Ki pou Minis pou Lapes avek Lekonomi Ble Mr Jean-

Francois Ferrari ki la avek nou.

So nou ava fer li reponn sa kestyon la e koumsa apre i ava kapab kontiny lazournen. Nou ava ganny bann lezot Minis. I *ok* pou nou fer sa? Napa person ki pou akiz mwan, mon pe kas *order... ?* *Ok*, nou *ok*? Mersi.

Donk, nou ava envit Onorab pou prezant ou kestyon e Minis ava donn larepons. Mersi.

HON ROCKY URANIE

Ok, mersi Mr Speaker. Mon kestyon i al koumsa:

I annan sa akse pou bann peser dan lapas Mannyan ki bann peser pe servi. E an se moman zot pe rankontre difikilte pou antre ater e zot bezwen vey mare akoz bann latet koray i kros zot bato.

Eski Minis i kapab dir sa Lasanble, ki plan son Minister pou fer serten travay, pou ede rezourd problem sa bann peser ki servi sa lapas? Mersi.

MR DEPUTY SPEAKER

Mon ava envit Minis pou donn en larepons.

**DESIGNATED MINISTER
JEAN-FRANCOIS FERRARI**

Mersi Onorab pou ou kestyon. Mr Speaker, sa i en konsern ki mon Minister ek Lotorite

Lapes Sesel in okouran depi en pe letan. Ler zofisye lyezyon pou La Digue ek *Inner Islands* ti atir nou latansyon lo la.

Mr Micock ti fer mwan konpran ki menm si pa bokou peser ki servi sa lapas i reste enn ki enportan. E i reste enn pou nou gete ki fason nou kapab evantyelman amelyor son akse. Mon kapab konfirman ki Mr Micock in osi komans diskisyon lo sa size avek Depite *CEO (SFA)*.

Dapre konpran, sa pa sipoze en gro louvraz, me vi ki tou travay pou ouver lapas i annan son konsekans direk lo lanvironnman lakot - e La Digue son lakot nou konnen i tre sansib, konsiltasyon i bezwen ganny fer avek tou bann Lazans konsernen e tou bann peser konsernen.

Alors mon rekomande ki Onorab i organiz en rankont avek bann ki servi sa lapas e nou ava mont La Digue, pou fer sa dyalog e deside ki pli bon fason pou nou bouz devan.

E mon kont lo Onorab ki i ava kapab partisip avek nou dan sa miting. Mersi Mr Speaker.

MR DEPUTY SPEAKER

Mersi Minis pou larepons. Onorab, ou annan siplemanter lo sa size.

HON ROCKY URANIE

Mersi-mersi Mr Speaker. Ennler mon krwar lyezon ki ti anmenn sa kestyon la anndan, akoz lyezon aparaman menm dimoun ki'n apros li, in dir napa larzan sanmenm sa pa'n kapab fer. La ou, ou vin dir nou en lot zafer.

So alors Minis an vi ki sa i en pe letan la ater, silvouple annou, annou fer keksoz pou sa bann dimoun. Akoz sa akse i a donn opsyon bann lezot peser ki tou peser pa bezwen antre dan lapas, ki lapas zot ava ganny en lot akse. Mersi.

MR DEPUTY SPEAKER

Mersi. Minis mon pa konnen si ou'n detekte en kestyon.

DESIGNATED MINISTER JEAN-FRANCOIS FERRARI

Mersi Onorab. Onorab, mon byen apresye ki ou pe siport sa proze, akoz mon ti en pe per, akoz dan lepase ou'n pas enn de petisyon pou blok detrwa proze. So si sa enn ou, ou pare pou ou siporte, ou pou war mon *full* anform e mon pou donn ou tou - tou sipor.

Akoz deza La Digue nou'n fer en kantite travay parey zot konnen lo por, lo Por Komersyal, lo Por Endistriyel. E tou sa ki nou kapab fer si nou ganny, si nou ganny sipor avek *MNA*, travay i bouz bokou pli vit.

Donk mersi pou anonse poudir ou pou siport sa proze.

Nou ava gete ki mannyer nou kapab fer li, osi lontan ki bann travay lanvironnman i ganny fer e ki Bidze i ganny deside. Mersi.

MR DEPUTY SPEAKER

Mersi *Minister*. Onorab, ou annan klarifikasyon lo larepons ki Minis in donnen?

HON ROCKY URANIE

Mersi Mr Speaker. Mon krwar nou permisyon pou anmenn bann *perpetrator* osi ki pe asize ek AK47 pou rod zot fer sir dan letan *Coup D'etat* 1977. Mersi.

MR DEPUTY SPEAKER

Mersi Onorab. Ou, ou remark i konpletman *out of order* an akor avek *Order 36 content of question*. Onorab Arissol ou annan kestyon siplemanter lo sa size. *Proceed*.

HON SANDY ARISSOL

Mersi Mr Speaker. Mr Speaker, an vi ki dan mon distrik mon annan peser e pou siport bann peser osi parey Minis in donn son sipor dan Lasanble, poudir si i annan en travay i osi pare pou donn en koudmen.

Mon ti a kontan demande kekfwa si i annan okenn keksoz formel - par egzanp parske toultan zot ankouraze ki nou annan bann Lasosyasyon Peser ki ganny

formen atraver bann kominote parey Bel Ombre nou annan.

Eski i annan okenn demann formel, ofisyel, ki'n vin kot ou, ou Minister ki atraver swa *MNA*, Lotorite Distrik - *DA* oubyen Lasosyasyon Peser, pou rekonnèt sa konsern ki la ki nou pe adrese ozordi. Mersi bokou Mr Speaker.

MR DEPUTY SPEAKER

Mersi Onorab. Minis ou larepons.

DESIGNATED MINISTER
JEAN-FRANCOIS FERRARI

Mersi Onorab. Larepons i se ki konsern in ganny mete devan mwan par *liaison officer* Mr Loncy Micoock e se pou sa ki e apre la mon'n war Onorab met en kestyon devan Lasanble.

Donk, ou annan rezon, mon ankouraz li, mon ankouraz Lasosyasyon Peser, mon ankouraz biro *MNA*, biro *DA* pou zot tou vin ansanm. Akoz La Digue i en landrwa vreman enteresan kot tou dimoun i annan en lopinyon.

Donk, si nou pa vin ansanm pou nou met tou sa lopinyon dan en sel *basket* pou nou kapab konnen kwa ki nou pou fer travay pa pou avanse. Donk, parey mon'n dir ankor mon swete ki Onorab i pran sa koman son

devwar pou fer avanse sa proze. Mersi.

MR DEPUTY SPEAKER

Mersi *Minister*. An akor avek *Order 37(2)* mon satisfè poudir nou'n byen epwiz sa kestyon. Donk nou pou eskiz Minis parmi nou. E in donn nou garanti poudir son *Minister* pou travay avek *Lotorite Distrik* pou trouv en solisyon lo sa size.

Donk nou ava eskiz Minis parmi nou, remerci li pou son prezans avek nou e swet li bon lazournen. Mersi *Minister*.

(THE DESIGNATED MINISTER WAS EXCUSED FROM THE HOUSE)

MR DEPUTY SPEAKER

Donk nou pou, nou pou.

(comments off-mic)

HON WALLACE COSGROW

Mr Speaker, Minis in zoure, Minis in zoure!

MR DEPUTY SPEAKER

Nou pou kontinyen avek - nou pou kontinyen avek *Order Paper*. Nou ava ...

(Interruptions)

MR DEPUTY SPEAKER

(Ler zot fini, ler zot fini zot ava dir mwan.) Zot in fini mon

krwar prezan, mersi bokou. Nou pou kontinyen avek *Questions With Notice*.

Nou pou apel lot *panel* ki dirize par Minis Marie-Celine Zialor. nou ava apel *Hansard Reporter* pou appel delegasyon. Mersi. Nou ava *welcome* delegasyon ki fek zwenn nou ki sorti kot *Minister Lazenés*, Spor ek *Lafanmir* dirize par Madanm Marie-Celine Zialor pou reponn kestyon 46, 47, 48, 49 ek 50.

Minis son delegasyon i konpri *Sekreter Prensipal* pou *Lazenés* avek Spor, Mr Ralph Jean-Louis. Osi *Chief Executive Officer* pou *Seychelles National Youth Council*, Mr Albert Duncan. Avek Manmzel Gyra Nibourette ki *Director General for Strategic Human Resources* dan *Minister Lazenés*, Spor avek *Lafanmir*.

Welcome delegasyon. E premye kestyon pou sa *Minister* i kestyon 46.

Mon ava kriy Onorab Egbert Aglae.

HON EGBERT AGLAE

Mersi Mr Speaker. Mon a dir bonzour Minis e *panel*, e sa ki dan *Galeri* e tou dimoun a lekout. Mr Speaker, avan mon demann mon kestyon.

MR DEPUTY SPEAKER

Non *proceed* avek ou kestyon Onorab.

(comments off-mic)

HON EGBERT AGLAE

Mr Speaker, ou ti fer en komantr en *comment* en stètment bomaten lo fason ki Lasanble i deroule.

MR DEPUTY SPEAKER

Mon'n koup ou mikro akòz mon - get sa, mon'n leve ozordi bomaten mon'n vin travay mwan. Travay i vèdir i annan en *Order Paper we stick to the program, we go through it.*

Demann kestyon limero 46 Onorab Aglae. Mersi bokou, *proceed.*

HON EGBERT AGLAE

Mersi Mr Speaker. Fotespere Minis pa zour ankòr dan Lasanble. Mon kestyon i konm swivan:

Swivan desizyon pou fer reform dan *SNYC*, eski Minis i kapab - ki responsab pou Lazenès ek Spor, i kapab dir sa Lasanble ki progresyon sa in anmennen pou lazènès Seselwa? Mersi.

MR DEPUTY SPEAKER

Mersi Onorab. E mon oule zis rappèl piblik Seselwa, ler i dir Minis pa zoure. Mon zanmen mon'n tann Minis Zialor ki prezan dan Lasanble zoure. Donk, zis pou tir en *misconception* dan lespri piblik mon ava envit Minis pou...

MR DEPUTY SPEAKER

Ankòr enn fwa, ler zot fini zot ava dir nou, mersi. Zot in fini mersi bokou. Mon ava envit Minis pou reponn kestyon mersi.

MINISTER MARIE-CELINE ZIALOR

Mersi Mr Speaker. Mr Speaker, bonzour avek ou lekup. Bonzour sa de *Leader's* dan Lasanble. Bonzour tou bann Manm Onorab. E bonzour tou bann dimoun ki a lekout. Premyèman Mr Speaker permet mon dabor felisit Onorab Spiro avek Onorab Bistoquet de madanm dan Lasanble, ki zot pe komans zot parkour dan politik.

Mr Speaker, bann reform stratezi e operasyonnel in vin en nesesite pou reste relevan parmi lazènès e travay dan en fason ki anmennen lenpak e sanzman.

Parmi bann progè Mr Speaker, mon pou nonm detwa pou reponn sa kestyon.

Premyèman plis program e aktivite ki'n ganny antreprann par bann zenn zot menm. Setadir se bann zenn zot menm ki pe vin devan e dir ki kalite aktivite e program zot anvi war pou zot.

Dezyenmman Mr Speaker, i annan dan bann rankont ki'n ganny fer avek bann zenn, 55 klib sa ki nou apel Klib Lentere, ki'n fini la pare pou komanse. E i annan 16 ki vremen aktiv ki pe fonksyonnen.

SNYC i angaze dan bann program nasyonal par egzant Mr Speaker, sa lannen nou'n lans de program. "Think Tank" pou bann zenn profesyonnel e lot i "Youth Brigade" pou ankouraz volontarya.

En lot reform kle i plis reprezantasyon lazenes, atraver bann group ki afilye avek SNYC - par egzant UN Youth, (DIA) akronim pou Diversity Intelligence Association. E osi en Advisory Komite ki konpri bann zenn profesyonnel.

En lot fason travay ki pli dinamik e ki reflekte bann lide ki bann zenn zot menm in vin devan avek. Nou'n osi war Mr Speaker, en logmantasyon dan kolaborasyon e lenfliyan lavwa lazenes dan lezot lorganizasyon ki travay avek lazenes, par egzant Minister Ledikasyon, Minister Lasante, Lanplwa, ESA parmi lezot.

Plis kolaborasyon enternasyonal - deza Mr Speaker nou'n fer trwa lesanz dan domenn lar dan Lenn avek Larisi, kot plis ki 50 zenn in benefisyé. Annou pa bliye

osi ki SNYC in fer reform pou ki bann Manm Lasanble Lazenés aprezan i ganny elekte, pou ki nou donn lanmen ranforsi nou demokrasi.

E pou konklir, nou statistik 2023 i montre ki apepre 9,500 zenn in akse servis oubyen program SNYC. Sa i reflekte en nouvo souf pozitivite e en lanvi partisip dan bann program SNYC parmi lazenes.

E avek sa Mr Speaker, mon konklir mon larepons pou sa enn kestyon. Mersi.

MR DEPUTY SPEAKER

Mersi *Minister*. Mon ava envit loter Mosyon pou son siplemanter.

HON EGBERT AGLAE

Minis mersi pou larepons. Mon premye kestyon Minis, i ou'n dir poudir i annan serten bann konponan aktivite regroupman. Me plizyer zenn pe santi poudir plis aktivite i lo nivo nasyonal; i pa ganny dekoule dan bann distrik sirtou. La mon pa pe zis koz aktivite spor la mon Minis.

Eski zot pe mazin annan en lakadreman ki zot kapab dan en fason - parey nou dir pou kapab *disseminate* sa bann aktivite, fer ki pa reste santral? I dekoul dan bann distrik? Se sa ki zenn pe demande.

Wi, lo nivo nasyonal i annan serten aktivite, me ki fason ki zot pe fer pou kapab desantraliz sa bann aktivite, baze lo lenspirasyon sa bann zenn? Sa i enn.

E dezyenmman Minis, eski ou kapab konfirm ek nou, si - vi ki zot ankor pe travay anba en vre striktir *SNYC*, kan ki nouvo striktir pou pare pou *SNYC* kapab konplemant sa bann travay ki pe ganny demande pou fer? Mersi.

MR DEPUTY SPEAKER

Mersi. Kestyon lo desantralizasyon avek nouvo striktir *SNYC*. *Panel?*

MINISTER MARIE-CELINE ZIALOR

Mersi Mr Speaker. Avek ou permisyon mon ti a voudre ki *CEO SNYC* i reponn sa de kestyon silvouple.

MR DEPUTY SPEAKER

Mr Duncan, mon ava donn ou laparol.

CEO ALBERT DUNCAN

Bonzour Mr Speaker. Bonzour tou Manm Lasanble. Bonzour tou dimoun ki pe swiv sa sesyon sirtou lazenes Seselwa. Lo kote desantralizasyon, i annan de konponan; enn nou pe vreman mon krwar dan sa reform bokou travay in ganny fer pou ki mannyer nou travay ek statistik.

So tou le mwan nou *review* nou statistik lo nivo langazman dan sak distrik. So sa i en keksoz nou fer sir ler nou fer en program nasyonal, pou fer sir i annan sa reprezantasyon lo nivo distrik.

Akoz mon krwar oparavan souvandfwa nou war menm zenn ki pe partisip dan tou program. So sa pou fer sir ki sa i ganny evite, nou pe analiz nou bann statistik.

E mon krwar lo nivo kominote osi, bokou travay in ganny fer avek bann *DA* avek *MNA*, pou met zot okouran ki i annan sa bann program nasyonal, ki zot osi zot kapab zwe zot rol pou fer bann zenn dan distrik konnen. Apre mon krwar nou prezans lo *social media* osi aköz nou konnen bokou zenn i *online*.

So pou fer sir ki zot konnen i annan sa bann program ki zot kapab partisip ladan, nou pe fer li bokou pli *accessible* pou zot. Par egzanp atraver nou *website* ki nou fek lanse, ki nou pe fer sir tou nou bann form ki zot kapab partisip dan sa bann program i *online*. Mersi.

MR DEPUTY SPEAKER

Lo kote striktir?

CEO ALBERT DUNCAN

Lo kote striktir nou pe travay lo la. *SNYC* ti annan en pe

problemm avek parey bann *job description*, *nominal roll* ki nou bezwen *deal* avek avan. E mwan osi koman mon vini koman *CEO* mon pa'n anvi fer sanzman deswit, pou mwan, mon krwar ou bezwen obzerve, koz avek lazenes, get byen bann *trends* global osi.

So nou *restructuring* i sipoze arive sa lannen, be selman nou pe fer sir tou keksoz i annord e i annan sa konsiltasyon lokalman, enternasyonal tou. Akoz nou konnen *youth work* globalman in sanze, so nou bezwen fer sir sa striktir i reflekte, i efikas e i reflekte bann bezwen bann zenn ozordi. Mersi.

MR DEPUTY SPEAKER

Mersi *panel*. Ou annan klarifikasyon Onorab?

HON EGBERT AGLAE

Zis en klarifikasyon Mr Speaker. Mon le li klerman, eski sa striktir pou pare sa lannen? Akoz i annan konponan finansyel ki atase avek bann nouvo striktir ki pou vin an mars. Mersi.

MR DEPUTY SPEAKER

Panel.

MINISTER MARIE-CELINE ZIALOR

Mersi Mr Speaker. Mr Speaker, zis pou koriz en pe sa bann konfizyon ki mon krwar

pe fer ekspre pe ganny senmen la par Onorab Aglae. Letan nou'n vini, letan nou'n vini Mr Speaker nou'n - nou'n.

(comments off-mic)

MINISTER MARIE-CELINE ZIALOR

Mr Speaker, eski mon kapab kontinyen silvouple?

MR DEPUTY SPEAKER

Mon war li in leve la, alor mon pa krwar i pou *disturb* Lasanble ankor. *Proceed*.

MINISTER MARIE-CELINE ZIALOR

Mersi. Mon'n - nou'n fer mon krwar i fer trwazyenm versyon diferan striktir ki nou pe fer pou *SNYC*. *HR* i o bor mwan la i ava koriz mwan si mon mal. I pa sa vye striktir ki nou ti vin zwenn sa. In sanze sa.

E sa ki *CEO* pe koz lo la se sa enn ki la, ki annan pou fer avek sa plan ki modern, ki li i pa anmennen *beyond* 2026-2027 avek sa.

I pa striktir ki nou'n vin zwenn sa striktir *SNYC* in sanze, in sanz de fwa. La se regard bann *job description* bann dimoun, pou moderniz bann louvraz ansanm avek, avek sa bann vizyon ki nou, nou annan pou Konsey - pou Konsey Nasyonal Lazenes anmezir nou bouz devan avek

nou kanpanny modernizasyon.

Se sa ki *CEO* in eksplike. Kekfwa petet Mr Speaker, pou ed en pti git sa bann konfizyon. Mersi.

HON EGBERT AGLAE

(Off-Mic)

MR DEPUTY SPEAKER

Mersi. Anba ki *Order* ki ou pe *raise sa matter? Order 61. Proceed.*

HON EGBERT AGLAE

Yes. Mr Speaker, Minis in fer resorti konmkwa mwan, mon pe anmenn en alegasyon. Mon le fer sorti klerman Minis, nouvo striktir ki ti ganny dir pou ganny organize pou *SNYC* pe enplimante pa ankor pare.

E i annan plis ki 4 an la ozordi e dernyen lannen pe al lo 5 an la, se sa ki nou anvi konnen ki striktir? Kan ki pou pare? Akoz sa ki ou pe dir nou i pa li striktir ki ou ti vin eksplik nou dan sa Lasanble.

Mr Duncan, ler i ti ganny apwentman i ti vin fer stement dan sa Lasanble. *This is not.* Mon pa anvi servi en term, akoz la ou ki pe *mislead* nou avek ou larepons. Mr Duncan in fer kler li, pa ankor pare!

MR DEPUTY SPEAKER

Eski *panel* i annan en klarifikasyon lo sa pwen.

MINISTER MARIE-CELINE ZIALOR

Wi, Mr Speaker. Be egzaktaman. I konfirm sa ki mon'n dir dan mon komanter poudir sa i en konfizyon. Akoz striktir - si nou re regard depi ler nou'n vini, nou'n koz lo premye lentervansyon konsern *SNYC*, nou'n koz lo striktir.

In annan sanzman dan striktir e sa i en fe sa! I en fe. Zot annan zis pou zot al regard kot *PSB*, al regarde. Poudir in annan striktir ki'n sanze. E Mr Duncan li *CEO* Duncan li i pe koz prezan li letan i pe pran, akoz sak fwa - i annan diferan faz.

HON SEBASTIEN PILLAY

(comments off-mic)

MINISTER MARIE-CELINE ZIALOR

Mr Speaker mon pe ganny enteronpe par *Leader* Lopozisyon ki pe koz *off-mic*. E son proksimite ek mon *off mic* i a pe annan en pe lenterferans letan mon pe sey eksplike. E kot i ete ek proksimite i pros, mon tann tou sa ki i dir e i annan bann lenterferans Mr Speaker.

MR DEPUTY SPEAKER

Mon apresye sa ki Minis in dir. So mon ti ava demann bann Manm letan nou'n envit *panel*

se nou, pou donn nou en leksplikasyon lo bann size ki nou enterese avek e ki nou *constituent* deor ki pe ekout nou i enterese.

So annou donn zot la kourtwazi pou nou ekout zot larepons. Minis, ou ti'n fini avek klarite lo sa pwen? Pa ti ankor.

MINISTER MARIE-CELINE ZIALOR

Mersi Mr Speaker. Pa tro, akoz mon ti pe ganny enteronpe. Mon ti pe eksplike poudir ler nou pou al regard tou, akoz nou kontan donn zis bann bout. Sa bann reform ki nou a pe fer, i annan diferan faz, diferan faz. E mon asire Mr Speaker poudir, i pa fer premye fwa ki mon vin eksplik sa.

Ki Onorab Aglae i konn byen li. I konn byen li. E sak fwa nou war li avek bann diferan faz nou'n fini fer, enn, nou fer. E mwan, mon anvi parey mon'n dir la sa striktir zot kapab al verifye kot *PSB*.

Sa striktir ki ti la Novanm 2020 i nepli li. In pran de diferan, de diferan bout faz kot nou'n fini fer. Sa lot bout ki *CEO* pe al fer la, i en trwazyenm faz dan son modernizasyon. Mersi Mr Speaker.

MR DEPUTY SPEAKER

Mersi *Minister*. Mon, mon satisfè ki nou epiz sa size loter Mosyon in ganny sans byen enterakte *back and forth* avek *panel*. E mon pou *move on to the next question*

(comments off-mic)

MR DEPUTY SPEAKER

Onorab, non *relax*. Mon pe *proceed* avek kestyon 47 e mon ava envit Onorab Egbert Aglae pou...

(Interruptions off-mic)

MR DEPUTY SPEAKER

Letan Lasanble i a kalme mon a kapab kontinyen, mersi. Menm si la anndan i pa en legliz, solman letan nou pe travay nou bezwen fer li dan avek en serten nivo respe, trankilite.

Akoz pou nou kapab konpran ki pe pase ler i annan tou sa bann *back and forth* komanter *off-mic* i deranz tou dimoun. So Onorab Aglae *please proceed with question number 47. Thank you very much*.

HON EGBERT AGLAE

Mersi Mr Speaker. I paret mwan zot pa anvi nou demann kestyon isi dan sa Lasanble. Mon kestyon i konm swivan:

Swivan lanons
Prezidan...

MR DEPUTY SPEAKER

Onorab, mon'n fek dir ou taler, bann komanter evite. Mon'n donn ou sans pou enterakte, ou'n demann kat siplemanter lo ou kestyon, ki mannyer ou kapab fer en lakizasyon nou pa pe donn permisyon demann kestyon?

Mon'n les ou epwiz ou bezwen otan. *This is an unfair comment against me! Please proceed with your question. Thank you.*

HON EGBERT AGLAE

Mon kestyon i konm swivan; Swivan lanons Prezidan pou organiz plis aktivite pou lazenes, eski Minis i kapab dir sa Lasanble, ki plan son Minister pou fer sa vin en realite? Mersi.

MR DEPUTY SPEAKER

Mersi. Mon ava envit *panel* pou donn larepons, mersi.

MINISTER MARIE-CELINE ZIALOR

Mersi Mr Speaker. Mr Speaker, ankor avan ler mon reponn, i annan en bann komanter ki pe ganny fer *off mic* drwat devan mwan la. E mon pa krwar poudir, mon pa krwar poudir i apropiye egzaktaman.

E mon pa krwar osi ki letan i annan - mon'n reste trankil mwan. E letan zot pe fer demann kestyon sak fwa

mon asize mon ekoute, mon pran *notes*. E mon pa krwar poudir -

I apel en gran respe. E Mr Speaker parey ou, mon sorti mon leve bomaten vin travay, vin avek en bonn fwa pou vin reponn bann kestyon bann Manm Lasanble Nasyonal.

E pou nou ganny *disrespect* koumsa, mon krwar poudir mon pa pou aksepte sa. Lot fwa mon ti vini mon ti vin dir mon pa pou vin ganny *bully*. La ankor la sa *off-mic* - bann gran, gran komanter pe ganny kriye.

Mr Speaker, zis pou met lo rapor poudir mon pa apresye, mon pa apresye ditou. E nou pe koz lo lazenes osi i annan en kantite mank respe. Mon krwar nou kapab pa dakor ek kanmarad, nou kapab, nou kapab annan diferans lopinyon

(Off-Mic)

MINISTER MARIE-CELINE ZIALOR

(mon a pe koz ek Mr Speaker.)

Diferans lopinyon, me selman mon krwar nou kapab fer li dan en fason ki tre *respectueuse* e vwala en zoli demokrasi kot ou respekte lopinyon en lot dimoun e ou pa koz par lao li.

(APPLAUSE)

MINISTER MARIE-CELINE ZIALOR

E Mr Speaker, Minister Fanmir ek Lazenes e Spor, i deza pe fer bann aktivite pou lazenes.

Mon'n fek nonm en pe ki SNYC pe fer. E NSC i pous bokou pou ki bann lorganizasyon sportif parey bann lasosyasyon, bann Lakademi Sportif, i fer aktivite spor pou nou bann zenn. Pou serten dimoun, mon aksepte poudir aktivite kekfwa pou zot i vedir lenplimantasyon keksoz, ki annan pou fer avek zis lwazir e rekreyasyon.

Nou dan Minister, nou anvi elarzi sa definisyon. Nou'n komans plizyer kolaborasyon avek lezot bann Minister e antite dan plizyer domenn, parey Lasante, parey Lantreprenarya, Lar, Lanvironnman, Ledikasyon, spirityalite e lezot ankor.

Lannen pase nou ti fer en levanter tou bann lorganizasyon non-gouvernmental ki'n anrezistre. E ki deservi lafanmir enkli ki deservi lazenes. E nou ti fer pa mal rankont pou war ansanm avek etrwat kolaborasyon Gouvernman lokal ki mannyer nou pou siport zot.

E la nou le met bokou lanfaz lo sa ki taler Onorab Aglae in mansyonnen, desantralizasyon pou sa bann

diferan aktivite. Nou osi fer bann kolaborasyon avek bann lorganizasyon enternasyonal tel ki ; *WHO* ki la dan pei, *Commonwealth*, *UNFPA*, *UN Youth*, *CONFESJES* zis pou nonm enn de pou bann aktivite osi lo nivo enternasyonal.

E Mr Speaker, apre tou fer aktivite pou zenn i pa restrikte pou zis Minister Lafanmir, Lazenes e Spor. Mon toultan profit lokazyon pou envit tou endividi ouswa lorganizasyon, ki anvi fer nenport ki aktivite pozitiv pou bann zenn pou zot fer li.

E ler zot bezwen nou sipor Mr Speaker, nou la, nou pare. Me lazenes i pa reste en keksoz ki zis pou Minister. Lazenes i pou tou Seselwa. Mersi.

MR DEPUTY SPEAKER

Mersi Minister. Mon ava envit loter Mosyon pou son siplemanter.

HON EGBERT AGLAE

Mersi Mr Speaker. Mr Speaker, mon pa anvi al antre dan okenn *polémique*. Me selman Prezidan in rekonnet poudir i annan mankman aktivite, akoz bann konsiltasyon ki'n fer avek bann zenn. E in dir sa dan SONA.

Mwan etandonnen ki Minis pou Minister Lazenes,

Spor ki the *parent Ministry* se ou sa *anchor* ki sipoze donn gidans. Se sa mon kestyon. Akoz dan ou larepons mon pa pe war en *roadmap* ki manner.

Ou'n nonm mwan bann afilyasyon ki nou bann groupman ki sa enternasyonal rezyonal. *This was there.* Mwan, mon anvi konnen petet ki plan pou kapab avek sipor sa bann lorganizasyon, sa bann groupman ki nou annan dan Sesel, pou kapab anmenn sa bann aktivite parey mon ti pe dir - dan en fason desantralize.

I bezwen annan en kler kote ki komanse, kote ki nou ale, kote ki nou pou fini, sirtou. Akoz se sa ki zenn i anvi war. Akoz zenn ozordi i dir ou poudir mon pa konnen kot mon pou ale. I vin dan distrik i pa war en *Youth Worker*, i koz ek *DA*, *DA* i *busy*, *MNA* i annan son travay ki li i pou fer.

So we need to have a structure. Se sa ki mon ti pe demande taler akoz napa *that's the problem*, ou konpran? Nou, nou anvi konnen *what is the roadmap* pou fer sa arive. Petet nou ava annan konsiltasyon, mon krwar ki nou bezwen ganny fer a lavenir ankor lo la. Mersi.

MR DEPUTY SPEAKER

The question is simple - what is the roadmap pou fer sa plan arive? Mersi.

MINISTER MARIE-CELINE ZIALOR

Wi, Mr Speaker, sa i fason fer US. E-e...

(comments off-mic)

MINISTER MARIE-CELINE ZIALOR

... non, non i pa politik sa be Mr Speaker se, se administrasyon *LDS* ki la. Se Gouvernman *US* ki ti la.

(comments off-mic)

MR DEPUTY SPEAKER

Letan Lasanble i a kalme, mon a donn permisyon Minis pou kontinyen.

MINISTER MARIE-CELINE ZIALOR

Nou dan Lasemenn *Sainte* la Mr Speaker, latolerans, latolerans letan kanmenm nou pa kontan en dimoun pe dir en keksoz, pa anpes nou ekoute ; pa anpes nou annan en dekoronm - en disiplin pou nou ekoute kanmenm nou pa kontan. Nou pou ganny nou sans reponn.

Wi, Mr Speaker....

MR DEPUTY SPEAKER

Minister i kapab *proceed*. Mersi.

MINISTER MARIE-CELINE ZIALOR

Wi, mersi bokou. Mr Speaker, larepons i senp pou Onorab Aglae. Sa ti en fason fer en Gouvernman ; en lot fason fer kantmenm nou pa dakor avek, i en diferan fason fer. Akoz pran tou resours met dan aktivite parey mon'n eksplike la, fer aktivite kiltirel dan distrik, *Youth Worker* toulezour.

Lazenes Sesel nasyonal, nou annan nou en kantite pwen konsern ki sorti kot zot. Ki kekfwa nou a ganny sans Mr Speaker, pou donn *PS* pou eksplike rankont ki'n ganny fer pou Polisi avek larestan avek bann zenn.

Wi, parfwa donn lenpresyon poudir ou a krwar lazenes i koz zis ek zot, pa koz ek nou ditou. Nou osi nou koz avek sa kantite 9 mil la e bann statistik ki *CEO* pe anmase e lafason fer - nou bezwen annan en balans.

Akoz sa bann defi nasyonal lazenes sa Konsey, Konsey Nasyonal i bezwen pe pran. I bezwen pe pran ka, tou sa bann keksoz la ki annan pou fer dan bann domenn sosyal, dan bann domenn lar, lantreprenarya lo nivo nasyonal.

E kwa ki nou apel fer keksoz? Ler nou fer rankont nou fer en Konsey, nou fer en

Komite ansanm avek *ESA*. Ou fer ansanm avek Lenstiti Lar, avek Kiltir pou profesyonnalizm lar, pou donn plis sans bann zenn ansanm avek Finans pou nou kapab dan lantreprenarya.

Sa louvraz i apel louvraz osi sa Mr Speaker. Pa zis fer aktivite dan distrik ki louvraz. Nou louvraz i elarzi i lo en kote nasyonal e se sa. Si nou krwar poudir nou lazenes napa lenportans, nou bezwen fer toultan zis fer li bann aktivite dan distrik e nou pa pou fer li annan en deba.

Zanmen lo bann keksoz enportan dan son pei, pou li diskit lo la, pou nou annan par egzanp nou pa mansyonn ditou sa ki nou'n fer pou fer eleksyon, pou ki Lasanble Lazenes i donn lanmen pou partisip dan demokrasi son pei. Pou nou revwar lafason ki politik dan sa pei i ganny fer. So sa i en kantite bann keksoz ki nou lo kote nasyonal nou pe fer.

E i annan sa bann regroupman. E parey mon'n dir nou ki nou fer nou, nou'n ale nou e nou'n al zwenn tou sa bann klib la ki'n anrezistre, tousala pou regarde ki mannyer zot pe fer sa dan zot bann distrik. Ki mannyer i pe fer desantralizasyon pou nou kapab war ki mannyer nou zwenn zot.

Si Onorab Aglae i war sa i pa louvraz Mr Speaker, mon respekte son lopinyon. I pa mon lopinyon pou mwan e mon ti ava kontan petet avek ou permysyon Mr Speaker permet ki kekfwa *CEO* swa *PS* i elarzi en pti git lo sa ki mon a pe dir.

Me sa i zis en keksoz diferan fason fer keksoz, ki definitivman nou pe espekte. Zot pa dakor avek be nou napa problem ek sa nou. Mersi.

MR DEPUTY SPEAKER

Lekel ant le de *PS* ouswa *CEO* ki pou *expand* lo la? *Proceed*.

CEO ALBERT DUNCAN

Mersi Mr Speaker. Mersi Onorab pou ou kestyon. *Ok*, so kestyon plis aktivite avan nou al lo aktivite mon ti a kontan *stress* ki nou, nou lanfaz i plito lo program e bann aktivite i vin en *by-product* of sa bann program. Akoz parey nou'n koz lo progre konmela pou mezir progre bann program oubyen *anything* ki annan pou fer avek *Social Programs Policy*.

Konmela i ganny mezire *on the social return on investment* so sa direksyon ki nou pe sey ale pou nou etabli bann program ki anmenn en sanzman ki anmenn en lenpak. So i bann i pa zis bann aktivite *one, one-off* be i bann program ki anmenn en

sanzman, ki anmenn en lenpak.

E nou fason travay ler i pli *youth-led* parey sa bann klib lentere ki nou pe koz lo la, se bann zenn zot menm zot ki pe *come up* avek zot program, zot *interest*. So *by nature* zot pou *come up* avek plis keksoz, plis aktivite.

Akoz i *organic*, i sorti kot bann zenn zot menm. I pa bann aktivite ki nou koman en *Council* nou dir *ok*, nou pou fer sa dan sa distrik, sa dan sa distrik non i bann zenn zot menm. So, i *organic*. E lafason ki nou met lanfaz lo *collaboration* avek bann lezot *anchor organization*.

Akoz parey Minis in dir taler, lazenes i pa zis kot nou i kot Minister Ledikasyon, Minister Lasante. So nou annan bann *action plan* tou avek da bann *anchor organization*. Ozordi nou annan en miting avek Ledikasyon, pou gete ki mannyer nou bann program pou antre dan bann lekol pos-segonder.

Nou'n zwenn par egzamp Liniversite, pou gete ki mannyer nou pou fer bann *open day* laba, pou ganny zot bann partisipasyon. So tousala i kre en *momentum*. *It's a multiplier effect*, so i sorti anba *its bottom up* sorti kot lazenes i *across* atraver bann

kolaborasyon avek nou bann *anchor organization*.

E osi manner nou'n entegre teknolozi akoz *youth work* i global li. Par egzanp ganny reform ki nou pe koze kot SNYC, avan nou ti napa bann zouti parey *zoom*. I annan en ta konferans online ki nou bann zenn pe pran par ladan.

Ki sa osi i vin en lot - manner mon kapab dir - i vin en lot *domino effect*. Akoz nou pe aprann kwa ki bann zenn pe fer deor. I vin en lesanz e nou enplimant, nou enplimante isi.

So, tousala ler ou met li ansanm e mon envit zot pou swiv nou bann paz *social media*, pou swiv nou bann *press conference* zot pou war ki bokou, bokou plis langazman.

E nou statistik i koz pou li menm akoz nou ti tous 9 mil lannen pase e nou pe *forecast* avek zis sa 3 mwan nou pou desote sa lannen ki la. Ler nou get nou bann *affiliated groups*, 2 an pase nou bann *affiliated groups* i zis bann i bokou bann group ki nou pa konnen kote i sorti, *who created it*.

Be sa bann *affiliated groups* la *are real youth-led groups* ki annan en lentera, ti annan en azanda. E depi lannen pase nou ti annan apepre zis 4-5 la ozordi nou

annan 12. Pou donn en legzanp kote *e-gaming* ki mon ti koz lo la lannen pase.

Nou ganny *e-gaming* dan nou bann *Service Bureau*. Ozordi nou annan bann zenn ki'n vin ansanm ki pare pou fer en lasosyasyon pou annan en federasyon ki kapab *e-gaming* i kapab *compete* lo nivo nasyonal.

Dan nou *Program Think Tank*, en keksoz ki'n sorti ladan se bann zenn i anvi zwenn ansanm pou fer en lorganizasyon bann zenn antreprenner. So sa i bann - bann lenpak bann aktivite, bann *outcomes* ki vini ler ou ler en *youth-le*. So *it's further use by the youth*.

E se sa ki pou anmenn plis aktivite *outcome* ek *output*. Mersi.

MR DEPUTY SPEAKER

Mersi *panel*. Onorab Arissol?

HON SANDY ARISSOL

Mersi Mr Speaker. Bonzour Minis avek ou lekip e tou bann dimoun ki pe ekoute. I annan sa *saying* ki dir nou bezwen osi gete kwa ki nou kapab fer pou nou pei olye nou pei fer pou nou. Par egzanp Bel Ombre Mr Speaker, nou annan *Little Explorers* Dr Alvina, nou annan *Chess* Sir Robin avek Ms Nalletamby.

Nou fek ouver en *library* akote nou sant pou nou bann

zenn ki konpri ki kontan, en lot fason fer dan distrik. Nou annan *Football Club* Sir Marcus, nou annan *Traditional Dance* par Ms Margaret Vel Beau Vallon-Bel Ombre.

Nou annan en *Musical Club* ki nou fek ouver, se Mr Jerry Souris ki responsab. So tousala se bann aktivite ki nou, nou'n fer lo nivo Bel Ombre. Alor mon kestyon ki mon ti a kontan demann avek Minis ek son *panel*.

Kekfwa ki kote zot lo kote Minister zot kapab antre vin donn nou sipor, elarzi nou group, ed nou dan tou fason ki zot kapab pou ki nou kapab ouver plis lezot e fer bokou plis aktivite pou nou bann zenn Bel ombre parey nou'n komanse pandan sa dernyen 3 an edmi pe al lo 4 an? Mersi bokou Mr Speaker.

MR DEPUTY SPEAKER

Mersi. *Panel?*

MINISTER MARIE-CELINE ZIALOR

Mersi Mr Speaker. Mersi bokou Onorab Arissol pou *highlight* sa bann. E mon asire bann larestan distrik osi ki mon konnen. Mwan kot mon ete Anse Boileau, dan Anse Royale mon kapab dir - mwan osi mon nonmen, aköz mon konnen en pe bann klib ki

annan kot - apre lekol sirtou en kantite nou bann zenn.

Ouswa apre, apre ler travay kot zot partisipe ladan. I zisteman parey mon ti pe eksplike. Nou'n zwenn tou sa bann ki'n anrezistre ki ti anvi vin miting, nou'n zwenn zot ansanm avek Gouvernman Lokal.

Nou pe regarde ki mannyer e kwa ki zot bezwen pou nou kapab siport zot e mon asire lo kote *SNYC* kekfwa petet Mr Speaker, *CEO* i ava kapab dir kwa ki i annan an plas.

Be lo nou kote nou'n nobou ansanm avek Minister Ledikasyon osi tou, nou'n fer en pti komite pou nou zwenn souvan, pou nou kapab war. Parey dan bann vakans kwa ki i annan, kwa ki i annan e ki mannyer nou kapab donn bann sipor sa bann dimoun.

E sa bann dimoun zot kapab en kantite i fer tou zot vini sports i al kot, i al kot *NSC* mon konnen. Lo kote lazenes i kapab al kot *CEO* kekfwa *CEO* i kapab dir plis. Me bann ki an deor...

E nou kapab osi tou par egzanp nou, nou fer avek pou ledikasyon, nou parey sa pos, aköz sa kominikasyon ki si zot vini nou, nou rode lekel sa dimoun laba kot Ledikasyon.

E nou fer, nou fer sa bann laranzman pou sa bann sipor e nou menm osi ede ki

bann dimoun mon konn en klib *Gymnastics Anse Royale*, pou nou kapab ganny bann *sector* ki pe rode parler pou zot *sponsor*.

Pou *sponsor* swa bann lekipman swa larestan keksoz. E enkli osi swa sa program ki i annan ek *Local Government*, kot bann Konsil bann, bann biro bann Diplomat osi i ede. I annan pa mal, pa mal bann keksoz ki kapab ganny fer. Mersi bokou.

E mon ti a kontan felisit ou Onorab Arissol pou sa ki ou pe fer Bel Ombre e ankouraz larestan osi pou fer parey. Mersi.

MR DEPUTY SPEAKER

Mersi *panel*. I annan ankor 6 Manm ki'n demande pou demann keston lo sa size. 2 Manm *US*, 4 Manm *LDS* malerezman kontrent letan pa dan nou faver. Nou pou pran en *break* la, nou pou rebran 11:10. Ler nou retournen 11:10 nou ava annan 3 keston sa i ava 48, 49 e 50. Donk nou *adjourn* e nou rebran travay 11:10.

(BREAK)

MR DEPUTY SPEAKER

Welcome back tou dimoun. Donk nou pou kontinyen avek nou travay lo *Order Paper*

ozordi. Nou an se moman *with Questions With Notice* e delegasyon ki avek nou i sorti kot Minister Lazenés, Spor avek Lafanmir dirize par Minis Marie-Celine Zialor.

E prosen keston se keston limero 48 ki'n table par Manm elekte pou distrik La Rivière Anglaise.

HON ANDY LABONTE

Mersi Mr Speaker. Bonzour Minis, *PS* avek *panel*, tou koleg Onorab. Kestyon 48 i lir koumsa:

Eski Minis i kapab dir Lasanble, vizyon son Minister lo lavenir *kickboxing* koman en spor konpetitiv dan Sesel? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER MARIE-CELINE ZIALOR

Mersi Mr Speaker. Mr Speaker, vizyon Minister se pou fasilite devlopman tou spor dan pei enkli *kickboxing*. E nou konstate ki Seselwa i fer tre byen dan bann spor konbativ.

Alors nou donn tou sipor posib. Me Mr Speaker fodre osi met devan ki devlopman sak sa bann disiplin lo nivo konpetitiv, i depan bokou lo son federasyon ouswa son

lasosyasyon respektif. Mersi Mr Speaker.

MR DEPUTY SPEAKER

Mersi *Minister*. Onorab i annan siplemanter.

HON ANDY LABONTE

Mersi Minis pou reasir nou ki *kickboxing* i annan son plas dan spor Sesel. Petet lo pou en pe pou benefis bann dimoun ki pratik sa spor li menm li, eski ou kapab reasir zot ki zanmen *kickboxing* in ganny gete koman en spor ki pa ganny rekonnet avek NSC.

E eski i ganny menm loportinite parey bann lezot spor, menm lo kote konpetisyon enternasyonal ou rezyonal, parey in ganny anonse dan dernyen Zwe De Zil ki i pou ganny konsidere koman en spor konpetitiv pou *next* Zwe De Zil? Mersi.

MR DEPUTY SPEAKER

Mersi Onorab. *Panel?*

MINISTER MARIE-CELINE ZIALOR

Mersi Mr Speaker. Avek ou lotorizasyon mon ti a kontan PS i pran sa kestyon. Mersi.

MR DEPUTY SPEAKER

Nou ava envit Mr Jean-Louis.

PS RALPH JEAN-LOUIS

Mersi Mr Speaker. Mersi Onorab pou ou kestyon. As

long ki sa federasyon i anrezistre avek *Registrar* e i pe fonksyonnen, i annan son program i pou ganny asiste avek NSC e tou sipor posib.

E i fer NSC ganny son program ki zot pou gannyen pou lannen, kot, kote zot pou bezwen bann sipor. Zot ava diskite ek NSC e agree kote bann sipor i vini. Mersi.

HON SEBASTIEN PILLAY

(Off-Mic)

MR DEPUTY SPEAKER

Mersi. Onorab Pillay, ou annan en kestyon lo sa size?

HON SEBASTIEN PILLAY

Mersi Mr Speaker. Prenan kont ki sa Lasosyasyon in fini fer son konstitisyon in fini met li pare. Ki zot, zot fer konmsi? Eski zot esper sa bann lasosyasyon vin kot zot, zot esper sa group dimoun vin kot zot?

Vi ki la zot konnen i annan sa group dimoun, eski zot al ver sa group dimoun zot komans angaze avek sa group dimoun. Sa mon ti a kontan konnen ki prosedir zot annan an plas e ki zot pou fer pou zot realize ki i annan - pou realiz sa groupman. Pou ki sa bann dimoun i kapab partisipe e vin dan spor?

E an pasan Mr Speaker, mon le zis- mon le zis note ki mon tann Minis koz lo vizyon

son Gouvernman vizavi spor. Me si vizyon Gouvernman vizavi spor i tel konm parey i ete konmela, apre sa move performans Zwe De Zil, sa move performans Zwe Lafrik, eski se sa vizyon ki ou pe dir nou e vizyon ou Gouvernman ?

Oubyen vizyon Gouvernman se ki parey Prezidan i fer nou bezwen riy nou lekor ler nou-ler nou anba presyon? Mersi Mr Speaker.

MR DEPUTY SPEAKER

Sa dezyenm komanter konpletman *out of order*, mon pe dir *panel* pa bezwen *entertain* sa. Demann zis lo premye, ki zot fer pou en nouvo federasyon ? Mersi.

MINISTER MARIE-CELINE ZIALOR

Mersi Mr Speaker. Mr Speaker, mon ti a kontan ki *PS* i pran sa kestyon. Zis selman kekfwa petet osi aköz in fer referans lo sa ki mon'n dir. Kekfwa petet i petet revwar verbatim. Mon pa'n nonm Gouvernman mon'n dir Minister. Mersi.

MR DEPUTY SPEAKER

PS.

PS RALPH JEAN-LOUIS

Mersi Mr Speaker. Mersi Onorab. I en pe tou lede. Onorab, i annan bann

lasosyasyon ek federasyon ki pas en pe dan difikilte. E mon konnen *CEO* in zwenn avek enn de ki pe ganny difikilte pou gid zot en pe.

E osi pou zot anrezistre si zot anmenn zot *certificate of registration* kot *NSC* ki sorti kot *Registrar*. E la zot ganny gete koman en Lasosyasyon Federasyon avek *NSC*. Mersi.

MR DEPUTY SPEAKER

Mersi. Napa okenn lezot Manm ki'n endike zot le demann kestyon lo size *kickboxing*. Donk, nou pou bouz lo kestyon limero 49 e mon envit Manm Elekte pou La Digue avek *Inner Islands* Onorab Uranie.

HON ROCKY URANIE

Mersi Mr Speaker. An vi ki zot ti donn komitman ki laplenn futbol kot *sports complex* La Digue pou pare apartir Septanm 2023. E bann *match* futbol pou rekomans zwe lo la.

1) Eski Minis i kapab dir nou ki retar ki zot pe gannyen pou fer sa travay, parey i ti'n ganny anonse isi dan nou Lasanble.

2) Lekel ki responsab pou fer sa travay e

3) Kan eski sa *training ground* par deryer La Digue *Sports Complex* pou ganny fer pou tir presyon lo laplenn prensipal? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER MARIE-CELINE ZIALOR

Mersi Mr Speaker. Prosedir *tender* ti pou ganny fer de fwa pou sa proze an rezilta ki premye *bid* ki pa ti en sikse. E proze ki ti sipoze komanse Septanm, ti komans Oktob lannen pase.

E prozeksyon sa proze ti'n etabli pou fini Mars sa lannen. Me akoz serten kontrent par egzanp lapli, travay adisyonnèl pou rann letablisman pli o nivo. E provizyon materyo ki napa. Kontrakter pe an se moman demann en ekstansyon lo letan pou konplet sa louvraz.

E Lazans Lenfrastruktir (SIAH) pe evalye son pozisyon lo merit e pe konsider sa demann.

2enm kestyon Mr Speaker, lekel ki responsab sa travay, i *LABCO Construction*.

Pou 3enm kan ki sa *training ground* par deryer La Digue pou fini Mr Speaker, si tou keksoz i al byen? *Training ground* par deryer *sports complex* La Digue pou konplete pli tar sa lannen, akoz sa i en proze ki NSC pe antreprann. Mersi Mr Speaker.

MR DEPUTY SPEAKER

Mersi *Minister*. Onorab ou annan siplemanter lo la?

HON ROCKY URANIE

Wi. Mon'n ganny sans pas laba Minister, mon pa konnen ki dernyen fwa ou'n pase, oubyen ou delegasyon in pase. I pa sa fason zot ti dir nou pou ganny fer e mon rappel byen PS ki mannyer ou ti dir nou sa louvraz pou ganny fer.

Poudir sa bann zerb tousala pou reganny tire, pou met li lo en nivo standar ki ganny rekonnet par FIFA. Me kwa ki pe fer ki la nou war zot pe *patch* - zot pe zis *patch* laplenn tir isi met laba.

Akoz i pa pe ganny fer parey zot ti dir zot pou fer li? Mersi.

MR DEPUTY SPEAKER

Mersi. Eski *panel* i annan en larepons?

MINISTER MARIE-CELINE ZIALOR

Wi mersi Mr Speaker. Mon ti ava pas laparol avek Ms Nibourette ki pe swiv sa proze en pe pre pou rann larepons. Mersi.

MR DEPUTY SPEAKER

Manmzel Nibourette.

DIRECTOR GENERAL GYRA NIBOURETTE

Mersi Mr Speaker. Mersi Onorab pou ou kestyon. Parey ou pe dir Onorab, plan i pa parey sa ki ti'n ganny dir oparavan. Sa i plan i ankor *still* la li akoz Federasyon Foutbol avek NSC zot annan en kolaborasyon.

Federasyon Foutbol li i aranz laplenn ek lalimyer e NSC i aranz tou bann larestan fasilite ki vin avek. Me selman malerezman se ki prosedir pou fini fer sa *survey* pou pran en pe plis letan. Ki prezan ki Federasyon Foutbol i pa'n ganny son Bidze ki i bezwen pou li aranze parey i sipoze ganny aranze.

Sanmenm sa ki ou war poudir la louvraz pe ganny fer dan sa fason, me selman nou'n ganny lasirans ki ler sa, sa *pitch* i fini ganny aranze, i kapab tenir apepre 5 a 6 an. Ki pou donn Federasyon Foutbol letan pou li al, al rod son finansman.

So de ki sa pou'n fini, la letan sezon i komanse, zot pou kapab servi sa laplenn *for another 5 to 6 years*, ki a donn Federasyon Foutbol letan pou al rod zot Bidze. Mersi.

MR DEPUTY SPEAKER

Mersi Manmzel Nibourette. Loter kestyon i le en klarifikasyon ankor?

HON ROCKY URANIE

Non, mon pe get komitman mwan. Akoz avan ler nou vin koze nou, nou donn nou komitman dimoun, nou bezwen fer sir nou konnen ki nou pe dir. Akoz si ou ti konnen ou napa finansman, akoz ou vin fer en komitman parey e donn sa lasirans Digwa e nou dan sa Lasanble?

E apre vi ki sa Kontrakter in demann en ekstansyon, kan eski zot pe mazine ki sa travay pou fini - garanti ki nou bann *match* foutbol i rekomans ankor lo laplenn La Digue? Mersi.

MR DEPUTY SPEAKER

Mersi. Panel.

MINISTER MARIE-CELINE ZIALOR

Mersi Mr Speaker. Wi. Mr Speaker, letan nou donn dapre bann mwan ouswa lannen kan proze pou fini, i dapre sa kontrakter. E dapre sa kontra, ki li in sinyen dapre tou bann *scope of work* ki i ganny fer.

Ler i annan bann keksoz ki an deor son kontrol, par egzanp lapli i kontinyelman tonbe, kantmenm nou'n vin Lasanble nou'n dir dapre si ti pou vini an Out ouswa an Septanm, apre i pa kapab, mon mazine poudir nou bann, nou bann zabitan i a konpran sa.

Ouswa si i annan mankman materyo nou tou nou konnen poudir nou annan en gro leksplozyon ki'n arive e i annan mankman materyo konstriksiyon.

E pou son kestyon lo kote kan egzaktaman, akoz ki sa kontrakter, *SIAH* i a pe evalye. *SIAH* ki pe evalye. I pe evalye son demann pou war, se zot ki pou deside pou war kan eski nou pou donn ekstansyon - i pa pou donner - ki pou arive avek sa.

Sa i parey bann teknisyen konstriksiyon, ki konn zot zafer, ki donn nou sa bann lenformasyon kot nou respekte sa bann teknisyen. Mersi Mr Speaker.

MR DEPUTY SPEAKER

Mersi *panel*. Onorab Arissol?

HON SANDY ARISSOL

Mersi Mr Speaker. Dan menm lespri pou siport bann *sportsmen* e bann zenn ki pe mazin pozitivite lo La Digue, mon ti a kontan e mon'n osi tann mansyonn *FIFA*, ki mon mazine zot nivo sa ki pe koz lo la. Bel Ombre nou napa sa nivo *FIFA* nou, selman nou apresye sa ki nou annan.

So mon kontan pou bann Digwa, zot pe ariv lo sa nivo. Mon ti a kontan alor demann ek Minis si ou kapab eksplik nou Minis, letan sa proze Loter kestyon Onorab Uranie pe

demande i terminen, kwa ki nou pe espekte bann Digwa espesyalman bann zenn, kwa ki zot pou gannyen atraver sa lo sa nivo pozitivite ki nou pe koz lo la? Mersi bokou.

MR DEPUTY SPEAKER

Mersi Onorab. *Panel*?

PS RALPH JEAN-LOUIS

Mersi Mr Speaker. Mersi Onorab. Ofet se ler mon ti dir pou lo ler mon ti koz lo sa proze ti pran de faz. Ti pou annan aranz laplenn, lalimyer e apre son lot faz se met lofis avek sa lot kote graden.

Sa i ankor an diskisyon avek Federasyon Foutbol dan nou kolaborasyon sa i egziste. E zot pou anmenn sa kot *FIFA* pou zot ganny finansman pou sa proze, pou *hand li in* koman en proze, ki pou ganny finanse par *FIFA*. Mersi.

MR DEPUTY SPEAKER

Ou annan klarifikasyon lo la?

HON SANDY ARISSOL

Mersi Mr Speaker. Mon kontan sa ki *PS* in dir ek nou, me selman mwan, mon ti anvi ki pou bann Digwa ki pe ekoute la deor, konmsi eksplik nou letan sa proze, sa gro proze nivo *FIFA* i fini, konmsi kwa ki nou bann zenn pou ekspekte laba zot kapab fer lo sa depans ki nou pe fer lo sa nivo? Mersi bokou.

MR DEPUTY SPEAKER

Mersi.

MINISTER MARIE-CELINE ZIALOR

Mersi Mr Speaker. Mon krwar mon'n konpran kestyon Onorab. Nou, nou vizyon ki taler mon'n ganny atake lo la, se ki sa bann zil Praslin-La Digue, zot osi zot kapab akeyir bann konpetisyon enternasyonal.

Akoz i annan plan pou nou osi tou la nou pe al fer *FIFA World Cup* lannen prosen, nou ti ava kontan. E Federasyon Foutbol pe mazin fer bann diferan konpetisyon avan ler *leading to* sa gro konpetisyon. Kot nou kapab e mazine nou annan *CJSOI* lannen prosen.

E mon krwar ki nou bann zabitan La Digue, nou kominote sportif La Digue, zot ti ava kontan, ki zot ava akeyir sa bann konpetisyon.

E pa zis sa bann i ankor annan lezot bann demann an mezir nou travay avek. Par egzamp i annan program la mon mazine *CEO Duncan* i ankor la *Football for Good* ki pe kalkile parey *Basketball for Good*. Pou zot kapab vini.

E nou anvi desantralize ki i ava al La Digue osi tou e La Digue osi mon mazine Onorab i a kontan. La Digue osi ava kapab akeyir bann

zenn osi. I annan bokou nou bann bon atlet La Digue-Digwa mon krwar nou bezwen donn zot sa loportinite. Mersi Mr Speaker.

MR DEPUTY SPEAKER

Mersi *Minister*. Onorab Pillay?

HON SEBASTIEN PILLAY

Mersi Mr Speaker. Mon le retourn lo lesansyel kestyon e sa i konsern sa *pitch*. Sa ki nou'n ganny dir se ki sa ki zot pe fer i pou *last* pou 5 an a 6 an. Prenan kont ki Onorab Uranie in *raise en issue* ki dir poudir zot ti donn serten *commitment* e i pa'n materyalize, aköz i annan en bout ki tonm avek Federasyon Foutbol, i annan en bout ki tonm avek zot;

Eski ou dan en pozisyon la pou dir avek nou, pou bann dimoun ki pe fer *practice* foutbol lo La Digue - nou annan de lekip ki dan premye divizyon ki fer ase byen. I annan en kou pou zot kontinyelman ale zot al lo Praslin. I en *cost* pou sa de lekip.

Ki garanti ki ou pe donn nou ki Federasyon Foutbol pou materyaliz son bout, ki li i sipoze fer vizavi sa *pitch*? Aköz sa ki ou'n dir nou, nou bezwen esper 5 an a 6 an nou pa konnen si i pou la 5 an a 6 an.

Akoz en *pitch* si i pe ganny sa kantite - en laplenn

si i pe ganny sa kantite zwe lo la, sa kantite presyon lo la pou annan en lenpak lo li. So ki garanti ki ou pe donn nou ki Federasyon Foutbol pe fer sa?

E lefe ki an pasan Mr Speaker, lefe ki Prezidan i Patron Federasyon Foutbol, akoz li in dir i kontan La Digue, i pa pran sa koman en priyorite e fer federasyon atraver son lenfliyans, pou fer federasyon fer materyalize sa proze, pa dan 5 an a 6 an, me pli boner posibil.

Ki nou ava war en fasilite sportif parey bann Digwa in ganny dir, parey zot pe espekte gannyen. Mersi Mr Speaker.

MR DEPUTY SPEAKER

Mersi. *Panel?*

MINISTER MARIE-CELINE ZIALOR

Mersi Mr Speaker. Mr Speaker mon krwar sa ki Ms Nibourette in eksplike, se ki sa laplenn son dirasyon ki manner i pe ganny fer la i pou ariv son dirasyon 5 an ziska 6 an. I pa vadir ki Federasyon Foutbol pou esper 5 an a 6 an pou zot met sa laplenn lo nivo kot i ete.

E nou travay etrwatman avek Federasyon Foutbol. E fodre dir ki *FIFA* i en lorganizasyon la nou pe travay pli pre avek zot pou *World Cup*. Zot annan en kantite

birokrasi, kantite birokrasi kantite bann prosedir, parfwa kekfwa nou bann federasyon lokal. Sa i enkli pou nou larestan Lasosyasyon.

Federasyon mon ava eksplike bann Federasyon Lasosyasyon enternasyonal ki nou annan. E parfwa i pran nou en pti pe devlop nou kapasite dan *sports*, pou nou kapab ariv lo sa nivo ki bann federasyon enternasyonal i demann nou pou arive.

Me nou garanti Mr Speaker, se ki nou pou travay tre pros avek Federasyon Foutbol. E si fodre nou santi, akoz i annan revwar Bidze ki si nou, nou kapab, nou kapab aranz sa laplenn apre ki *FIFA* i fer laranzman, si an ka prosedir i pran, i pran plis letan nou, nou kapab fer.

Se sa nou, nou langazman avek, avek bann kominote Digwa. E mon ti anvi mansyonnen osi kekfwa petet Mr Speaker, sa laplenn depi 1998 in fer pa'n zanmen ganny aranze li. I pa'n zanmen ganny aranze. Letan mon pe regard osi tou - akoz mon ti pe rod en pti git son *history* pou mwan war, be akoz in ariv sa, sa zistans kot i ete ozordi.

Akoz i enportan, i enportan pou nou osi kapab war parler letan, letan i annan sa bann keksoz ki arive, nou pe fer nou mye. E pou, pou bann dimoun osi kapab

apresye zefor ki nou bann teknisyen - zefor ki nou bann dimoun la pe travay pou zot anmenn sa bann lenfrastruktir lo son nivo.

E mon pe regarde mon pe get en kou dan Bidze, mon annan sa bann sif avek mon depi tou sa bann lannen. Oli Bidze ki'n mete pou nou aranz sa laplenn? E ouswa avek Federasyon Foutbol osi bann diskisyon pou aranz sa laplenn Mr Speaker mon pa'n war.

E la si nou pe ganny en pe retar, en pe retar i pa vadir ki nou pa pou fer. Nou pe ganny en pe retar avek sa, sa Kontrakter e ki pe demann nou en pe ekstansyon ki *SIAH* pe demande. Mr Speaker, mwan, mon konfidan pou donn sa garanti poudir nou pou aranze sa laplenn.

Nou pa pou kapab donn akoz mwan, mon pa en kontrakter poudir egzaktaman kan, me i pou aranze sa lannen. Mersi Mr Speaker.

MR DEPUTY SPEAKER

Mersi *panel*. Ou annan klarifikasyon Onorab?

HON SEBASTIEN PILLAY

Wi Mr Speaker. Ankor *back to lesansyel ok* - ou pe dir nou ou donn garanti pou ganny aranze sa lannen *ok* Sezon i ankor ase zenn la pou le

moman, *ok*? So nou bezwen realize poudir pou annan preparasyon ki pe vini.

Ler mon pe koz sezon mon pe koz preparasyon pou sa bann tim, *ok*? E sa pe fer ki sa bann tim nepli konpetitiv lo nivo nasyonal. Zot pe ganny difikilte pou et konpetitiv lo nivo nasyonal parey zot ti ete lontan.

Zot pa ganny menm benefis parey lezot lekip ki lo *main land* akoz zot, zot bezwen annan en kou depans pran *Cat Cocos* pou desann avek zot zwer, remonte - zot siporter. I annan tout en lozistik ki zot met avek.

So mwan, mon pa vin rod - mon pa espekte ou vin donn mwan leskiz lepase mwan. Ou ki la ou bezwen fer! So kestyon ki devan ou i tre senp, *ok* - eski ou kapab donn nou en dat, en mwan presiz ki ou dir avek sa, sa bann lekip sa bann dimoun La Digue ki sa laplenn pou an operasyon sa letan ?

Non, non si ou pa kapab fer ou pe rod leskiz lepase, *then* sed laplas en dimoun a vin fer pou ou! Mersi Mr Speaker. Apre an pasan i *Beach Soccer World Cup* i pa *World Cup*.

MR DEPUTY SPEAKER

Mersi. Mon pou zis fer *panel* inyor sa nou pou bouz lot kestyon. Akoz Minis in fini eksplike e nou pa servi nou

drwa lekspresyon dan Lasanble pou nou - parey mon'n dir dimoun i vin dan nou salon e nou servi sa lokazyon pou nou abes zot; sa i pa byen.

I anbaras mwan koman en Manm Lasanble, ler mon war mon bann koleg i *behave* dan sa fason avek bann dimoun ki nou'n envite isi anndan. Mersi. Prosen entervenans Onorab Loizeau.

HON NORBERT LOIZEAU

Mersi Mr Speaker. Bonzour Minis, ankor enn fwa ek ou *panel*. Minis, ou'n adres en parti mon premye kestyon mersi o kontrer lo non dimoun La Digue pou pran langazman pou repar en laplenn ki parey ou'n dir sitan lontan in ganny kit dan labandon.

E nou Gouvernman pou fer sir i pou repare parey Stad Linite, nou pou fer li nou. Dan lespri pozitivite sa pou arive. Alors Minis, vi ki nou pe mazin anmenn sa laplenn lo nivo enternasyonal *hmm*, ou'n pronons sa dan ou repons.

Eski ou pe mazin osi sa konversasyon ki zot pou annan ek *FIFA*, pou ki sa laplenn i ava annan *astro turf* a ganny mete, pou kapab lev en pe nivo nou foutbol lo La Digue. Osi tou sa lenfrastruktir ganny servi osi pou bann manrmay La Digue fer atletik.

Eski zot pe mazin osi pou, pou elev en pe nivo sa *track* pou ki manrmay pa ava tay lo zerb zot a tay lo en bon platform sentetik pou zot kapab fer plis rezilta ler i annan *sport day*? Mersi.

MR DEPUTY SPEAKER

Mersi Onorab. *Panel*.

MINISTER MARIE-CELINE ZIALOR

Mersi Mr Speaker. Lo kote bann detay teknik *astro turf* pou mete, mon ava les *PS* ouswa Ms Nibourette i ava pran sa. Me selman dan son globalite, i annan plan pou, pou sa *Sports Complex La Digue* an antye.

Bann diferan faz an mezir ki Bidze i permet, pou nou kapab met ladan pou nou, pou nou akoz nou annan parey ou pe dir. Mersi bokou Onorab Loizeau mon krwar nou bann travayer i ava kontan apresye sa komanter ki pe met zefor pou nou kapab aranz sa bann lenfrastruktir finalman pou nou kapab mete.

Aprè pou nou apresye osi kanmenm i en *Beach Soccer World Cup - it is a World Cup* e koman en Seselwa nou merit fyer de lapar nou bann atlet, tou kominote sportif ki nou pe akeyir en levennman *FIFA* dan nou pei.

E ki La Digue, La Digue koman en zil, koman en

koman en zil ki en trezor Sesel, i osi ava ganny sans letan nou met laplenn annord pou li kapab partisipe.

So mersi bokou pou *at least* pou rekonnèt sa e mon ti a kontan Ms Nibourette i a reponn sa kestyon. Mersi.

MR DEPUTY SPEAKER

Manmzel Nibourette.

DG GYRA NIBOURETTE

Mersi Mr Speaker. Mersi Onorab pou ou kestyon. Lo sa lapenn La Digue zot in war poudir i pli, i pli bon i pli fezab pou kit li zerb dan plas pou met *astro turf*. Akoz *astro turf* osi i annan en kantite kou ki vin avek ki si ou pa *maintain* li i ganny andomaze fasilman.

So i pou reste en laplenn zerb e letan sa *training pitch* i pou'n fini pare i pou fer ki pe tir en pe presyon lo sa *main* laplenn, ki i pou kapab tenir li pou son kantite letan parey i devret.

Akoz *training* pou ganny fer zis lo *training ground* e laplenn zis pou ganny servi pou bann konpetisyon. Mersi.

MR DEPUTY SPEAKER

Mersi Manmzel Nibourette. Onorab Cosgrow.

HON WALLACE COSGROW

Mersi bokou Mr Speaker. Pou mwan ganny sans demann Minis en pti kestyon, akoz depi

bomaten mon pa ankor ganny preski ditou sans. Mr Speaker, mon kapab demann Minis anvi ki bann proze pou fer sa laplenn konplet e pou bann tim La Digue kapab zwe lo sa laplenn pe retarde.

Eski zot pe eksplor posibilite ed bann tim ki al perform Praslin avek en sipor finansyel ekstra? Akoz pou le moman zot pe ganny zot zis R4 mil. NSC pe sarz zot en bis R600 ler NSC pa kapab zot bezwen al pey prive R1500. So *the cost of* bato ki dayer in fer monte, i annan ankor i annan bann *levy fees* lo bato ki fer li ser.

So eski zot pe kalkil ogmant lasistans finansyel pou sa bann klib vi ki zot pa pe kapab perform lo La Digue? E osi Minis nou bezwen realize ki poudir ozordi parey LOTO in dir, ozordi zot ki la e zot in dir en kantite keksoz, en kantite plan.

Par egzanp Meday Olenpik zot ki ti dir me la nou annan problemm Zwe De Zil ek Lafrik. So nou, nou anvi zot *get on with the job* e delivre lo sa ki zot in demande setou. Mersi bokou.

MR DEPUTY SPEAKER

Panel i ava inyor sa dernyen bout, akoz napa nanryen ki fer avek kestyon. E mon note Onorab Cosgrow ki ou annan en kestyon 59 so ou annan

kestyon lo *Order Paper* ou ti pou ganny sans demann kestyon.

Lanfaz ki nou pe mete se, pou bann dimoun ki'n met zot kestyon an ekri pou donn zot sans eksplwat sa size en pe pli byen. *Panel* zot ava reponn son kestyon silvouple? Mersi.

MINISTER MARIE-CELINE ZIALOR

Wi mersi Mr Speaker. Mr Speaker, NSC i pa donn lasistans finansyel bann klib. I donn lasistans finansyel sa Federasyon Lasosyasyon, e sa federasyon ek Lasosyasyon ki donn sipor son bann klib.

Me selman an vi, an vi ki, ki sa i en retar ki pe regarde. E nou ava kapab i pa ti, kestyon ki ti annan ozordi lo papye se lenfrastruktir, lenformasyon ki nou annan i lo lenfrastruktir sa pou bann klib.

Nou ava kapab met sa avek NSC avek Federasyon Foutbol regarde ki mannyer si i annan okenn fason ed sa de klib si zot, zot bezwen led nou kapab konsidere. Definitvman Mr Speaker, pou konsider ed sa, sa de klib.

E mon krwar an pasan osi Mr Speaker rezilta *CJSOI* ki ti trwa fwa pli byen pa koz lo la ditou sa. Mersi.

MR DEPUTY SPEAKER

Mersi *panel*. Napa personn ankore ki'n endike zot le poz kestyon lo sa lenfrastruktir La Digue. Donk, nou ava bouz lo lot kestyon e sa i kestyon 50 pou Manm elekte distrik Baie Ste Anne Onorab Gill.

HON CHURCHILL GILL

Mersi Mr Speaker. Bonzour *panel*, tou dimoun ki prezan. Kestyon i lir koumsa: Eski Minis i kapab eksplik sa Lasanble, kan eski renovasyon lo *judo hall* ek *basketball court* dan distrik Baie Ste Anne pou ganny fer e konbyen letan sa bann travay i ekspekte konplete? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER MARIE-CELINE ZIALOR

Mersi Mr Speaker. Plan se pa pou renovasyon lo sa sant *judo* Baie Ste Anne me pou konstrir en *dojo* nef. Ki ava deservi tou bann spor konbatif lo Praslin e nou konstata e nou apresye ki Praslin, i en landrwa kot nou bann, nou bann atlet i fer byen spor konbatif.

E parey taler, mon'n dir ki spor konbatif Seselwa i paret nou fer sa tre byen. E nou an diskisyon avek Lazans Lenfrastruktir pou kapab fer son *scope* sa lannen. E regarde kan ki nou ava kapab

komans en premye faz konstriksyon, pou - i pou en gran *sports complex*. Me nou pe regarde kan ki nou kapab fer en pe, en pe lazistaz avek Bidze pou regarde ki mannyer nou kapab fer premye faz.

E Mr Speaker, an sa ki konsern *court basketball*, sa i lo lalis bann proze ki dan distrik ki pou ganny fer sa lannen. Mersi Mr Speaker.

MR DEPUTY SPEAKER

Mersi *panel*. Onorab Gill i annan siplemanter?

HON CHURCHILL GILL

Mersi Mr Speaker. Eski Minis i kapab dir nou, sa *scope* ki pou ganny fer nouvo *dojo* ki bor sa nouvo *dojo* pou ete?

Aprè dezyenm vi ki prezan ki nou pe al travay lo *scope* e dan ou Bidze pou 2025-24 pardon i annan renovasyon pou *judo* ladan. Si sa *scope* ki ou pe al fer i pa kot sa, sa *judo hall* i ete ozordi.

Si sa Bidze i kapab ganny servi pou sa renovasyon, ziska ler ki sa nouvo *dojo* i a kapab vin an plas?

E dezyenm se lo kote *basketball* ki kalite renovasyon ki ou Minister, ki Minister i anvizaze fer lo la?

Vi ki, ki mannyer i ete ozordi, son sirfas i annan problemm zot pa kapab pratik byen lo la. Aprè i pa lo standar e tou bann atlet ki servi sa zot

pa kapab zwe *home away* zot bezwen desann Mahe e sa i kout zot bokou resours ki zot napa baze lo sa ki zot gannyen. Mersi.

MR DEPUTY SPEAKER

Mersi Onorab. Nou ava envit *panel* pou larepons.

MINISTER MARIE-CELINE ZIALOR

Wi Mr Speaker, lo kote sa renovasyon *dojo* ki dan Bidze la i pou Mahe; pa pou Praslin e lokasyon nouvo *dojo* Praslin ek sa *sports complex* i pou kot vye *STC warehouse* ti ete avan.

E lo kote bann renovasyon lo sa *court basketball*, kekfw mon ti a demann Ms Nibourette pou donn en pti pe plis detay. Mersi.

MR DEPUTY SPEAKER

Mon ava envit Manmzel Nibourette.

DG GYRA NIBOURETTE

Mersi Mr Speaker. Mersi Onorab pou ou kestyon. Lo sa *court basketball* lenformasyon ki nou, nou ti'n gannyen sete ki zot anvi met en kouvertir lo la pou zot kapab *train* pandan letan lapli.

I pa'n zanmen vin a nou latansyon *with regards* to sirfas sa *basketball court*. Me selman si nou pe koz lo sa standar pou zot zwe

konpetisyon *home and away* sa i pou vin en lot diskisyon. Akoz sa proze li menm li i pou bezwen vin pli gran ki sa enn ki ete la.

Akoz la pou le moman zot ti pe demann en kouvertir pou zot kapab zwe e *train* pandan letan lapli ki sa pou ganny fer dan Bidze Distrik pou sa lannen. Mersi.

MR DEPUTY SPEAKER

Mersi Manmzel Nibourette. Onorab Porice ou'n endike oule demann kestyon lo la?

HON DOYACE PORICE

Mersi Mr Speaker. Bonzour Minis ek ou delegasyon. Bonzour a tous. Minis mon rekonnèt ki sa Karnegi i annan plis ki 60 an depi i la i egziste e ki pa'n zanmen ganny repare.

Letan ki pou annan en lot, en lot fason fer dan sa landrwa eski ou Minister in ganny en koze avek Minister Gouvernman Lokal vi ki sant kominoter byento pe fini. Pou group *judoka* e osi *karateka* pou ganny sans *train* dan sant kominoter? Mersi.

MR DEPUTY SPEAKER

Mersi Onorab. Mon a envit *panel* pou larepons.

MINISTER MARIE-CELINE ZIALOR

Mersi Mr Speaker. Non sa mon krwar i, i en lide ki la prezan ki Onorab Porice pe met devan nou. Nou kapab fer diskisyon definitivman *NSC* e sirtou sa lososyasyon i ava al direk.

Mon, mon'n deza fer, nou'n deza fer par egzans pou Lasosyasyon *Gymnastics* e larestan osi tou sirtou bann spor konbativ lo kote Mahe. E zot pe deza pe fer dan sant administrasyon. Mon pa war-

E Gouvernman Lokal i siport nou bokou avek bann *venues* pou diferan spor. E mersi bokou Onorab Porice pou sa sizesyon ki ou'n met devan. E mon asire ki nou ava kapab pran li sirtou an mezir ki nou bann atlet pe esper sa *dojo* fini fer. Mersi bokou.

MR DEPUTY SPEAKER

Mersi *Minister*. Mon ava envit Onorab Pillay pou son kestyon.

HON SEBASTIEN PILLAY

Mersi Mr Speaker. Mr Speaker, mon, mon pa tro ganny en konpran la, en? Dan devan mwan la mon annan Bidze pou *financing* 2024-2026. I met klerman *renovation work on judo hall* Baie Ste Anne 1.530, savedir R1.5 milyon.

Mon pa konnen ki mannyer Minis i kapab dir nou poudir sa larzan i pou Mahe.

Kan *coding* dan Bidze i kler pou sa. Mon pa pe - tou kou zot dir nou, nou pe mon pa pe atak teknisyen.

Nou pe *focus* lo Minis e Minis i bezwen konn son Bidze. In fer en *statement* kategorik, ki sa larzan i pou Mahe. E keston Onorab Gill ki in *brush aside* i pa'n le reponn dan en fason serye.

Ki pe arive avek sa larzan, vi ki son plan ki'n koze i plis ki 1.5 milyon ler nou pe kalkile. So eski Minis i kapab dir, nou kwa egzakteman sa *renovation work on judo hall* Baie Ste Anne.

Son status i new; financed by GOS, local financing R1.53 million. Total financing 2024 a 2026 i sipoze 1.53 milyon. Ki sa pe al aste? Ki sa pe al fer avek, si ou dir nou poudir sa larzan i pou Mahe e non pa pou Praslin? Mersi Mr Speaker.

MR DEPUTY SPEAKER

Mersi. *Panel* i annan en larepons.

MINISTER MARIE-CELINE ZIALOR

Mersi Mr Speaker. Mr Speaker, Minis i konn son Bidze. E lo Bidze sa in ganny mete dan Bidze, wi ti en demann. E si ou regarde, finansman i 2026. I pa'n donnen finansman 2024 avek 2025.

E tou le - tou le e mon ti'n repet dan sa Lasanble depi lannen pase, tou le mwan, ouswa tou le 2 mwan la, nou pe zwenn avek Lazans lenfrastruktir ansanm avek Minis Finans.

Kot nou *update* lo bann diferan proze lenfrastruktir sportif ki nou annan Mr Speaker. Akoz mon annan bokou. Mon annan apepre 26 zot in kit ek mwan pou mwan aranze.

Alors, alors nou bezwen tanzantan tou le 2 mwan - 3 mwan nou revwar, nou revwar e Minis Finans i revwar osi. Ki mannyer nou, nou annan en pe fleksibilite e ki bann. An mezir ki *SIAH* wi nou, nou bezwen demande finansman pou bann lenfrastruktir ki'n delapide, ki lontan i la ki depi 2017 Bidze ni en Roupil!

Mon pe sey gete oli. Mr Speaker, pa bezwen mon gete, napa! Alors, alors 26 proze konpare avek *average* kekfw 5 a 8 pandan bann lannen ki mon pe regarde. Vwala akoz nou bezwen met lanfaz lo la e akoz nou pa ankor ganny rezilta, akoz napa lenfrastruktir.

E alors Mr Speaker, sa ki Onorab Pillay pe koz lo la, se bann progresyon an mezir nou fer. Akoz nou, nou pa *rigid* nou, nou al kot Finans; nou re negosye nou al kot *SIAH* nou remarke. E an mezir ki *SIAH* i

donn nou bann desizyon teknik, kekfw nou ti krwar nou kapab aranz en landrwa nou met larzan aköz ou bezwen mete.

Apré i poudir ek nou be letan ou fer evalyasyon nou pa kapab, nou pa kapab aranze, pa vo lapenn. E an mezir aköz sa bann keksoz i dinamik sa i bouze. E an mezir ki nou bouze e an mezir ki nou angaze nou pou nou aranz tou nou lenfrastriktir, kanmenm nou ganny retar omwen nou pe fer, kanmenm nou ganny retar.

Nou pou fer enn par enn e nou pou kontinyelman rediskit sa Bidze nou kontinyen aziste ek Finans avek *SIAH*. Aköz langazman nou Gouvernman, aköz nou konnen poudir bann atlet avek kominote sportif Mahe, Praslin, La Digue i bezwen. Aköz avan pa ti bezwen mon krwar.

Mr Speaker, vwala aköz i Bidze i koumsa e i pou kontinyen evolye. An mezir ou kontinyen demann mon bann kestyon nou a vin reponn nou ava donn zot ki mannyer.

Aköz nou, zot louvraz demann nou kestyon nou louvraz vini pou nou vin donn bann *update* tanzantan lo bann progresyon. Be nou reste angaze, pou nou fer sir nou aranz sa bann

lenfrastriktir. Mersi Mr Speaker.

MR DEPUTY SPEAKER

Mersi *Minister*. Mon krwar in reponn kestyon in dir larzan pa *allocate* pou 2024. Nou pou bouz prosen kestyon Onorab Loizeau.

HON NORBERT LOIZEAU

Mersi Mr Speaker. Mr Speaker, mon bann zafer spor i en pti pe pre ek mon leker. Alors mon kontan ler mon, ler mon tande ki *dojo* pe al ganny fer.

Sa i fer mon rapel dan 15 an pase dan 4enm Lasanble kot ti annan en Mosyon ti ganny anmennen par Onorab Mitcy Larue, ki demande ki son Gouvernman i fer en *dojo* ek en dormitwar pou bann *judoka*.

E mwan, mon ti dir ti a bon fer en *multipurpose court*, *indoor gym* pou *accommodate* tou atlet. E ozordi mon ti a kontan ki sa *dojo* pe al ganny fer apre 15 an pase.

(APPLAUSE)

HON NORBERT LOIZEAU

E Minis, mwan kestyon ki mon anvi demann ou.

Vi ki ou'n koz lo *sport complex* e la mon'n tande i annan en zafer kouvertir ki bann dimoun ki servi *multipurpose court* pe

demande. Eski dan sa *sport complex* zot pe mazin en *pti multipurpose indoor gym*, pou ki nou bann atlet ki fer *volleyball or basketball* a kapab fer sa spor dan, dan konfor? Pa parey ler mwan, mon ti mont Praslin mon ti demann pardon fey friyapen lo *court Grand Anse*. Konmsi zot ava fer li dan konfor.

E i a ed nou pou nou bann tim Mahe osi mont Praslin pou ede sa *sport* devlope. Mersi Minis.

MR DEPUTY SPEAKER

Mersi Onorab. *Panel*.

MINISTER MARIE-CELINE ZIALOR

Mersi Mr Speaker. Mr Speaker, wi definitivman. E Lazans Lenfrastriktir ansanm avek NSC e ansanm avek kominote sportif Praslin, i annan bann rankont ki'n ganny fer pe.

I annan ki pou ganny fer avek bann Lasosyasyon e bann atlet zot menm, bann klib, akoz nou anvi zot ki deside kwa ki pou annan dan sa *complex*. Ki mannyer spor pe devlope lo Praslin ki bann diferan, bann diferan lezot disiplin ki kapab servi.

Akoz nou bezwen mazin lonterm, pou ki sa *complex* i kapab deservi otan kantite bann disiplin ki nou anvi fer sirtou avek bann model,

lafason ki bann lenfrastriktir i ganny fer modern konmela dan lemonn. E sa i bann diskisyon ki a pe ganny fer.

E definitivman mersi bokou Onorab pou ou sizesyon. I pou ganny konsidere pou fer sa *multipurpose* e enkli bann lezot disiplin osi petet ki la konmela i pa telman popiler. Mersi Mr Speaker.

MR DEPUTY SPEAKER

Mersi *panel*. Mon krwar in anmenn nou...

HON SEBASTIEN PILLAY

(Off-Mic)

MR DEPUTY SPEAKER

...ki *Order* ki ou pe site Onorab, 31 (2).

HON SEBASTIEN PILLAY

Mr Speaker, Minis in vin devan Lasanble kot in bezwen fer serten stetment vizavi en proze ki son Minister pe fer.

MR DEPUTY SPEAKER

Ekout mon 31(2) nou pe koz lo *Questions With Notice*.

HON SEBASTIEN PILLAY

Yes, but i dir ou "the scope of a question;; it's generalized, the scope of a question ler en Minis as per the Constitution osi - en Minis i vin reponn kestyon anba en portfolio ki li i ansarz.

MR DEPUTY SPEAKER

Yes.

HON SEBASTIEN PILLAY

Mon pa kapab ensiste lo en kestyon *which has already been answered*. Mon pa pe ensiste lo la mwan, *ok?*

MR DEPUTY SPEAKER

Wi.

HON SEBASTIEN PILLAY

Be ki mon pe, rod en klarifikasyon lo la, nou'n *raise* en kestyon *regarding budget - in fact* se bann teknisyen dan Gouvernman ki pe anvoy mon sa, *ok?*

Zot dir mwan demann ou poudir vi ki ou'n fer en *projection of R1.5 million* e ou'n fini fer en stetment avek Onorab Gill ek lepep Baie Ste Anne ki ou pe vin fer en *sport complex*, zot problem i se ki *is more than R1.5million*, so kestyon ki nou pe rode-

E nou'n tann Onorab Loizeau ankor enn fwa *misconceived* sa ki ou'n dir. E dir poudir *dojo* pe al ganny fer. So kestyon ki nou pe demande, klarifye ek ou se *what exactly* ki pe al ganny fer Baie Ste Anne Praslin?

That's what we are trying to get at. Si napa, napa nanryen pou fer ek sa *1.5million* si ou plan pa ankor pare. *This is what the*

technicians are asking ok, so teknisyen osi i koz ek nou.

So please ed nou pou ed dimoun Baie Ste Anne konpran bann dimoun ki dan spor konba, pou zot konnen *what exactly is going to be done*. E kwa ki zot ekspekte dizon *by the end of the year* i arive Baie Ste Anne?

That's what Mr Speaker, avek ou permisyon, si Minis i kapab ed mwan ek sa.

MR DEPUTY SPEAKER

Sa ki mwan, mon'n konpran Minis in dir sa lokasyon ki ou pe site i pa pou 2024. *It's not*. Non, be i donn Gouvernman lespas aköz proze Bidze i met devan nou pou 3 an *up to* 2026.

So i donn Gouvernman lespas pou li kalkile ki i anvi fer. So Minis kekfwa oule *expand* lo la. Aköz nou bezwen konpran *the process* nou osi koman Manm Lasanble. Mersi. Minister.

MINISTER MARIE-CELINE ZIALOR

Mersi Mr Speaker. Mon ava tir sa konfizyon, mon ava tir sa konfizyon Mr Speaker. Pa tou ki konfize mon krwar zis Onorab Sebastien Pillay i toultan konfize li en parol ki toultan letan mon vini i dir mon konfize, mon konfize.

Mon krwar i pou reste konfize menm kekfwa si i pa -

nou pa, nou pa sanz mannyer. E sa ki Onorab Churchill Gill in demande i Baie Ste Anne. E mwan dan mon larepons mon'n dir nou pa pou *renovate*. Onorab Porice in propoze ki sa bann dimoun zot servi sant distrik pou zot kapab an mezir.

E sa *dojo* i pou enn pou Praslin, mon'n dir pou Praslin pa pou Baie Ste Anne. E i pou kot *STC warehouse* e ladan 7.5 milyon ki Grand Anse. Mersi Mr Speaker.

MR DEPUTY SPEAKER

Mersi Minister. *Ok*, mon ava donn Loter Mosyon en pwen klarifikasyon. Loter kestyon.

HON CHURCHILL GILL

Wi, wi Minis zis pou benefis sa bann dimoun ki servi sa *dojo* mwan, mon'n demande si renovasyon pou fer lo la ou'n dir mwan non. Selman zot ankor pe servi menm *dojo* e i annan sa zafer sant pe, pe *renovate* pou zot servi laba.

Selman sa konversasyon pa ankor komanse e sa *dojo* rezon ki mon'n anmenn sa aköz anndan ladan i pa *safe*, *hmm?*. So se sa ki mon'n anmenn sa devan. Alors mon le met lo rikord ki menm si napa Bidze la, me selman en keksoz i bezwen ganny fer aköz sa bann atlet pe servi sa landrwa la pou le moman. Mersi.

MR DEPUTY SPEAKER

Minis, oule klarifye be letan in dir pa pou *renovate* e propozisyon ki'n ganny fer *on the Floor* se pou zot bouz kot sant kominoter letan sant kominoter in pare. *And in the future* i ava annan en *new complex* kot zot ava bouze. Mon krwar i kler pou nou tou, *ok? Very good.*

Nou pou bouz aprezan lo en dernyen kestyon zis parey bomaten nou ti'n fer en pti sanzman avek bann kestyon. I annan en *Question Without Notice* ki'n table par Onorab Kelly Samynadin.

E lefe ki Minis ki i annan *portfolio* Lafanmir i avek nou, nou ava pran enn kestyon, koumsa apre Minis avek son delegasyon i ava kapab kit nou e apre midi nou ava *deal* avek en lot Minister.

E lefe ki Onorab Samynadin an se moman i lo misyon travay pou Lasanble Nasyonal aletranze, se Onorab Naddy Zialor ki'n ganny demande pou demann son kestyon. *Proceed* Onorab.

HON NADDY ZIALOR

Mersi Mr Speaker. Bonzour Minis e tou dimoun ki lo *panel*. Kestyon Onorab Samynadin, i lir konm swivan:

Eski Minis i kapab dir Lasanble, ki progre in annan lo proze renovasyon *Old*

People's Home Au Cap? Mersi Mr Speaker.

MR DEPUTY SPEAKER

Mersi. Nou ava envit *panel* pou larepons.

MINISTER MARIE-CELINE ZIALOR

Mersi Mr Speaker. Mr Speaker, apre ki prosedir *tender* in fini ganny fer Departman Lafanmir in ofisyelman siny kontra avek kontrakter. Sa kontrakter i *TRL Construction* e kontra in sinyen lafen Fevriye sa lannen. E travay preparasyon par kontrakter in komanse zot in komans fer en pe travay *off-site*.

E zot pou tre byento antre lo sa *site* Au Cap pou ki renovasyon i konplete lafen sa lannen, si tou keksoz byensir Mr Speaker, i al dapre plan. Mersi.

MR DEPUTY SPEAKER

Mersi Minister. Onorab ou annan siplemanter lo la.

HON NADDY ZIALOR

Mersi Mr Speaker. Mersi Minis pou ou larepons. Minis, par lefe ki ou dir byento zot pe bouz lo site eski, zot pe fer provizyon pou fer sir ki i annan mezir sekirite, pou asire ki pou napa okenn vandalizm e okenn vole pandan ki konstriksyon pe,

renovasyon pe ganny fer an plas?

Apre eski ou dan en pozisyon la poudir nou ki dele letan petet *tentatively* zot pe, zot pe programen pou ki renovasyon i ganny met an plas? Mersi.

MINISTER MARIE-CELINE ZIALOR

Mersi Mr Speaker. Mon a pran se dezyenm e apre Ms Nibourette i a pran sa enn premye, lo bann detay sa konstriksyon. Akoz ki sa Kontrakter Mr Speaker i pa ankor i pe fer bann travay *off-site* par egzanp pe fer lafet, laport ensidswit pou li al *site*, nou pa pou kapab nou pou donnen egzaktman be nou konnen nou'n dele letan ki *SIAH* in donn dapre kontra se fodre i fini sa lannen.

Fodre avan sa lannen in fini sa bann travay in fini, me akoz bann travay konstriksyon dan lepase nou'n war mon leksperyans sa 3 an avek sa kantite lenfrastruktir ki nou bezwen pe aranze, i annan sa bann dele.

E de fwa letan ou pou ale letan pou i donn ou, ou bezwen travay e *update* tanzantan avek Kontrakter avek *SIAH* tou, pou kapab konnen ki mannyer travay pe ale pou nou kapab, pou nou kapab dir kan. Be selman avek kontra ki nou'n donn li sa

Kontrakter i sipoze fer avan lannen fini. Mersi Mr Speaker.

MR DEPUTY SPEAKER

Mersi *Minister*. Baze lo presedans etabli par Speaker Mancienne avan, *Question Without Notice* ...

(Off-Mic)

MR DEPUTY SPEAKER

...(anr lo sekirite pou ou fer sir poudir napa vol bann keksoz koumsa. Minis?

DG GYRA NIBOURETTE

Mersi Mr Speaker. Mersi Onorab pou ou kestyon. Onorab *rest assured* ki i annan sekirite ki deza lo *site* zot la bomaten ek aswar. E landrwa osi i *fenced* ki pou fer ki nou pe prezimen pou napa vandalizm. Mersi.

MR DEPUTY SPEAKER

Mersi Manmzel Nibourette. Donk, zot konnen ki mon ti pe al dir. Presedans ki'n etabli *Question Without Notice* i pa donn siplemanter e se sirtou i konsern Au Cap, in anmennen par *MNA* Au Cap, i pa konsern lezot distrik nou pou termin kestyon la.

Mersi *panel* ki'n zwenn nou depi bomaten. Delegasyon sorti kot Minister Lazenés, Spor avek Lafanmir dirize par Madanm Marie-Celine Zialor. I ti akonpanyen par Mr Albert

Duncan ki *Chief Executive Officer Seychelles National Youth Council*.

Mr Ralph Jean-Louis ki *Principal Secretary for Youth, Sports Department*. E Manmzel Gyra Nibourette ki *Director General for Strategic Human Resources* dan Minister Lazenés, Spor avek Lafanmir.

Mersi pou zot partisipasyon. Nou pou *adjourn* la, nou pou rebran 2 er kot pou annan bann kestyon pou Minis pou Ledikasyon. Mon rappel *Bills Committee* ki annan miting 12.30. Donk nou ava rebran travay 2er apre midi.

(BREAK)

MR DEPUTY SPEAKER

Bonn apre midi tou dimoun. E *welcome back* pou nou sesyon travay pou sa Mardi le 26. Nou kontinyen avek *Questions for Oral Answer* e mon ava demann *Hansard Reporter* pou apel delegasyon silvouple, mersi.

An atandan ki nou pe esper delegasyon antre nou pou pran en *First Reading* baze lo nou *Revised Order Paper* ki nou'n sirkile apre midi.

MADAM CLERK

Mersi Mr Speaker. *This Act may be cited as the Licenses (Amendment) Act, 2024.* Mersi Mr Speaker.

MR DEPUTY SPEAKER

Mersi Madanm Clerk. Nou ava swet labyenveni e bonn apre midi delegasyon sorti kot Minister Ledikasyon. Ki dirize par Minis pou Ledikasyon Dr Justin Valentin. I akonpanyen par le de Sekreter Prensipal dan sa Minister - dabor Manmzel Merna Eulentin ki *Principal Secretary for Education Services*.

E Mr John Lesperance ki *Principal Secretary* pou *Education Sector Development*. Delegasyon pou pran kestyon limero 51 ziska 60 ki mon pe swete i anmenn nou ziska 5 er apre midi.

Donk, mon ava demann premye Manm ki lo lalis kestyon. Mon ava kriy Onorab Rachel Spiro.

HON RACHEL SPIRO

Mersi Mr Speaker. Bonn apre midi Mr Speaker. Bonn apre midi Minis avek ou delegasyon. Kestyon i lir koumsa:

= Eski Minis i kapab dir ek sa Lasanble ki son Minister i anvizaze, si son Minister i anvizaze revwar *scheme* pou bann *returning graduates*? Mersi.

MR DEPUTY SPEAKER

Mersi Onorab. Mon ava envit Minister pou larepons.

MINISTER JUSTIN VALENTIN

Mersi Mr Speaker. Mersi Onorab. Bonn apre midi Mr Speaker. Bonn apre midi *Leader Zafer* Gouvernman dan Lasanble. Bonn apre midi *Leader* Lopozisyon dan Lasanble. E bonn apre midi tou bann Manm Onorab e tou bann lezot dimoun ki pe ekout nou.

Mr Speaker, pou mwan i toultan en plezir vin dan Lasanble pou mon diskrit bann diferan size lo Minister Ledikasyon. Larepons pou premye kestyon ; baze lo diskisyon ki'n ganny fer ki ti ganny fer dan Bidze tou bann *scheme* pou ganny revwar ler sityasyon ekonomik pei i permet.

E Mr Speaker, an plis ki sa, se pa Minister Ledikasyon ki determin *Returning Graduates Schemes*. Sa kalite *scheme* i ganny dirize par Minister Finans depandan lo sityasyon ekonomik pei. Mersi Mr Speaker.

MR DEPUTY SPEAKER

Mersi Minis. Onorab Spiro ou annan siplemanter.

HON RACHEL SPIRO

Dan, dan en lanaliz pou revwar en pti pe *scheme* bann *teachers* an vi pou tenir bann *teachers* ki nou annan oubyen bann ki pe retournen, eski Minis i annan en propozisyon ki i pe met devan Minister Finans aktyelman?

MR DEPUTY SPEAKER

Mersi. *Panel?*

MINISTER JUSTIN VALENTIN

Mersi Mr Speaker. Minister Ledikasyon parey nou ti dir dan Bidze e nou repete ankò, nou pe travay lo nou *scheme* pou ansenyan pou ankouraz bann ansenyan, pou ankouraz bann nouvo etidyan dan lansennyman. Wi, le moman ki i permet, Minister Ledikasyon i annan en plan e i annan en bon sizesyon. Mersi Mr Speaker.

MR DEPUTY SPEAKER

Mersi *Minister*. Onorab Pillay?

HON SEBASTIEN PILLAY

Mersi Mr Speaker. Prenan kont -bonn apre midi Minis avek ou delegasyon. E bonn apre midi tou dimoun ki pe swiv Lasanble. Prenan kont larepons ki ou'n donn nou e lefe ki ou ki'n pran *management ANHRD* i tonm direktman anba ou responsabilite,

eski ou kapab dir sa Lasanble ki sityasyon an se ki konsern *intake* pou nouvo *teachers* e eski ou Minister i ankò *stand* lo enn bann stement ki ou ti fer, Ki *remuneration* bann *teachers* i pa en kondisyon ki fer plis *teachers join, join teaching?*

Akoz baze lo lenformasyon ki nou, nou'n kolekte bokou bann zenn pa pe *join teaching* premyerman akòz zot pa santi poudir bann kondisyon koman *teachers* i bann kondisyon ki favorab.

Ki pou permet zot anmenn en karyer prenan kont sityasyon ekonomik ozordi. Mersi Mr Speaker.

MR DEPUTY SPEAKER

Mersi Onorab. *The scope of the question is lo scheme pou bann returning graduate. Why are we talking about teachers. Mon konfize about something la mwan? Please.*

HON SEBASTIEN PILLAY

Mersi Mr Speaker. Enn bann konponan bann *teachers* i bann dimoun ki bann *prospective teachers* i bann dimoun ki *join* lansennyman e zot al fer *training*. E ler zot retournen koman bann *returning graduates* i annan bann *schemes on offer* pou zot.

Mon'n demann sa kekyon *to target the specific group of returning graduates* ki

bann *teachers*. Me si Minis si ou santi Minis pa devret reponn sa kestyon, bann *teachers* i la deor pe ekoute.

Me mon krwar Minis i annan konpetans e kapasite pou li reponn sa kestyon prenan kont ki li ki pe zer *ANHRD*. Mersi.

MR DEPUTY SPEAKER

Wi, sa ki ou ti'n merit fer se dir Minis oule koz spesifikman lo bann *teachers* koman bann *returning graduates*. Akoz ou'n kit ou kestyon en pe ouver e mwan pe mazin bann manmway ki sorti *SITE*.

So Minis spesifikman lo size bann ansenyan ki retournen koman bann *returning graduates*. Mersi.

MINISTER JUSTIN VALENTIN

Mersi Mr Speaker. Mr Speaker, parey mon pe dir nou letan nou pou fer letan *scheme*, sa *scheme* ki nou pe fer spesifikman pou bann etidyan bann *teachers* ki retournen, byensir nou pou pran tou - nou pe pran tou konsiderasyon e nou pa pe pran zis saler nou pe pran bann lezot konsiderasyon.

E pa neserman zis bann ki pe retournen me osi bann *teachers* ki deza dan lansennyman. Donk, parey mon'n dir le moman ki nou, nou ganny dir prezan nou

kapab prezant nou bann *scheme* devan, Minister Ledikasyon i annan en bon propozisyon pou li fer. Mersi Mr Speaker.

MR DEPUTY SPEAKER

Mersi. Oule klarifikasyon lo larepons Minis?

HON SEBASTIEN PILLAY

Mersi. Mon le, mon le *press* Minis pou pou en larepons. Prenan kont ou'n dir nou poudir ou pe fer en diskisyon, so Speaker in dir mon *don't try to be too specific* akoz nou pe koz lo *returning graduates*, be mon pe koz lo *returning graduates*.

MR DEPUTY SPEAKER

Non *try to be very specific* an relasyon avek ansenyan ki pe retournen koman *returning graduates don't leave your question open* akoz i pou al an deor nou *scope*.

HON SEBASTIEN PILLAY

Mr Speaker, kestyon pou Minis i koumsa ki mon le *press* Minis lo la. Ou'n dir nou ou annan en bon propozisyon - kwa ki propozisyon? Vi ki ou en *former returning graduate*, ou'n fer en *bachelor* dan ledikasyon, ou'n fer en *masters*, ou'n al fer en *PHD*.

Kwa ki ou propozisyon ki ou pe propoze pou en *returning graduate* ki en *teacher* as en

basic salary, ki zot a kapab tande la deor si ou pe komans lo la. *What is the basic salary* ki ou pe propoze koman en *teacher*?

Akoz mwan personelman koman en *former teacher* mon pa krwar ozordi ki sa *basic salary* ki nou pe ofer bann *teachers returning graduate* i *commensuate* avek *cost of living* dan nou pei e i fer sans.

So kwa ki ou, ou pe propoze spesifikman, pou bann *returning graduates* ki bann *teachers* e si ou kapab elarzi li, dir nou kwa ki ou pe propoze pou bann diferan nivo degre; *bachelors, first degree* ziska, ziska en dimoun ki al, al *attend* en *post graduate degree*.

Kwa ki ou pe propoze? Mon pa konnen ki zot pe konplent laba. Mon pe zis rod leklersisman - ou dir mon ou annan en plan, mon ti a kontan konn en pti pe plis lo sa ki ou pe propoze. Mersi Mr Speaker.

MR DEPUTY SPEAKER

Mersi.

MINISTER JUSTIN VALENTIN

Mr Speaker, mon senserman krwar i prematir pou mwan fer okenn deklarasyon *at this* - a sa pwen. vwala.

MR DEPUTY SPEAKER

Mersi. Onorab Goerges.

HON BERNARD GEORGES

Mersi Mr Speaker. Bonn apre midi Mr Speaker. Bonn apre midi Minis ek ou delegasyon e tou dimoun pe swiv nou. Minis, nou konpran ou pa kapab vin spesifik e nou toutafe dakor.

Me eski ou kapab dir nou zeneralman, si sa ki bann *returning graduates* oubyen bann *teachers* pe gannyen ozordi i mwens ki sa ki zot ti pe gannyen anba administrasyon presedan? Mersi.

MR DEPUTY SPEAKER

Mersi. *Minister*.

MINISTER JUSTIN VALENTIN

Mersi Mr Speaker. Mr Speaker, dan bann kondisyon osi par egzanp letan nou pe get bann *teachers* avek sa bann laranzman nouvo ki'n arive lannen pase, sirman bann *teachers* ozordi pe resevwar plis saler ki i ti pe gannyen avan ki nou ti vin dan administrasyon. Mersi Mr Speaker.

MR DEPUTY SPEAKER

Mersi. Onorab Cosgrow.

HON WALLACE COSGROW

Mersi Mr Speaker. Bonn apre midi Minis avek ou tim. Minis, an relasyon avek kestyon Onorab Sebastien Pillay, i annan apepre en pti pe plis ki 3 an ki depi ou pe dir nou ou pe travay lo sa bann plan.

So eski ou napa nanryen ozordi konkret ki ou kapab dir nou, ki zot pe fer pou sa bann *teachers* bann *returning graduates teachers*. Akoz parey mon pe dir ou Minis i annan apepre 3 an.

So eski zot napa nanryen *tangible* ki zot kapab montre bann *returning graduates teachers*, donn nou sa leksplikasyon silvouple?

MR DEPUTY SPEAKER

Mersi Onorab. Lopozisyon pe zwe malen 36, *Order 36(1)(i)* i dir ek nou poudir nou pa kapab demann en kestyon letan nou pe rod en lekspresyon lopinyon. Zot pe demann Minis son lopinyon lo kwa ki i krwar en saler apropiye. *You cannot do this.*

Akoz Minis zour i a pare i ava anmenn en stement ki reprezant pozisyon Gouvernman. *Now you cannot do this.* Onorab Pillay pa'n reisi ou anvoy Onorab Wallace Cosgrow fer - *you cannot it's against Order 36(1)(i).*

So the question is out - I'm not allowing it. Mersi.

HON WALLACE COSGROW

Mr Speaker, mon pa dakor.

MR DEPUTY SPEAKER

Nou pou *move on* akoz.

HON WALLACE COSGROW

Mr Speaker, mon kapab ganny en klarifikasyon silvouple.

MR DEPUTY SPEAKER

Nou pou *move on*.

HON WALLACE COSGROW

Be mwan ki'n peze. Ou ki'n peze? Vin tennyen.

MR DEPUTY SPEAKER

Nou pou *move on* akoz Minis i kler, i dir dan moman apropiye i ava fer sa vin piblik. Nou pou bouz lo kestyon limero 52 e mon envit Onorab Manm Elekte pou La Digue e *Inner Islands* Onorab Uranie.

HON ROCKY URANIE

Mersi Mr Speaker. Bonn apre midi Minis avek *PS*. E bonn apre midi spesyal pou tou zabitan Zil Pros. Avek tou sa larzan ki nou vote dan Bidze pou *recruit teachers*,

Eski Minis i kapab eksplik nou Lasanble, kwa ki i fer ki Minister Ledikasyon pa pe kapab fer maksimonm pou rezourd sa problemn mankman ansenyan dan lekol Leta? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker, mon pou mank respe pou mon bann teknisyen si mon dir nou pa pe fer maksimonm. Nou bann teknisyen dirize par nou *PS*, pe fer en kantite pou ki nou ganny ansenyan pou met dan lekol.

Me selman sa ki mon kapab dir lo nivo lokal, ki nou pe gannyen la par egzanp nou pe ganny osi bann diferan *scheme* an term bann pozisyon - *Relief Scheme*, bann *Part Time Scheme* ki nou pe mete.

Me selman sa ki nou konnen napa sifizaman ansenyan lokal, pou nou kapab met dan lansennyman parey nou ti ava voudre. E lefe ki napa lokal, nou'n osi al aletranze pou nou al fer *recruitment*.

E boner an Zanvye en lekip dirize par *PS* in al *overseas* - aletranze. E nou espekte ganny 36 *teachers* tre prosennman. Mersi Mr Speaker.

MR DEPUTY SPEAKER

Mersi *Minister*. Mon ava envit Onorab pou son siplemanter.

HON ROCKY URANIE

Mersi Minis pou larepons. Eski Minis i kapab dir nou sa 36 *teachers* ki pe vini dan ki *field* e si i pou zis dan sa lekol primer, segonder oubyen pou pos- segonder?

Akoz parey ler ou get lekol *SBSA* i annan 2 zour ladan ki manrmay pa al lekol aköz napa *teachers*. Mersi.

MR DEPUTY SPEAKER

Mersi. Minis, presizyon?

MINISTER JUSTIN VALENTIN

Mr Speaker, bann ansenyan ki pou vini pou sa premye faz, i pou primer e segonder. Mersi.

MR DEPUTY SPEAKER

E mon krwar in demande ki *field* savedir bann size?

MINISTER JUSTIN VALENTIN

Wi epi byensir i annan en varyete. La a ler aktyel mon napa detay dan ki size egzaktaman konbyen. Me sa ki nou konnen, nou pe kouver mazorite size. Spesifikman nou pe kouver lasyans, matematik.

Ler mon dir lasyans osi bann bioloji - konmsi nou klas li *biology, chemistry, physics*. Mersi Mr Speaker.

MR DEPUTY SPEAKER

Mersi Minis. Onorab i le leklersisman ankor lo sa size?

HON ROCKY URANIE

Mersi, mersi Minis. Ler, ler ou dir primer akòz primer i annan sa, sa pti bout *P1* ziska *P3*, apre i annan *P4* parey nou dir en pe *primary 4, 5, 6*. Sa bann *teachers* i etranze ler zot vini zot, nou pe espekte met zot dan ki staz ant *P4, P5, P6* oubyen anba? Mersi.

MR DEPUTY SPEAKER

Mersi. *Minister?*

MINISTER JUSTIN VALENTIN

Mersi Mr Speaker, pou donn mwan sa loportinite pou reponn sa kestyon. Onorab, parey mon dir nou, nou bezwen respe osi nou bann teknisyen ki partisip dan sa bann prosedir. Nou okouran byen poudir i annan bann difikilte ki nou konnen nou pa pou kapab a sa pwen met bann *teacher* etranze pou le moman dan bann *early childhood* depandan lo konteks laprantisarz.

Pou le moman nou pou *focus* depi *P4* an montan, me selman a lavenir letan nou konteks pou sanze, la nou kapab petet komans entrodwir bann etranze dan, dan, dan bann *lower childhood*.

Me selman pou le moman nou pe konsantre *P4* an montan. Mersi Mr Speaker.

MR DEPUTY SPEAKER

Mersi *Minister*. Onorab Pillay?

HON SEBASTIEN PILLAY

Mersi Mr Speaker. Nou war ki mannyer tou sa bann kestyon i anmaye, en? Minis in dir ek nou koumsa poudir in admet poudir nou annan en mankman *teachers*.

In admet poudir i annan bann teknisyen ki travay. Nou, nou napa problem ek bann teknisyen nou. Nou, nou felisit tou bann teknisyen ki fer zot travay. Nou problem i avek *leadership* e ou ki *political head* sa *Minister*.

E ou ti fer serten *commitment* avek sa Lasanble ler ou ti antre e a plizyer repriz ou'n koz lo la. La daryer ou pe vin fer en stetment avek nou la byento lo *scholarship loans*.

So kestyon fondamantal pou ou, kwa ki pe fer ki nou pa pe kapab *recruit* ase ansenyan Seselwa ki la aprezan nou'n ariv menm lo nivo primer, ki nou pe bezwen al *recruit* etranze?

Ki plan ki ou *Minister* pe tanzibman met an plas - pa ou bann teknisyen - ou. Akòz ou ki ti fer *commitment* ek nou, ki ti annan bann keksoz pozitiv bann keksoz ki ou pe anmennen, bann reform ki ou pe anmennen. Oli rezilta sa bann reform?

So nou ti a kontan konnen kwa ki ou pe fer pou

recruit ankor ansenyan? E pou asire ki nou annan ansenyan Seselwa ki pe *teach* a sa nivo, akoz i paret ki *the new trend* anba zot Gouvernman se pou *recruit* en, en *teacher* etranze pou vin *teach* menm lo nivo menm primer.

So kwa ki ou pe fer koman Minis? *What is it your doing exactly?* Kwa ki ou pe propoze pou fer ki la deor bann *prospective school leavers - secondary school leavers* i ava dir, “be *ah*, Minis pe donn nou lespwar - nou kapab pran en karyer dan Minister Ledikasyon.”

Akoz sa ki zot pe tande ozordi se zis bann *non answers* proteze par Lasanble Nasyonal. *So at least* sey donn nou en *way forward* Minis. Ou kapab fer li akoz ou en ansenyan ou osi. Mersi Mr Speaker.

MR DEPUTY SPEAKER

Kestyon Onorab Pillay i senp, ki plan Minis pou atir *recruitment* lokalman plis. Mersi.

MINISTER JUSTIN VALENTIN

Mersi Mr Speaker. Me selman Mr Speaker, dan sa kestyon i annan keksoz ki mon anvi pran. Mon war mon pa krwar Onorab in reflesir byen letan in demann sa kestyon. Akoz?

I - mon krwar i okouran poudir etranze dan sistenm ledikasyon Sesel pa pa fek komans vini.

HON SEBASTIEN PILLAY

(Off-Mic)

Pa dan primer, pa dan primer, *sorry*.

MINISTER JUSTIN VALENTIN

Mr Speaker, mon ti vin zwenn en kantite etranze pe *teach* dan primer dan sistenm.

(APPLAUSE)

MINISTER JUSTIN VALENTIN

E i kler, i kler ki - i kler ki Onorab in dekonekte. Donk Mr Speaker - e malerezman, malerezman pou *recruit teachers* parey mon pe dir, i pa depan zis lo Minister Ledikasyon. I annan bokou. Sistenm pei i dinamik, ki byensir i annan lezot keksoz ki pe atrakte bann zenn partou.

Donk, nou, nou bezwen - nou bezwen revwar - petet mwan i pa en kestyon *recruit teachers*. Petet i rebran ki mannyer nou bezwen fer ki tou dimoun i kontribye pou fer sistenm ledikasyon, konteks ledikasyon vin en konteks en pe pli enteresan.

Akoz nou osi tou dimoun i devret kontribye, pou fer ki - akoz ozordi en bon pe dimoun

letan ou demann zot akoz zot pa pe zwenn lansennyman - zot koz lo - en bon pe dimoun i koz lo konportman zanfan.

Pa bokou dimoun ki koz lo i pe ganny en pti git saler - i koz lo konportman zanfan. Donk, i responsabilite tou dimoun mon krwar, pou fer ki nou anmenn - nou anmenn en kanpanny ki pou ankouraz zanfan.

Akoz nou bezwen realize poudir lasennyman i pou en lansennyman pa zis bann zanfan bann Minis; i zanfan tou dimoun. E alor nou osi, tou dimoun i anvi ki bann *teacher* kalifye, konpetan i vin *teach* son zanfan.

Donk, nou pe swete ki sa i ava en kanpanny ki ava ganny anmennen - pa neseserman par zis Minis Ledikasyon, Minister Ledikasyon tousel, me la popilasyon an zeneral. Mersi Mr Speaker.

MR DEPUTY SPEAKER

Mersi. Mon ava envit Onorab Roucou, ou kestyon.

HON MICHEL ROUCOU

Mersi Mr Speaker. Bonn apre midi Minis ek ou lekip. Minis, si ou kapab dir nou lekel bann pei ki zot pe mazin ki zot pe targete, pou zot ale pou zot rod bann *teachers* ki pou vin isi Sesel? Mersi.

MR DEPUTY SPEAKER

Mersi. *Panel.*

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker, nou pe kontinyen lo sa lakor ki mon ti vin zwenn la, kot bann *Teacher Zambian* ti ganny *recruit* pou vin *teach* dan Sesel.

E nou'n al osi *Zambia* pou nou rod sa bann sa group *teachers* pou nou retourn avek pou nou vin avek pou primer e segonder. Mersi Mr Speaker.

MR DEPUTY SPEAKER

Mersi. Onorab Aglae.

HON EGBERT AGLAE

Mersi Mr Speaker. Minis, bonn apre midi ek ou de *PS*. Minis enn bann konsern fas a mankman *teachers* i enn bann konsern ki bann *teachers* osi i met devan se sa *issue* pou zot ganny *teachers assistant*, *ok?* Eski zot pe regard dan bann posibilite anvi ki mannyer mon konpran i annan pos pou *teachers assistant* me napa *funding*.

Petet ki zot pe sey fer pou sey *manage* en pti gin sa mankman *teachers*, par servi serten sa bann *teachers assistant*. Akoz i annan ki'n swiv zot bann kour ki zot in ganny anvoye e zot war pe fer pey byen, i tre byen.

E zot annan bann potansyel pou zot kapab osi ranplas en pe sa bann mankman. Sa i enn?

Dezyenm si ou annan sa sif Minis, baze lo *curriculum* Minister Ledikasyon *ok*, konbyen *teachers* ou sipoze annan pou kapab kouver *the whole curriculum* ledikasyon, ozordi?

MR DEPUTY SPEAKER

Mersi. De kekyon asistan *teacher* avek popilasyon *teacher* pou kapab kouver *curriculum*.

MINISTER JUSTIN VALENTIN

Mr Speaker, mersi pou loportinite pou reponn. Dan sistenm wi, i annan *assistant teacher* epi i annan *teachers* ki *full time* ki pran son laklas. Dan bann *Early Childhood* nou annan bann asistan *teacher*.

E i annan letan parler wi kot napa ase *teachers*. Lekol i fer bann lorganizasyon entern ki fer ki bann asistan *teacher* i pran enn de serten laklas, ki donn sans bann *teacher* ki kalifye pou zot bouz dan serten laklas.

So i annan bann lesanz depandan lo konteks - depandan konteks. Dezyenm kekyon se konbyen bann *teachers* ki nou bezwen pou

kapab kouver *curriculum* lekol? Idealman, idealman ou bezwen ou en *teacher* pou sak laklas pou sak size. Me selman sa ideal pa pou zanmen arive.

Prezan mon kapab dir zot ki nou pe fer dan Minister Ledikasyon, pou nou kapab revwar sa bann ideal. Akoz i annan bann keksoz ki pe arive, akoz se ki nou pe fonksyonn dan en tradisyon.

Mwan, mon'n depans lannen pase avek nou tim, pou nou demann bann lekol pou fer bann diferan proze. Par egzanp pou revwar *timetable*, pou revwar lafason ki nou organiz *timetable*. Par egzanp, ozordi nou pe fonksyonn dan - pou mwan tou kou mon dir ek bann dimoun, nou sistenm *timetable* i sitan egal ki sa egal pa fer sans.

Par egzanp nou war nou dizon dan segonder, nou war S1 ek S5 pe ganny menm kantite letan pou en size. Dizon matematik ou angle. Mon war sa pa neserman fer sans.

Donk, nou pe demann bann lekol pou revwar sa bann *parameters*. Se sa bann *parameters* ki anpes nou kapab dir nou pe mank *teachers* - nou napa ase *teachers*.

Donk, prezan mwan ki nou pe dir, annou revwar. Sa i bann keksoz ki nou pe fer pou

nou *deal* avek mankman *teachers*. Akoz Onorab mankman *teachers*, i pa en keksoz zis Sesel. Partou pei o monn pe lager en pti resours byen.

Teachers i sanze. *Teachers* i al partou. *Teachers* i kit en profesyon i bouze. Get dan Lasanble kantite *teachers* i annan get dan bann lezot lofis partou kot i annan *teachers*.

Donk, sa group profesyon i en profesyon ki dimoun i rode pou travay avek. Donk, nou pa pou kapab koz lo en ideal konbyen *teacher* egzaktman nou bezwen pou fer marse *curriculum*.

Pou le moman *curriculum* pe fonksyonnen; pe fonksyonnen dan sa limit ki nou annan pe fonksyonnen. E mwan, mon profite a sa pwen - mon profite pou remerci bann lekol pou lefe ki zot pe aziste.

Zot pe kontribye e an menm tan mon profite pou remerci sa bann dimoun, ki pe partisip avek nou dan Minister Ledikasyon - menm bann *teachers* ki'n ale, ki dir zot a vin donn en koudmen pou zot kapab fer sir ki bann zanfan ki dan lekol Sesel i benefisyè. Mersi Mr Speaker.

MR DEPUTY SPEAKER

Mersi *Minister*. I annan ankor 3 Manm ki le demann kestyon lo sa size 2 *LDS*, 1 *US* mon war lentere. Me solman nou *Order Paper* i, i ranpli avek bann kestyon. E mon vremen bezwen zistifye nou letan travay.

Donk, nou pou *move* lo kestyon 53. E loter Mosyon Manm Elekte pou distrik Roche Caiman i pa dan pei. Alors se Onorab Spiro ki pe poz son kestyon. *Proceed* Onorab.

HON RACHEL SPIRO

Mersi Mr Speaker. Kestyon Onorab Vidot i lir koumsa:

Eski Minis i kapab eksplik sa Lasanble, ki i annan an plas ki pe ganny servi pou siport e fasilite ansenyan ki swa i sibir blesir fizik, ouswa son linet i kase pandan ki sa ansenyan pe travay avek en etidyan ki reakte agresiv kot Lekol Eksepsyonnel? Mersi.

MR DEPUTY SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker, atraver sa kestyon, mon pe osi - konnen tir mon sapo avek bann ansenyan ki travay kot Lekol Eksepsyonnel.

Akoz nou konnen ki bann kondisyon bann zanfan laba i en lekol ase *challenging*. E mon war bann ansenyan i fer en louvraz merveye ki travay ek sa bann zanfan.

Me selman ou konnen i kapab annan bann lokazyon aköz nou konn sa bann zanfan; i annan de zour ozordi avek demen pa neserman parey toultan pou zot. Donk i kapab arive - i kapab arive ki i annan bann sirkonstans. E mon pa krwar i zot lafot, ouswa i zot volonte i kapab annan bann sirkonstans ki arive.

En aksidan i arive. Me nou sa ki nou pe dir, toultan letan i annan en aksidan i arive sirtou ant en etidyan avek en ansenyan, e menm osi ant bann ansenyan, letan osi en aksidan i arive lo lakour leköl, en *investigation* i ganny fer, en lenvestigasyon i ganny fer.

Levidans ki nou anmase i ganny anmennen kot Biro *Attorney Zeneral* laplipar ditan, kot i donn en *advice* lo *the way forward*. Si zanmen i annan en ka spesifik parey dan sa ka, aköz mon war i pe sit linet, i pe sit en agresyon. Konmsi i resanble ki i annan en ka spesifik.

Mon krwar Onorab, ouswa sa dimoun konsernen, i pran kontak avek Minister Ledikasyon. Aköz mon

konfidan - mon konfidan ki si i annan bann aksidan ki ganny arive koumsa lo lakour leköl, Minister Ledikasyon pou asiste.

Asiste en ansenyan pou rekouver en byen, ouswa en propriyete ki'n perdi. Mersi Mr Speaker.

MR DEPUTY SPEAKER

Mersi Minis. Onorab Spiro, ou annan siplemanter.

HON RACHEL SPIRO

Mersi. Prenan kont Minis, natir zot travay sa bann ansenyan zot travay ek en group zanmen spesifik. Eski Minis i pe mazine petet met an plas en *scheme* spesyal pou sa bann *teachers*.

Oubyen eski zot saler oubyen zot kondisyon travay li, i diferan avek pou bann ansenyan dan leköl normal? Mersi.

MR DEPUTY SPEAKER

Onorab, ou pres pou al an deor *scope* ou kestyon, aköz la ou ti pe koz lo bann lensidan ki arive. Solman mon ava les Minis eksplik sa.

MINISTER JUSTIN VALENTIN

Mersi Mr Speaker. Onorab, mon'n deza dir dan sa Lasanble, ki bann ansenyan lakres e bann ansenyan osi kot Leköl Eksepsyonnel zot

travay dan en sityasyon en pe pli *challenging*.

E si i annan nesesite pou donn zot bann en *allowance* spesyal, ouswa pou donn zot serten - ou konnen met zot lo serten - mon pa konnen bann lezot *incentive* i nesese. E sa nou tou dan Minister Ledikasyon nou krwar ladan. Mersi Mr Speaker.

MR DEPUTY SPEAKER

Mersi *Minister*. Onorab Pillay.

HON SEBASTIEN PILLAY

Mersi Mr Speaker. Zis pou *contextualize* mon kestyon, mon'n travay koman *Deputy Head Teacher* Plaisance segonder e mon'n frekant Lekol Eksepsyonnèl. So prenan kont sa ki ou fek dir dan ou larepons la, *incentivize* bann *teachers* ki pe travay avek sa bann zanfan.

Akoz zot annan *the whole spectrum* zanfan, eski ou pe dir avek nou, ou pe dir ek sa Lasanble ki ou koman Minis pou Ledikasyon, ou pe al fer en propozisyon, pou ki i annan en *incentive* ki ganny *provided* pou bann *teachers* ki pe travay avek lekòl bann zanfan ki kot Lekol Eksepsyonnèl, aköz zot bezwen *go above and beyond the call of duty* pou kapab okip sa bann zanfan ki avek zot?

E kan eski sa *incentive* pou materyalize, aköz ou a konpran nou annan en pti pe

dout ler nou, nou'n war ki *long service allowance* ki ti pe benefisye bokou bann *teachers* dan primer. Sirtou bann ki'n fer bokou letan pa pe ganny ogmante *every 5 years*. So eski i pou annan, i pou annan sa *incentive*?

E prenan kont ki nou pe koz bann zanfan ki zot Lekol Eksepsyonnèl, eski ou Minister in komans en konversasyon oubyen in komans en travay, pou war pou nou *deal* avek spesifikman bann zanfan ki dan *spectrum autism*?

Kot la nou pe sey ankadre zot dan bann lekòl avek en *care package* ki zot paran i vin avek zot. Ki nou ava annan en *proper system* an plas pou okip zot. Mersi Mr Speaker.

MR DEPUTY SPEAKER

Mersi. *Minister*?

MINISTER JUSTIN VALENTIN

Mr Speaker, wi, Minister Ledikasyon parey mon pe dir dan sa *scheme*, dan sa *scheme* nouvo ki nou pe travay lo la, nou'n pran an konsiderasyon tou sa bann diferan konteks. Aköz nou okouran sa bann konteks e nou'n pran konsiderasyon bann konteks.

E parey mon pe dir, le moman i arive ki nou ganny dir ki la *scheme* zot kapab

komans prezant zot *scheme* mon konfidan ki nou pou pare pou prezant nou *scheme*. E sa i pou kouver tou bann diferan group travayer dan Minister Ledikasyon. Mersi Mr Speaker.

MR DEPUTY SPEAKER

Mersi *Minister*. Onorab Georges?

HON BERNARD GEORGES

Mersi Mr Speaker. Minis, eski atraver ou mon kapab pas en mesaz remersiman pou sa bann *teachers* kot Lekol Eksepsyonnel, aköz zot vremen fer en travay eksepsyonnel dan bann kondisyon ki difisil.

E ankouraz Gouvernman pou kontinyelman siport zot dan zot travay. Mersi.

MR DEPUTY SPEAKER

Mersi.

(Off-Mic)

MR DEPUTY SPEAKER

Wi, eski i en kestyon? Minis.

MINISTER **JUSTIN**
VALENTIN

Mersi.

MR DEPUTY SPEAKER

Nou ava les Minis reponn son kestyon. Eski Minis i annan en parol pou sa bann travayer kot sa leköl? *That's the*

legitimate question. Proceed Minister.

MINISTER **JUSTIN**
VALENTIN

Mersi Mr Speaker. Mr Speaker, wi mon pou pas byen sa mesaz, aköz parey nou pe dir ansenyan dan sa kot Lekol Eksepsyonnel, zot travay dan en konteks byen *challenging*.

E mon krwar zot pe fer en louvraz fantastik. Donk, nou donn zot tou kouraz e tou sipor. Mersi Mr Speaker.

MR DEPUTY SPEAKER

Mersi *Minister*. Nou pou *move on*. Napa lezot Manm ki'n endike i le demann siplemanter lo sa kestyon. Donk, nou al lo kestyon 54 ki dan non Manm Elekte pou distrik Port Glaud, Onorab Aglae.

HON EGBERT AGLAE

Mersi Mr Speaker. Kestyon i konm swivan:

Eski Minis i kapab dir ek sa Lasanble, ki plan son Minister kot i konsern disiplin e lager par etidyan skoler dan liniform, an deor leköl ouswa dan landrwa piblik? Mersi.

MR DEPUTY SPEAKER

Mersi Onorab. *Minister?*

MINISTER **JUSTIN**
VALENTIN

Mersi Mr Speaker. Mersi Onorab. Mr Speaker, Minister Ledikasyon i kondann tou sa bann konportman anti-sosyal ki pase dan lekol, osi byen ki an deor lekol. E i regretan parfwa, i regretan ki nou war bann etidyan i servi zot telefonn pou zot filme sa bann konportman.

E sa bann konportman i ganny sirkile. I osi parfwa i regretan, i sagrinan ki nou war ki -ou konnen annandler menm bann paran par egzant - i bles bokou paran. Ki letan i pa konnen li. I tandè son zanfan in lager, me i war sa pe ganny sirkile partou. Sa pa byen.

E an menm tan, nou war osi bann dimoun ou a dir nepli annan konpasyon. Menm bann dimoun ki an detres zot tir portre, zot sirkile - ki sa pa byen. Donk Minister Ledikasyon li, i kondann tou sa bann konportman anti-sosyal.

Me selman an menm tan nou bezwen dir osi, en zanfan li konportman i pa'n ne. En konportman i aprann. Donk la nou pe fer en keksoz la - nou pe fer en pledwari osi avek bann adilt. Pou nou ed nou zanfan konport byen.

Par nou legzanp ki nou fer, annou ed nou bann zanfan pou konport byen. E an menm tan nou pe blanm bann adilt osi ki letan zot pase, zot war en

zanfan pe lager, zot met en lape - zot donn lanmen met en lape.

E la mon anvi dir for avek bann zanfan, lager dan en landrwa piblik i en lofans. E zot riske ganny en konm dir koze, bann zafer lapolis. Aksyon legal i kapab ganny pran.

Donk, en problem e i en problem ki grav ki pa byen, e mon demann bann zanfan pou konport zot pou arete. Me nou lo nivo Minister Ledikasyon, menm si nou krwar ki konportman pti zanfan pe lager akoz i dan liniform, i pa neserman en keksoz Minister Ledikasyon akoz i dan liniform.

I annan tout en konteks pou nou war, me nou, nou annan en rol ki nou anvi zwe nou e sa rol ki nou pe zwe dan lekol pou edik zanfan pou donn zot en pe plis valer. Nou pou devlop sa relasyon antre kanmarad, pou fer ki nou aret annan sa bann lager, sa bann konportman anti sosyal. Nou annan en program.

E mon ti a kontan les PS Mr Speaker par ou, ou laprouvasyon, Les PS Eulentin dir nou ki sa program ki nou pe fer. Akoz si nou program i mars byen, nou pou rezourd en bon pe sa bann konportman ki bann zanfan pe fer bann

konportman anti-sosyal ki zot fer an deor lekòl.

E menm si zot pa pou dan *uniform*, nou ti a kontan zot pa fer. Mersi Mr Speaker.

MR DEPUTY SPEAKER

Mersi *Minister*. Nou a pas laparol avek *PS Eulentin*.

PS MERNA EULENTIN

Mersi Mr Speaker. Mersi Minis. E mersi Onorab Aglae pou ou kestyon. Bonn apre midi a tous. Mr Speaker dabor mon anvi zwenn Minis pou fer resorti ki Minister Ledikasyon i fortman kondann okenn konportman anti sosyal kot lekòl e osi an deor lekòl.

Sa liniform i sipoze reprezant premyerman zot lapartenans dan zot lekòl, en sistenm ledikasyon nasyonal. An se moman Minister Ledikasyon pe travay etrwatman avek bann partner parey Departman Lapolis, Departman Sosyal, lofis Administrater Distrik.

Pou asire ki i annan en kominote pli konvenab, par kree en lanvironnman skoler favorab pou laprantisaz. Lo sa not, mon ti a voudre remersye tou nou bann partner ki pe ed nou dan sa lalit.

An se ki konsern nou plan, Minister Ledikasyon aktyelman atraver sa proze ledikasyon etik mye koni koman *ethics education*, pe

met bokou lanfaz lo adopsyon en program lo rezolasyon pasifik bann konfli.

E sa i enkli bann respe mityel kot bann zanfan i aprann pou viv ansanm e osi ganny envite pou vin zwenn sa demars, pou kree en sosyete enklisiv kot lape i renye.

Sa pe ganny enplimante depi Mars 2023 avek nou 5 partner ki konpri *UNESCO, Arigatou International, Muslim Council of Elders, Guerrand Hermès Foundation and CAISID*.

Sa ki nou pe konstata se ki sa proze in komans montre bann sinye pozitiv. Par egzanz dapre bann data ki'n ganny kolekte atraver antretyen kestyonner e bann analiz bann diferan demars. Bann ansenyan i raport bann sanzman remarkab dan sa bann zanfan.

La nou pe koz zis lo sa group ki'n ganny sibile, en santiyon i pa tou zanfan. Donk bann zanfan i pli apt pou toler e aksepte diferans kanmarad. Zot in kapab devlop kapasite, dyalog e tonm dakor pou fer en aksyon kolektiv.

Sa i anliny avek sa trwa pilye ledikasyon etik, ki nou pe koz konstri en relasyon; annan en dyalog e osi fer bann aksyon kolektiv, adisyonnelman Minister pe fer sansibilizasyon ki pe ganny fer

dan bann lekòl, pou edik bann zanfan lo ki pli bon fason servi teknolozi e osi zot telefòn.

Sa i ganny fer pandan bann letan, bann *contact time* dan bomaten e menm dan lesòn *PSCE* pou nonm enn de. Answit nou pe ranforsi bann striktir sipò e *counselling* pou bann etidyan ki annan bann difikilte konpòrtman e emosyonnel.

Atravè nou divizyon *Learner Support and Special Education Needs, inclusive education, NCC* osi *SNYC* ek bann lezot *NGOs* zis pou nonm enn de. Mon remersi zot dabor pou zot sipò.

E pou terminen nou annan osi promosyon bann aktivite, bann diferan aktivite ki bann lekòl i fer, an kolaborasyon avek bann diferan partner tel ki Lasosyasyon Labòks, *judo* e *karate* pou nou kit sa bann zanfan angaje. Mersi Mr Speaker.

MR DEPUTY SPEAKER

Mersi. Siplemanter lo sa kestyon Onorab.

HON EGBERT AGLAE

Mersi Mr Speaker. Mr Speaker, ankor enn fwa mon pa pe ganny en larepons konkret lo mon kestyon. Mon konpran poudir zot...

(Off-Mic)

MR DEPUTY SPEAKER

... (zot mon kestyon sa! Ki zot pe konplent?) Mwan ti a kontan konnen, akòz letan i ariv bann lensidan parey ou'n dir pe lo rezo sosyal popilasyon pe war, zot anvi konnen ki arive.

Akòz lontan menm apre 5 er sepa 6 er ou dan en liniform lekòl ou ganny demann kestyon, "ki ou pe fer sa ler dan liniform lekòl?" Ou al fer okenn ka akt ouswa ou, ou kapab zour en dimoun ensilte dan en liniform lekòl lontan ou bezwen pey konsekans disiplin.

So sa ki popilasyon pe demande dimoun ler sa bann lensidan i arive eski i annan-parey i annan serten lekòl aletranze bann *Disciplinary Committee*, ki pran sa zanfan e fer serten lenvestigasyon konnen e pran serten aksyon pou *deter* sa bann keksoz *carry on*.

Eski sa pe ganny fer? Sa ki nou anvi konnen avek bann lezot plan ki zot pe fer mon napa problem ek sa mon. Mersi.

MR DEPUTY SPEAKER

Mersi. Eski *panel* i annan en larepons?

MINISTER VALENTIN

JUSTIN

Mr Speaker, *PS* i anvi reponn sa kestyon e apre mon kapab azoute mon osi. Mersi.

MR DEPUTY SPEAKER

Mersi. Nou ava donn laparol *PS* Eulentin.

PS MERNA EULENTIN

Mersi Mr Speaker. Mersi *Minister*. E mersi Onorab Aglae. *In fact*, ler sa bann lensidan i arive, premyerman lekol i *tackle* li *as* zot nivo lekol. I annan bann diferan *conferencing* ki ganny organize ek paran e la zot pran zot aksyon baze lo *Code of Conduct*.

Me apre i annan osi kot bann zanfan i ganny mete lo en *monitoring plan*, e i annan serten sironstans ki zot menm demann led avek *Minister* Ledikasyon. Nou'n fer petet sa lannen nou pa'n, nou pa'n fer en *conferencing*.

Me selman bann *panel* i zwenn e nou kapab *deal* ansanm avek sa paran e sa zanfan lo nivo *Minister* Ledikasyon osi. Selman lannen pase in ganny fer; sa lannen nou pa ankor fer lo nivo ledikasyon. Mersi.

MR DEPUTY SPEAKER

Mersi *PS*. Onorab Michel Roucou?

HON MICHEL ROUCOU

Mersi Mr Speaker. Minis, eski zot annan en program kot zot travay ek bann zofisye legal ouswa lapolis, kot bann zanfan i kapab ganny eksplike poudir ler ou pe angaz ou dan bann aktivite anti-sosyal ki bann le konsekans ki vin avek?

Akoz nou war poudir demen, ler sa bann zanfan i fini lekol, tousala i kapab retourn oubyen, oubyen retourn dan kominote li menm li kot zot war zot pe angaz zot dan bann aktivite ilegal. Mersi.

MR DEPUTY SPEAKER

Mersi. *Panel*.

MINISTER JUSTIN VALENTIN

Mersi Mr Speaker. Mersi Onorab. Wi, Mr Speaker, nou annan bann travay ki nou fer avek avek diferan lorganizasyon enkli Lapolis, ki vin kot lekol konmsi koz avek bann etidyan lo zot bann responsabilite.

Donk parey mon pe dir, i en travay kolektiv. *Minister* Ledikasyon i annan son plan li. Me selman annandler sa plan i pou bezwen osi ganny realize, si tou dimoun partikilyerman paran. Si partikilyerman paran i ede dan sa demars donk, sa plan i vin efektiv.

Donk la mon demann korperasyon paran, sirtou bann paran ki annan bann zanfan en pe ki nou konnen, bann paran ki annan sa bann zanfan ki en pe, ki en pe pli, pli kontan dan sa bann aktivite en pe anti-sosyal zot konnen.

Donk, nou demann zot pou travay avek lekol travay ek pou nou kapab anmenn en solisyon pou sa problem. Mersi Mr Speaker.

MR DEPUTY SPEAKER

Mersi. Onorab Labrosse.

HON RICHARD LABROSSE

Mersi Mr Speaker. Bonzour Minis avek ou delegasyon. Bonzour tou bann Manm e tou dimoun ki a lekout. Minis, ler mon pe ekout ou mon rappel dan mon letan ler mon ti pe lekol ti annan en dokiman ki ti appel en *Code of Conduct*.

Ki sa ti ganny sinyen par ou paran osi ti ganny en kopi e lekol ti annan en kopi. E sa dan mon letan ankor enn fwa ti en dokiman vreman for kot lekol. I pa vadir ki ti napa lager, ti napa *misbehaviour* me selman i en dokiman ki tou dimoun ti mazin de fwa ler nou ti pe al, nou pe al lo bann laliny ki tord.

So mon kestyon i eski ozordi ki nou pe koze sa dokiman i ankor egziste dan bann lekol? E si wi ki bann travay ki ganny fer pou fer li

vin pli for, pou li reflekte lemond ozordi ki nou ladan? Mersi.

MR DEPUTY SPEAKER

Mersi. *Panel?*

MINISTER JUSTIN VALENTIN

Mersi Mr Speaker. Mersi Onorab. Wi, Mr Speaker, *Code of Conduct* i ankor egziste dan lekol. E anefe tre byento nou pou annan en nouvo *Code of Conduct* ki pou pran konteks larealite konmela.

E nou osi annan sa ki nou ti sinyen le 01 Zen 2021 en *contractual obligation* kot paran, zanfan, ansenyan tou dimoun i konn zot rol dan sa ekosistenm, pou fer ki konteks laprantisaz - parey mon ti konmanse sa lannen konteks laprantisaz e lansennyman

i vin en pe pli solider e i vin en pe pli gou pou son bann, son bann Manm partisip ladan. Mersi Mr Speaker.

MR DEPUTY SPEAKER

Mersi *Minister*. Nou'n epwiz sa kestyon pou 15 minit dapre letan ki nou pe *set*. Nou pou bouz lo kestyon limero 55 e sa i dan non Manm Elekte pou distrik Mont Fleuri.

HON MICHEL ROUCOU

Mersi Mr Speaker. Ankor enn fwa bonn apre midi a tous.

Minis, mon keastyon i al koumsa:

Eski Minis i kapab dir avek nou Lasanble konbyen *PE Teachers* i annan dan bann Lekol Leta lo Mahe, bann Zil Pros? Mersi.

MR DEPUTY SPEAKER

Mersi. Nou ava envit *panel* pou larepons.

MINISTER JUSTIN VALENTIN

Mersi Mr Speaker. Mr Speaker an tou nou annan 74 *PE Teacher* dan nou Lekol Leta.

Mahe i annan 66,
Praslin segonder i annan 2,
Praslin primer i annan 4 e

PE La Digue i annan 2.

Me kestyon Onorab, pou nou dan Minister Ledikasyon i al pli profon aköz nou santi ki nou annan en bon pe nou bann *PE teachers* apre ki zot in donn bokou zot kouraz lo laplenn, lo *court*, dan ker soley zot in fer zot bout.

E zot in donn lanmen *train* bann sanpyon dan Sesel' i annan en pe nou santi ki zot lafors pe diminyen. Donk, atraver sa kestyon mon profite mon remerisi bann *PE Teachers* ki'n anmenn sa bann sanpyon dan, dan pei.

E i annan ki ankor pe anmenn sanpyon dan pei. E

osi mon profite atraver sa kestyon pou lans en lapel pou bann zenn garson zenn fiy. Ki an mezir nou koz lansennyman nou pe osi demann zot pou pran *Physical Education* koman en karyer.

Pou ki zot osi zot a donn lanmen prodwir sanpyon prodwir sirtou dan bann sanpyona kot zot kapab kontinyen fer Sesel fyer, fer popilasyon Sesel kontan. Mersi Mr Speaker.

MR DEPUTY SPEAKER

Mersi *Minister*. Onorab ou annan siplemanter?

HON MICHEL ROUCOU

Mr Speaker. Minis, mersi pou ou larepons. Mwan osi mon le zwenn avek ou pou remerisi bann *PE Teacher*. I annan bokou ki dan mon letan zot ankor la parey i annan *Sir Gregoire*, *Sir Adam* - zot ankor la.

E Minis si ou kapab dir nou, annefe pou kapab mon war ou'n anvoy en lanons pou bann zenn zwenn sa profesyon. Si ou kapab dir nou ki bann degre ou bezwen annan li menm li? Eski ti bezwen ti deza dan spor pou kapab zwenn sa profesyon?

E osi si ou kapab dir avek nou eski i annan bann zenn la deor pe montre lentere. Ki montre lentere, espesyalman bann ki angaze dan spor pou

zot kapab zwenn sa profesyon? Mersi.

MR DEPUTY SPEAKER

Mersi Onorab. Nou ava envit *panel* pou larepons.

MINISTER JUSTIN VALENTIN

Mersi Mr Speaker. Pou le moman bann etidyan dizon ki anvi zwenn *SITE*, nou demann zot 3 *IGCSE* en se ki'n fer *Core*. Me selman nou osi, nou osi travay ek bann etidyan - bann zenn ki nou war i annan, i annan volonte i annan omwennen *skill* en konpetans for.

Nou kapab travay avek li pou nou kapab fer li vin en bon *Physical Education Teacher*. Mersi Mr Speaker.

MR DEPUTY SPEAKER

Mersi. Onorab Cosgrow.

HON WALLACE COSGROW

Mersi Mr Speaker. Mr Speaker, mon kestyon i al en pe dan menm laliny avek sa ki, sa dernyen kestyon ki Onorab Roucou in demande. Annefe Onorab Roucou in koz lo ki bann kalifikasyon zot bezwen pou zot kapab antre dan sa *field*.

Me mwan, mon pou al en pti pe pli lwen. Nou war ozordi ki spor i konmans vin - pe deklin en pti pe. Letan nou get bann rezilta spor - par egzanp

Zwe De Zil, Zwe Lafrik so sa bann ankadrer sa bann *PE teachers* zot bann ankadrer parey ou'n dir, ki'n kre en kantite sanpyon.

Me nou anvi kre en lot group sanpyon, malerezman nou annan serten problem la. Nou anvi kre en nouvo group sanpyon. So ki bann lakadremman ou Minister i annan, pou kapab ankadre sa bann dimoun, akoz mon konpran avan ti annan en programm avek en Liniversite Langleter pou en pti pe o nivo.

E ki lankadremman zot annan, par egzanp an term pou donn kalifikasyon me osi an term reminerasyon avek progresyon sa bann dimoun, pou zot kapab *achieve* sa ki zot an vi sa bann dimoun i *achieve*? So donn nou en pti pe leksplikasyon. Mersi.

MR DEPUTY SPEAKER

Mersi. *Panel*?

MINISTER JUSTIN VALENTIN

Mersi Mr Speaker. Mersi Onorab. Mr Speaker, la a sa moman dan mon lanmen mon napa pri -mon napa saler ki nou donn bann *PE teachers*. Me selman sa ki mon kapab dir kot *SITE* - annefe nou annan en programm ki pe ganny *validate* en zoli programm ki *SITE* pe fer *validate*.

Ki mon panse i pou kapab kree sa zenerasyon *PE teachers* ki nou bezwen pou Sesel. Mersi Mr Speaker.

MR DEPUTY SPEAKER

Mersi *Minister*. Onorab *Pillay. Ou i annan keksoz ki'n manke?

HON WALLACE COSGROW

I pa vreman manke, me selman Minis pa pe konpran, mon pa pe demann li konbyen zot saler mwan. So par egzanzp en lankadremen ki enkli saler, *incentives* - eski zot annan sa an plas ouswa? Akoz ou'n koz ek mon lo program *SITE*, me selman lo program *incentive* pou zot kapab *join* sa profesyon e pou zot kapab progrese dan sa profesyon? Mersi.

MR DEPUTY SPEAKER

Mersi. Minis a – presizyon?

MINISTER JUSTIN VALENTIN

Mersi Mr Speaker. Bann *incentives* i parey bann *incentives* ki bann *teachers* i annan pou le moman. Me mon pa pe tro konpran ki egzaktaman an plis ou, ou anvi konnen.

Ya, wi. Non akoz bann *teachers* an menm tan. Mersi Mr Speaker.

MR DEPUTY SPEAKER

Mersi. Onorab Pillay.

HON SEBASTIEN PILLAY

Mersi Mr Speaker. Kestyon in demann Minis, konbyen bann *PE teachers* lo bann Lekol Leta i annan lo Mahe ek bann Zil Pros. Minis i Minis pou Ledikasyon, in dan ledikasyon pandan plizyer lannen. E mon ti a kontan demann Minis, prenan kont bann larepons ki ou'n donn nou, eski ou santi poudir nou pe kapab delivre lo sa nivo ki nou anvi, oubyen lo sa nivo ki nou'n set koman target atraver bann *PE teachers* ki nou annan ozordi? Prenan kont ki nou pe kontinyen pe war en deklèn dan performans sportif dan en kantite keksoz.

E si nou pa pe kapab delivre - ou'n dir nou ou pa konn saler en *PE teacher* ozordi, *right*? Me ki ou krwar i devret saler en *PE teacher* ozordi dan lekol - en zeneralis ki pe travay ek zanfan? Akoz nou annan de group nou annan en *former athletes* ki lekol i pran, akoz zot annan en baz *training* sportif e zot fer *PE*.

Aprè nou annan bann dimoun ki kapab *train* pou vin bann ankadrer, bann edikater otour *FIDES*, *ok*? Kwa ki ou krwar i devret en saler pou en *PE teacher* -taler ou pa'n kapab dir mon en saler ki ou krwar en *teacher* i devret gannyen.

Ki saler en *PE teacher* i devret gannyen? Si i devret menm saler avek en *teacher* akoz i en *teacher* mon napa problemm. Me si ou ti kapab dir nou kwa ki ou pe propoze - vi ki ou Gouvernman in ganny elekte lo en baz pou met keksoz pli byen ki sa enn ki la avan.

So kwa ki ou pe propoze Mr Speaker? Si i pa pe propoze, *then it's the same thing*. Nou ganny zis bann plan, plan ki lo bann *computer* bann Minis, me *nothing tangible* ki arive. So nou ti a kontan ganny en keksoz kler la pou ankouraz bann zenn pou, pou vin bann *PE teachers* Mr Speaker. Mersi.

MR DEPUTY SPEAKER

Mersi. Se selman en dimoun fou ki pou sey fer en keksoz de fwa, pou ganny en lot rezilta. Ankor ou pe demann keston Minis lo lopinyon ki mon'n dir ek li i pa annan drwa reponn. Zour li i pou vin avek en, en *new scheme for PE teachers it will be an official position* ki ava fer konnen lepep Seselwa.

Pa en lopinyon la konbyen i krwar en *PE teacher* i merit gannyen. *This is a question of opinion* ki dapre *Standing Order* mon'n dir ou taler ou pa kapab demann Minis.

E Minis lo premye par lo eski ou krwar poudir bann *PE*

teachers pe donn en performans alaoter ki ou Minister i ekspekte avek zot? Mersi.

MINISTER JUSTIN VALENTIN

Mersi Mr Speaker. Mr Speaker, bann *PE teachers* pe donn zot mye. Byensir dan tou sistenm i annan bann mank ki nou ti ava kontan. E mwan, mon war bann etidyan pe angaze mon war bann nouvo inisyatif pe vini. Parey lannen pase an Desanm, ou war en group *teacher*, en group *PE teachers* ki zwenn ansanm ki fer en *Beach Soccer Tournament*.

Sa i fantastik e apre ou get parey - anfen lannen pase nou pa ti reisi fer li, me la mon war sa leksitasyon ki annan la pou nou fer nou sanpyona atletik. Mr Speaker, mon vremen, vremen pozitiv anver sa bann dinamiz ki annan dan sistenm. Mersi Mr Speaker.

MR DEPUTY SPEAKER

Mersi. Mon ava donn laparol Onorab Bistoquet.

HON ANNE BISTOQUET

Mersi Mr Speaker. Bonn apre midi Minis ek *panel*. Mr Speaker mon pou profite pou mon felisit en *PE Teacher* Beau Vallon primer *Sir Marcus*. Ki nou'n war li in ganny en promosyon ekselan in ariv

Deputy Pastoral si mon pa tronpe e nou felisit li en kantite.

E mon profite osi vi ki mon ti en atlet depi P1 ziska S5 pou remersi mon bann *PE teachers* la mon dir *Sir Winsley Baie Ste Anne* primer, *Praslin* segonder *Sir Benjamin*, *Sir Sonny* e *Miss Jenny* ki'n donn nou bann bon lantrennman bann bon formasyon ki toultan *Praslin* nou ti anmenn sa bann bon lakoup.

E mon kestyon pou Minis, se ki bann loportinite ki Minister i annan an plas pou bann *PE teachers*? Mersi.

MR DEPUTY SPEAKER

Mersi. *Panel*.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker, mon kontan Onorab in fer sa remark ki en *PE teacher* in vin en *Deputy Pastoral*. Pou nou sa i en loportinite en, en reel ki nou pe fer pou montre bann *PE teachers* bann osi bann, bann *specialist teachers* ki pa neseserman dan en *field* akademik ki mannyer zot kapab zot osi progrese lo sa lesel.

Donk, pou nou sa ti en - ou konnen sa dimoun ti merite - i pa ti zis ki nou anvi donn en, en leson. Me i ti merite,

donk nou, nou pe dir avek bann, bann *teachers* ki pa neseserman *teachers* akademik, si ou annan sa potansyel e nou war poudir ou kapab monte lo sa lesel donk ou annan tou sa loportinite.

E byensir bann lezot loportinite ki nou annan pou bann *PE teachers* bann letan kot nou pa kapab dizon donn zot rekonpans zot finansyerman.

Nou dakor, nou aprouve pou zot partisip dan bann lantrennman dan bann ka dizon bann *training camp* ki pei i organize. Donk nou pa zanmen, nou pa zanmen ser zot. Nou donn zot sa sans pou zot osi ale pou zot al devlope.

Donk e apre nou dir avek bann *PE teachers* bann lezot loportinite, se antre zot, zot kapab fer bann, bann sanpyona, zot kapab zot menm inisyé, inisyé bann, bann program, bann proze ki fer ki atraver bann proze i vin koman en *professional development* pou zot an menm tan. Mersi Mr Speaker.

MR DEPUTY SPEAKER

Mersi *Minister*. Sa ti dernyen siplemanter ki nou ti annan lo sa enn kestyon. Donk nou ava *proceed* pou al lo kestyon 56 i dan non Manm Elekte pou distrik Port Glaud Onorab Aglae.

HON EGBERT AGLAE

Mersi Mr Speaker. Kestyon i konm swivan:

Eski Minis i kapab dir ek sa Lasanble, ki *status* proze *refencing* lekòl primer Port Glaud? Mersi.

MR DEPUTY SPEAKER

Mersi Onorab. *Panel?*

MINISTER JUSTIN VALENTIN

Mersi Mr Speaker. Mersi Onorab. Mr Speaker travay *refencing* lekòl Port Glaud i parmi en seri renovasyon lo sa lekòl ki'n konmanse depi le 18 Mars 2024 sa lannen e i ekspekte fini dapre plan le 20 an Zen 2024.

Gouvernman in met en sonm R1.4 milyon pou sa louvraz, ki osi enkli rektifye bann eleman striktirel avek batiman, penn ranplas bann balistrad, bann feray ki'n ganny afekte avek salen ranplas bann sevron bann diferan mars peron.

Konstrir en *grease trap* e osi en *train field* kot lasal manze e osi reparasyon baro. Donk, vwala sityasyon dan sa proze mersi Mr Speaker.

MR DEPUTY SPEAKER

Mersi. Mon ava envit Onorab pou son siplemanter.

HON EGBERT AGLAE

Mersi Mr Speaker. Minis, petet mwan ki mal eski sa ki ou'n dir waon la i korek, akòz napa okenn travay ki'n konmanse kot Lekòl Primer Port Glaud. Si ou'n dir mwan le 18 Mars i vedir nou pe koz nou la semenn pase. Mannyer mwan, mon konpran Minis eskize petet sa ki'n donn ou sa lenformasyon, i pa korek. Sey war.

Kontrakter i sipoze mobilize ziska prezan ti pou vini yer pa'n vini. So petet Minis, mon ti a kontan petet mon pa pou dir ou'n koz okenn lekonomi laverite. Me selman i bon revwar, akòz i pa korek sa ki ou'n dir - mon ti a kontan dir ou.

Akòz letan mon pe get lo Bidze la Minis nou'n bidzete R3 milyon pou fer renovasyon kot Lekòl Port Glaud Primer, *ok?* E ou'n sit mon R1.5 milyon petet ladan eski pou annan larzan premyerman pou kapab fini sa ki toultour lekòl?

Akòz mannyer mon konpran, zot pe fer zis en bout devan deryer kot i pli bezwen ki baliz avek en fanmir prive, eski zot pou konsider fer li toultour? Akòz sa balizaz e oter Minis, i fer ki nenport ki i kapab zis mont lo en lateras sot dan lekòl e vol ti arive lo la.

So eski zot kapab konpran nou ki nou pe sey demande lo nivo lekòl laba

Port Glaud? Sa i enn. E dezyenmman Minis, ou'n koz lo *issue fencing* baro Minis. Eski a lavenir bann kalite materyo premyerman ki pou fer avek baro e *fencing* zot pe konsider bann lezot kalite materyo ki pou pli dirab? Akoz lo bor en delo sale lekol e i koz pa mal problem *within 6 - 1 year*. Mersi.

MR DEPUTY SPEAKER

Mersi Onorab. Minis, oule pran laparol.

MINISTER JUSTIN VALENTIN

Mersi Mr Speaker. Mr Speaker, en proze i konmanse avek kan letan son kontra i ganny donnen. Mon ava gete akoz yer i ti pou konmanse i pa'n konmanse si sa i leka. Me sa bann detay ki kalite feray pou servi, sa mon krwar i dan, i dan - e sa bann teknisyen petet plitar i kapab, i kapab koz lo la.

Pou le moman mon napa lenformasyon lo ki kalite baro pou, pou ganny servi kalite feray. Me selman sa ki mon kapab dir a sa pwen, se ki ankor bann dimoun ki pe fer sa bann proze, zot osi zot, zot ase konpetans.

Pou zot kapab konnen ki zot servi pou salen, ki pa pou salen. Me annefe mon pe ganny, mon pe ganny osi akoz mon pe ganny asiste la par

mon bann teknisyen, ki dir mwan ki "*Head Teacher has confirmed with me yesterday that contractor has started work*" sa en lenformasyon ki'n antre. Donk, mersi Mr Speaker.

MR DEPUTY SPEAKER

Mersi.

HON EGBERT AGLAE

(Off-Mic)

MR DEPUTY SPEAKER

Oule?

HON EGBERT AGLAE

Mr Speaker, mon annan en gran respe pou Minis e pou Lasanble letan mon pe koz en fe mon konnen ki mon pe dir *I was there yesterday I know what I'm talking about*.

So annou, annou fer keksoz pou keksoz bouze, rezourd problem. Annou pa al montre ledwa, mon pou montre ledwa selman akoz mon konnen mon byen. Mersi.

MR DEPUTY SPEAKER

Mersi Onorab. Minis, mon'n war ou lanmen.

MINISTER JUSTIN VALENTIN

Mr Speaker, mon annan gran respe pou Onorab e Lasanble. Letan mon ganny en parol

avek mon teknisyen, mon pran li. Mersi.

MR DEPUTY SPEAKER

Mersi *Minister*. Onorab Roucou.

HON MICHEL ROUCOU

Mr Speaker. Minis, mwan osi tou mon'n deza lekol Port Glaud. An vi ki nou war poudir i annan 1.4 milyon ki'n ganny mete dan sa proze. E si ou kapab dir nou, eski bann proze parey *fencing* parey Onorab Aglae pe ganny demande pou Lekol Port Glaud. Eski pou annan en *fencing* standar ki Ledikasyon pou adopte pou tou lekol?

Akoz nou war ki i annan tro bokou vandaliz, an term lo kote bann *fencing* ki ganny mete otour bann lekol? Mersi.

MR DEPUTY SPEAKER

Mersi Onorab. *Minister*?

MINISTER JUSTIN VALENTIN

Mersi Onorab. Mr Speaker, parey nou'n war poudir i annan en *fencing* kot Lekol Anse Royale ki'n mete -tou dimoun i satisfè avek sa kalite materyo. Me ankor parey mon pe dir, sa bann detay sa se bann teknisyen ki pou pran.

E mon krwar i kapab i kapab ed nou dan sa demars pou fer sir ki lekol i ganny

bann bon kalite materyo a tou moman. Mersi.

MR DEPUTY SPEAKER

Mersi. Onorab Pillay.

HON SEBASTIEN PILLAY

Mersi Mr Speaker. Mon pe sey ganny en konpran sityasyon ki pe evolye la. Minis, in lir nou en *scope of work* ki i dir poudir sa bann travay i sipoze ganny fer. E Onorab pe dir poudir bann travay pa ankor konmanse; teknisyen i dir Minis travay in fini konmanse, *ok e tousala* nou pe tande.

E sa *is the same thing* avek, avek Gouvernman *all along* la. Nou demann Minis pou fer en stement *regarding* son - *regarding commitment* ki i pe fer pou bann *teachers* i pa kapab fer. Minis Ferrari taler in vin dir ek nou lo Lasante napa problem, apre dimoun i kontinyen dir problem.

So kestyon ki mon annan Mr Speaker, eski nou kapab demann ek Minis pou donn nou en garanti *Chairman COGA* pa la - be donn nou en lasirans. Ki sa *fencing* otour lekol Port Glaud, prenan kont i pou annan lezot travay ki bezwen ganny fer e sa pou pran plis en pe plis letan apepre baze lo bann *fluctuations* travay.

Sa *fencing* otour lekol Port Glaud pou ganny fer e dan en dele letan ki, ki

rezonab. E si i kapab donn nou kan eski sa travay pou, pou konplete? I ava ed Lasanble osi i ava ed COGA, pou li kapab regarde si Minis pe donn nou en lasirans, poudir lasirans pe ganny swiv.

Eski Minis i kapab dir nou sa Mr Speaker mersi.

MR DEPUTY SPEAKER

Mersi Onorab. *Minister?*

MINISTER JUSTIN VALENTIN

Dakor. Mersi Mr Speaker. Mr Speaker, ankor la mon ganny lenformasyon avek mon bann teknisyen, ki parti sa proze kot ti annan en bout beton ki ti pe grennen, ki kontrakter in fini aranz sa. Savedir travay in konmanse. Donk, donk ki wi, koman parti sa proze.

Mr Speaker, donk si Onorab pa pe krwar mwan la, mon pa pou kapab donn li en lasirans la - i pa pou krwar mon lasirans. Donk mon ava al kot lekòl demen bomaten, apre mon a vin donn li en lasirans. Mersi Mr Speaker.

MR DEPUTY SPEAKER

Mersi *Minister*. Wi Onorab ki ou, ki ou pwen?

HON SEBASTIEN PILLAY

Mr Speaker, i paret mwan, mon pa, pa benefisye proteksyon *Chair* parey lezot kote.

MR DEPUTY SPEAKER

Non, la ou pe fer en konplent, ki ou pa kapab fer anba...

HON SEBASTIEN PILLAY

Mon'n demann Minis pou li donn nou en lasirans ...

MR DEPUTY SPEAKER

Onorab *hold-on, hold-on*.

HON SEBASTIEN PILLAY

...en proze ki anba...

MR DEPUTY SPEAKER

Letan mon'n dir ou *hold-on* ou bezwen *hold-on*. Si ou ti pe *raise* en *point of order* ouswa ou ti pe dir Minis pa'n klarifye - ou pa kapab zis pran *mic* konplent. Akoz *Standing Orders* pa donn ou privez pou fer sa.

HON SEBASTIEN PILLAY

(Off-Mic)

MR DEPUTY SPEAKER

Non, mon'n dir ou ki ou pwen. So, mon ti krwar *you were raising a point of order and you have to specify which Order* ki ou krwar i pa annord. Mersi.

HON SEBASTIEN PILLAY

(Off-Mic)

MR DEPUTY SPEAKER

Ou pa kapab zis koze *you have to be specific, you see?*

HON SEBASTIEN PILLAY

Mersi Mr Speaker. Mr Speaker, mwan, mon pa zis koze mwan. Mon pe anmenn fe pou Lepep Seselwa la deor mon. Mr Speaker, eski Minis prenan kont ki i annan en *scope of work* ki'n detay bann letan, bann dele letan ki sa proze i sipoze kapab konplete, pou donn Lasanble Nasyonal en lasirans, kan eski proze *refencing* lekol Port Glaud pou fini?

Si i pa kapab donn nou la i dir nou i pa kapab donn nou, me i ava ekri Lasanble e i ava donn Lasanble sa lasirans pou nou, nou a kapab verifye si i pe *meet* kriter ki i sipoze *meet*. *That's it* Mr Speaker.

Mon napa - mon pa bezwen ganny, ganny problem ek Minis mon pe rod en keksoz ki lezitim pou Lasanble Nasyonal konnen. *That's all* mon pe demande. Mersi. Avek ou permisyon si Minis i kapab donn nou en lasirans Mr Speaker.

Ou'n *chairman COGA*, ou konnen *that's how we operate*.

MR DEPUTY SPEAKER

Mersi Onorab. Minis, in fini dir nou e in donn nou en larepons; i pa pe donn en lasirans akoz zot pa pou krwar li. E si zot pa ti pe ekoute mwan, mon'n ekoute Minis in fini dir ki travay i ekspekte fini an Zen 2024.

That's the insurance ki in fini donn Lasanble Nasyonal, mon satisfé lo la nou pa pou fer plis... Onorab Loizeau *you are next on the list* mersi.

HON NORBERT LOIZEAU

Mersi Mr Speaker. Bonzour Minis ek ou delegasyon. Minis sa *fencing* ki nou pe koz lo la, la en *fencing*, en vye *fencing* ki ti'n deza la, ouswa ti napa *fencing* aprezan nou pe al fer *fencing*? Eski ou kapab eksplik nou sa?

Ti annan en *fencing* la ki'n tonbe, ouswa ti napa aprezan nou pe al fer en nouvo *fencing* kot lekol. Mersi.

MR DEPUTY SPEAKER

Mersi Onorab. *Minister*?

MINISTER JUSTIN VALENTIN

Mersi Mr Speaker. Mersi Onorab pou sa keston. Mr Speaker, mon ti pe mazin dan en pe keksoz dan sa laliny ki ozordi nou pe ganny remontranse pou fer en *fencing* ki salen pa kapab kase.

Nou pe, nou pe *deal* ek en *fencing* ki'n deza egziste, ki prezan nou pe al renouvle li ek ros. Saverdir ti annan en *fencing* la, ki pa neserman ti'n servi materyo ki salen pa kapab kase.

Donk, vwala mon larepons. Mersi Mr Speaker.

MR DEPUTY SPEAKER

Mersi. Onorab Cosgrow ou ti'n demande pou met en kestyon.

HON WALLACE COSGROW

Wi Mr Speaker. Mersi Mr Speaker. Mr Speaker, ou a krwar konmsi letan nou pe demann kestyon Minis ou a krwar konmsi nou pe fatig son latet. Minis, ou louvraz se pou vin reponn kestyon Lasanble. *Now* ler, kestyon i spesifik e i senp.

Mon ti ava ekspekte ki ler sa kestyon i vini, in demande kan ki proze *fencing* pou fini Port Glad. Minis ti ava annan tou lenformasyon lo son proze *fencing* enkli *the type of fencing* ki pe ganny servi.

Now Minis, eski ou kapab - e nou pare pou espere nou. Sa teknisyen ki'n *text* ou la, demann li kalite *fencing* dir li dir nou apre nou ava kapab ganny en larepons avek sa. Mersi bokou.

MR DEPUTY SPEAKER

Mersi. Mon repete dan son larepons inisyal Minis in dir in donn en dat le 18 Mars 2024 e proze pou fini Zen. So in dir *on verbatim already* kan proze i ekspekte fini. E sa ki mon ekspekte Manm Elekte pou distrik Port Glad i swiv koumsa i kapab satisfè poudir son proze pe fer.

An menm tan Onorab in demann pou annan en pwen klarifikasyon lo sa size.

HON EGBERT AGLAE

Mersi Mr Speaker.

HON WALLACE COSGROW

(Off-Mic)

MR DEPUTY SPEAKER

Non, ou'n dir ek li dir teknisyen anvoy en *text* pou kalite materyo setou. Mon pa konnen, teknisyen pe ekoute laba i ava fer. *Proceed* Onorab.

HON WALLACE COSGROW

(Off-Mic)

HON EGBERT AGLAE

Mr Speaker, si nou pou swiv *Standing Orders* baze lo *rule* ki ou dir, kestyon ki la devan nou se lo *fencing* Primer Lekol Port Glad. *This is the jist of the question*. Sa ki nou konnen si ou pou monte la taler ouswa demen bomaten, *fencing* pa ankor konmanse.

Minis dan son larepons in koz lo serten *maintenance* adisyonnèl li. Mwan, mon napa problem si Minis pe aranz en peron, si *toilet* in kase *this is* en lot *maintenance* ki bezwen ganny fer.

Mon kestyon se ki etabli ek mwan, eski *fencing* in fini konmanse? Non. Prezan ou Minis ou ti devret donn mon poudir *fencing* pou konmanse

tan e pou fini tan e si ou annan ou *scope of work* ou materyo ou dir mon.

Ouswa ou napa ou a *get back* ek mwan. *This was simple as that!*. Mersi.

MR DEPUTY SPEAKER

Mersi Onorab. Mon krwar poudir kan pou fini ankor mon repete in dir an Zen pou fini. So nou annan en pe letan devan nou, pou nou asire koman Manm Lasanble e partikilyerman Manm pou distrik Port Glaud pou war poudir avan Zen travay in konplete. Onorab Georges.

HON BERNARD GEORGES

Mersi Mr Speaker. Mersi Speaker mon kestyon pou Minis se sa enn. Minis, eski ou kapab dir nou lekel ki non Minis Ledikasyon dan Gouvernman LDS.

Eski i Justin Valentin oubyen eski i Wallace Cosgrow oubyen eski i Sebastien Pillay? Mersi.

(loud comments off-mic)

MINISTER JUSTIN VALENTIN

Mr Speaker...

MR DEPUTY SPEAKER

Nou - wi Minis in ganny demande en kestyon.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker, a ler aktyel i mon Justin, Davis Valentin Minis Ledikasyon dan Gouvernman LDS.

MR DEPUTY SPEAKER

Eski Minis, ou bann teknisyen ti pe ekout radyo e zot in kapab dir ou ki materyo pou servi pou sa *fencing*?

MINISTER JUSTIN VALENTIN

Wi Mr Speaker. Mon'n ganny la *chain link fence* avek *galvanized* - mon ava zis konfirm sa, avek *galvanised steel post*. *Thank you*.

MR DEPUTY SPEAKER

Mersi. *The beauty of technology* ki nou kapab *work from a distance*. Sa ti dernyen siplemanter lo sa size, donk nou ava *adjourn* la ziska 4 er.

E ler nou pou retournen *panel* pou ankor avek nou, i a reste nou 4 kestyon sa i pou limero 57 ziska limero 60. Donk, nou ava *adjourn* la e nou a rebran travay 4 er.

(BREAK)

MR DEPUTY SPEAKER

Bonn apre midi e *welcome back* tou bann dimoun. Se delegasyon sorti kot Minister Ledikasyon ki ankor avek nou pou nou sesyon *Questions for Oral Answer*. Nou pou pas lo kestyon limero 57 ki dan non Manm Elekte pou distrik Baie Ste Anne.

HON CHURCHILL GILL

Mersi Mr Speaker. Bonn apre midi Minis avek ou delegasyon e tou Manm prezan. Eski Minis i kapab enform sa Lasanble, kan ki sa renovasyon lo *hostel* pou konmanse e konbyen letan i ekspekte pran pou konplete? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER JUSTIN VALENTIN

Mersi Mr Speaker. Mersi Onorab. Mr Speaker, mon ti a zis kontan demann Onorab pou presize ki sa renovasyon ki pe koz lo la, pou mwan donn li sa larepons egzakt, spesifik. Mersi Mr Speaker.

HON CHURCHILL GILL

Ok, sa kestyon i an relasyon avek nou vizit ki nou ti fer dan ou prezans avek delegasyon e apre vizit nou ti fer miting, kot bokou keksoz ti ganny diskite

dan sa miting ki pou ganny fer lo *hostel*.

Me selman ziska konmela napa nanryen ki'n ganny fer, alors sa kestyon se pou konnen kwa dan sa, dan sa bann keksoz ki'n ganny diskite, ki ou Minister i anvizaze travay lo la dan sa lannen?

MR DEPUTY SPEAKER

Mersi. Mon prezimen i *hostel* Anse Royale sa?

HON CHURCHILL GILL

Wi, *yeah*.

MR DEPUTY SPEAKER

Ok, very good. So Minis i ava *proceed*.

MINISTER JUSTIN VALENTIN

Mersi Mr Speaker. Mersi Onorab pou sa klarifikasyon. Mr Speaker, lo sa *youth hostel* i annan en travay renovasyon lo 7 blok dortwar e en blok administrativ ki'n ganny fer e sa in kout anviron R5.1 milyon.

E apre i annan en proze ki dan plan, se sa renovasyon lo sa vye batiman zis akote bann dortwar pou transform li koman en fasilite rekreyasyonnel pou bann zenn rezidan.

Proze in fini ganny *awarded* avek en kontrakter e kontra in fini ganny sinyen.

Non, kontra pou sipoze sinyen dernyen semenn Mars pou proze konmanse. E proze i sipoze konplete dan anviron 4 mwan.

Mersi Mr Speaker, sa ki lo plan pou le moman.

MR DEPUTY SPEAKER

Mersi *Minister*. Mon ava permet Onorab Gill demann son bann siplemanter.

HON CHURCHILL GILL

Wi Minis ou'n mansyonn *admin block* apre dortwar; dan sa *admin block* eski i annan en *study room* pou sa bann etidyan? Apre si i annan en *meeting room* pou zot kapab zwenn apard sa rekreyasyonnel ki nou konnen sa i pou en diferan *purpose*? Mersi.

MR DEPUTY SPEAKER

Mersi. *Panel*.

MINISTER JUSTIN VALENTIN

Mersi Mr Speaker. Mr Speaker, parey letan nou'n vizite nou'n war e apre menm apre vizit nou'n al ankor pou get bann diferan keksoz ki pa ganny fer. Nou pe pran li par faz renovasyon lo bann - bann renovasyon e osi bann nouvo lenplimantasyon - keksoz lo *hostel*.

Pou le moman pou napa bann spesifik *study room*, me ki nou pe *advice* ki nou kapab

fer sa lespas devan kot bann etidyan i *sit* koman zot *living* - zot salon. Nou, nou anvi aranz sa la osi, pou ki etidyan i kapab servi sa koman en landrwa konvenyan pou zot kapab *study*.

E apre pandan - aköz nou espekte ki pa tou kou ki sa gran *building* sa gran batiman letan i pou'n fini fer, ki pa tou le swar ki pou annan aktivite, la osi nou kapab propoze ki i ava vin en landrwa santral kot bann etidyan i ava fer bann *group study* avek si i nesese.

Donk sa i bann keksoz ki i deza annan lo plan. Me byensir o firamezir nou devlope, bann etidyan osi i donn bann lide ki mannyer zot krwar aranz *the hostel* i kapab vin pli meyer pou zot. Mersi Mr Speaker.

MR DEPUTY SPEAKER

Mersi *Minister*. Onorab Pillay.

HON SEBASTIEN PILLAY

Mersi Mr Speaker. Mr Speaker, mon pe get en rapor lo *Media Youth Sports Committee visit Anse Royale Youth Hostel*. Mon war sa vizit ti ganny fer dan prezans Onorab Woodcock pa la, Onorab Arrisol Manm Elekte pou Anse Boileau, Onorab Naddy Zialor, Onorab Flory Larue.

Mon pa war zot pe demann okenn kestyon, so mon pou bezwen demann kestyon mwan menm Mr Speaker.

MR DEPUTY SPEAKER

Onorab, *this is uncalled for - its absolutely uncalled for.*

HON SEBASTIEN PILLAY

Ok Mr Speaker. Dan zot miting ki zot ti al fer dan sa vizit, (pa ankoler). Dan zot miting ki zot ti al fer pou sa vizit, enn keksoz ki zot ti *come across* e zot ti dir se ki i annan *limited IT facilities* pou bann etidyan.

E Onorab Gill in demann avek Minis sa kestyon e Minis in eksplik nou poudir i *per se* renovasyon in konsantre lo refer sa *admin block*, me pa pou regard dan bann *specific facilities*.

Lefe ki sa i en Komite Lasanble ki ti al vizite, mon pa war sa bann Manm pe, pe pran zot bann responsabilite parey zot devret Mr Speaker - mon ti a kontan demann Minis prenan kont ki sa ti en konsern ki ti ganny eksprimen avek sa Komite, par bann etidyan kot *hostel* e bann dimoun, ki ou pe fer dan imedya pou asire ki i ava annan fasilite adekwat pou bann etidyan ki kot *hostel*.

Pou zot kapab servi zisteman dan sa konteks kot

zot bezwen servi kot zot bezwen ganny bann *lack of IT and internet facilities* ki zot ti pe demande zot kapab gannyen Mr Speaker? Mersi.

MR DEPUTY SPEAKER

Mersi. Mon ava envit *panel* pou larepons.

MINISTER JUSTIN VALENTIN

Mersi Mr Speaker. Mr Speaker i annan de vizit ki Onorab pe koz lo la. Nou, nou pe koz nou vizit ki mon avek bann zofisye, bann Onorab ki sorti dan distrik Praslin-La Digue e sa pou sa enn ti annan zis reprezantan Praslin ki nou ti fer ansanm.

Donk sa lot vizit ki i pe koze avek group.

MR DEPUTY SPEAKER

MYCC.

MINISTER JUSTIN VALENTIN

...wi sa i pa, i, i pa - mon pa ti ladan me selman nou pe koz mon konnen sa ki Onorab Gill pe demande, i sa vizit ki nou ti fer ansanm. Donk, parey nou'n dir la pou le moman-

Mr Speaker, si en keksoz pa pe ganny fer a en moman i pa vedir napa lentere lo la. Me ki i vedir pou sa faz, dapre larzan, dapre mwayen ki nou annan vwala ki nou pe fer.

E o firanmezir nou ganny larzan ase, nou kontinyen avek sa devlopman. E mwan koman Minis Ledikasyon mwan osi konnen egzakteman *hostel* dan ki leta i ete, dan ki leta nou ti vin zwenn *hostel*.

Donk nou pe sey nou mye pou kapab fer ki *hostel* bann zanfan ki viv laba, i viv dan en landrwa konfor. Donk alor, bann keksoz pou ganny fer an faz e la pou le moman nou pe konsantre lo sa renovasyon ki mon'n dir pli boner. Mersi Mr Speaker.

MR DEPUTY SPEAKER

Mersi. Ou annan klarifikasyon lo la.

HON SEBASTIEN PILLAY

Mersi Mr Speaker. Prenan kont ki *hostel* son bann, son bann kliyan prensipal se bann etidyan, ki pe sorti lo nou de zil satelit La Digue e Praslin, *Inner Islands*, en?

E prezan kont ki sa bann etidyan zot pa se zot, zot dan en lot lanvironnman e ki nou, nou bezwen fer tou fason - nou tou ki'n dan ledikasyon nou konnen lanvironnman i annan en lenpak ki i zwe lo laprantisarz lo devlopman etidyan.

Ti annan osi mansyon ki i annan *recreational area* ki ti sipoze ganny, ganny konstri. Minis pou lenformasyon mon pe regard *website* Lasanble

Nasyonal ki le 22 Zilyet 2022 ki dir *the Media Youths Sports and Culture Committee visit the Anse Royale Youth Hostel*.

E en Komite Lasanble in vizite e i annan en rapor ki'n ganny fer e mon pe baz mon kestyon lo rapor - mon pa krwar mon an deor, an deor la mon krwar mon annord. Alors *Minister* ou'n dir mon si bann keksoz pa pe ganny fer la zot pou ganny fer.

As ki mon konpran mon osi mon'n en etidyan ki'n bezwen kit kot mwan al etidye aletranze, i enportan ki ou annan sa bann fasilite.

So eski ou kapab donn mon en pe plis presizyon lo kan, eski bann zanfan bann etidyan ki kot *hostel* pou war sa bann fasilite ki ti ganny idantifye koman bann mankman atraver sa bann Komite ki mon pa'n war sa bann Manm demann kestyon lo la Mr Speaker.

Mon pe fer sa pou zot lo zot par - kan eski zot pou war sa bann fasilite ganny met an plas? Eski ou annan okenn *timeframe* ou kapab donn Lasanble pou ki *Committee of Government Assurances* i kapab *pursue*, e swiv ou Minister pou war kan sa pou delivre?

Otherwise parey labitid nou pou ganny dir i lo plan, pou ganny fer *but then* nou,

nou war poudir i annan bann lakin.

E nou tou nou konnen ki kapab arive dan bann letan proze. So pou ed nou realiz sa proze pou bann etidyan, si mon kapab donn ou serten presizyon. Mersi Mr Speaker.

MR DEPUTY SPEAKER

Mersi Onorab. Ou pa pe ed Minis - ou pe konfiz li, aköz Minis in dir ou li i pe reponn kestyon baze lo vizit ki in fer avek Manm Elekte pou distrik Praslin ou, ou pe koz lo Komite.

E ou pe ensiste lo la ou'n fer de fwa. So mon pe kennsel ou kestyon nou pe *move on to question number 58*. *Question number 58* ki son loter pa dan pei aköz i lo en misyon travay pou Lasanble Nasyonal.

Manm pou distrik Roche Caiman Onorab Audrey Vidot e son kestyon pou ganny pran par Onorab Rachel Spiro.

HON RACHEL SPIRO

Mersi Mr Speaker. Kestyon Onorab Vidot i lir koumsa: Eski Minis i kapab eksplik sa Lasanble, ki'n arive avek sa plan lagrandisman *staff room* pou lekol Plaisance segonder? Mersi.

MR DEPUTY SPEAKER

Mersi Onorab. Mon ava envit Minis pou donn larepons kestyon.

MINISTER JUSTIN VALENTIN

Mersi Mr Speaker. Mersi Onorab. Mr Speaker, avan ki mon'n fer mon larepons, mon'n fer sir mon'n konsilte de fwa administrasyon lekol.

Pou le moman napa plan imedya pou fer lagrandisman lo *staff room* prensipal kot lekol. An se moman lekol pe servi lezot alternativ pou abrit bann *staff*.

Dapre lenformasyon ki mon'n gannyen avek *Management* e sa osi letan nou'n pas kot bann lekol kot sa lekol an partikilye nou'n war. Ki zot pe servi main *staff room*, sa *main staff room* e trwa lezot laklas pou abrit bann ansenyan Angle, Franse e Lasyans Sosyal.

Donk pou le moman, napa en plan imedya pou agrandi sa *staff room*. Mersi Mr Speaker.

MR DEPUTY SPEAKER

Mersi *Minister*. Onorab Spiro ou siplemanter.

HON RACHEL SPIRO

Minis, prenan kont ki nou'n dir pe annan nouvo *teachers* ki pe vini sorti aletranze e deza bann laklas pe ganny *occupied* par bann diferan *staff*. Eski sa pa met en kontrent lo performans, oubyen si nou, nou kapab dir li koumsa -

delivre pou bann etidyan kapab ganny sa laprantisaz ki zot bezwen - konmsi?

Eski sa bann laklas ki pe ganny servi, pa pe enpakte lo performans bann zanfan kot lekol?

MR DEPUTY SPEAKER

Mersi. *Minister?*

MINISTER JUSTIN VALENTIN

Mersi Mr Speaker. Non, an se moman i pa pe enpakte, i pa pe enpakte lo sa lo performans. E byensir nou reazir an konsekans ek bann aksyon ek bann lenpak ki arive. Mersi Mr Speaker.

MR DEPUTY SPEAKER

Mersi. Ou annan en klarifikasyon, en?

HON RACHEL SPIRO

Minis, vi ki ou'n dir i pa dan plan la, kan eski zot pe mazine petet met li lo en plan? Akoz deza landrwa i en pe kwense, i ase limite kan ki ou pe mazine ou Minister pou met sa dan en plan? Mersi.

MINISTER JUSTIN VALENTIN

Mr Speaker, kekyon i pwennvi en Onorab, me i pa reflekte pwennvi *Management* Lekol a ler aktyel. Mersi Mr Speaker.

MR DEPUTY SPEAKER

Mersi. Napa person ki'n endike zot le demann siplemanter lo sa kekyon. Donk, mon *move* lo kekyon 59 ki dan non Onorab Wallace Cosgrow.

HON WALLACE COSGROW

Mersi Mr Speaker. Mr Speaker, kekyon 59 i al koumsa: Akoz ki Minister Ledikasyon pa ankor kapab servi sa batiman *prefab* o bor *Seychelles Institute of Teachers Education* sa ki nou apel *SITE* pou rezon ki ti ganny konstri? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER JUSTIN VALENTIN

Mersi Mr Speaker. Mr Speaker, apre ki tou bann lotorite konsernen pou get litalizasyon bann *building* - bann batiman, sa batiman pe ganny servi dan en fason la ki Gouvernman i krwar i pli byen e i pli neser pou sa moman a ler aktyel. Mersi Mr Speaker.

MR DEPUTY SPEAKER

Mersi Minis. Siplemanter Onorab Cosgrow?

HON WALLACE COSGROW

Yes, byensir Mr Speaker. Mr Speaker, nou konpran poudir i annan serten *wing* dan Minister Ledikasyon ki ranpli avek *fungus* - ou bann *staff* pe travay dan lanvironnman *fungus*.

Bomaten mon ti anmenn kestyon pou *NIHSS*, malerezman mon pa'n kapab anmenn devan lo *Floor* ozordi pou ganny reponn. *Fungus* dan Minister Ledikasyon e sa *building* ti'n ganny konstrir pou kapab fer serten - pou *move* bann *staff* pou kapab fer serten renovasyon dan serten landrwa dan Minister Ledikasyon *Headquarters*.

Akoz ki zot pa'n kapab bouz dan en dele letan akseptab, *occupy* sa *building* avan ki Gouvernman ti al rod en lot *use*. Akoz mwan, mon konpran ki zot in donn en lot organizasyon akoz zot in tarde pou bouze.

Se sa ki mon konpran ki'n arive e si ou kapab klarifye avek nou si sa i leka? Me lefe i reste ki ou annan *staff* pe travay dan en lanvironnman *fungus* e ou annan en *building* o bor la ki ou pa'n *make use of*. Mersi.

MR DEPUTY SPEAKER

Mon a demann *panel* pou reponn.

MINISTER **JUSTIN**
VALENTIN

Mr Speaker, wi dan Minister Ledikasyon i annan serten sityasyon *fungus* ki nou'n komans *deal* avek. Pou le moman nou'n komans *deal* avek e la Vandredi menm, ti annan bann eksper ki ti vini pou vin fer bann travay dan sa bann landrwa nesese.

E i pa vedir ki sityasyon i alarman, ki nou bezwen finalman kondann tou *building*. E zis pou met lo rikord ki mon'n vin zwenn Minister Ledikasyon avek bann ka *fungus* ki'n byensir ki - e i menm dan mon'n, mon'n vin donn lanmen vin *settle* bann konpansasyon *fungus*.

Donk nou, nou pe *deal* avek la prezan nou pe *deal* avek bann ka *fungus*. Mersi Mr Speaker.

MR DEPUTY SPEAKER

Mersi Minis. Ou annan klarifikasyon?

HON WALLACE COSGROW

Mr Speaker Minis, i dir nou in vin zwenn sityasyon *fungus*, be, be ou ti annan ou en *building* o bor ki ti'n pare pou ou kapab bouz dimoun dan sityasyon *fungus* e met zot dan en pli bon sityasyon.

Minis ki ou'n fer? Dir nou, i ankor lo *computer* parey tou lezot keksoz ki ou fer? Mersi.

MINISTER JUSTIN VALENTIN

Mr Speaker, dan nou Gouvernman nou pa travay an *silo* e nou'n santi poudir a ler aktyel la, imedy a se i annan en lot group dimoun dan sistenm ki bezwen sa batiman.

Donk an mezir nou ki nou kapab rezourd sa problemn *fungus* kot nou, sa lot dimoun i servi sa lot *building* pou lentere nasyonal. Mersi Mr Speaker.

MR DEPUTY SPEAKER

Mersi *Minister*. Onorab Loze.

HON JOHAN LOZE

Mersi Mr Speaker. Mr Speaker, mon anv konpran en keksoz - Minis mon krwar ou ti enn bann dimoun ki ti pouse pou konstriksyon sa nouvo batiman. Kestyon ki mon pe poz avek ou ler zot ti pouse pou konstriksyon sa nouvo batiman o bor Lekol *SITE*. Eski zot Minister Ledikasyon zot ti pe pouse pou *build* en batiman pou en lot group dimoun dan Gouvernman ki annan bezwen priyorite pou vin servi sa batiman?

Ouswa zot ti annan zot bann plan target e bezwen entern ki zot, zot ti bezwen realize *within* zot Minister? Mersi Mr Speaker.

MR DEPUTY SPEAKER

Mersi Onorab. *Panel?*

MINISTER JUSTIN VALENTIN

Mersi Mr Speaker. Mr Speaker, dan sa Gouvernman dan ki mon ladan nou pa lager ek kanmarad. Nou pa pouse, pouse me nou konsilte e nou rod lentere nasyonal. Mersi Mr Speaker.

MR DEPUTY SPEAKER

Mersi. Onorab Pillay.

HON SEBASTIEN PILLAY

Mersi Mr Speaker. Dan bann *previous* stement ki Minis in fer dan Lasanble e lo medya, in koz lo mankman lespas dan *Headquarters* Minister Ledikasyon. E nesesite parey i dir pou servi bann *building* ki egzistan ki dan visinite Minister Ledikasyon, pou abrit bann servis Minister Ledikasyon bann keksoz ki Minister Ledikasyon i servi.

La ou vire ou dir nou poudir Gouvernman ou Gouvernman in konsilte e zot in fer, e zot in deside pou pran-pou pran sa. Sa, sa lapros ki zot in pran i ou Gouvernman zot desizyon zot swa.

Be sa bann sanzman ki ou ti le anmennen pou sa bann dimoun sa bann lespas ki ou ti le kree pou lezot dimoun, kote ki ou'n, ou'n plas zot prezan? Kote ki ou'n kit zot eski ou'n kit zot dan *Headquarters* Minister

Ledikasyon kot ou dir ou pe ganny problemn *fungus* kot ou pe sey rezourd e kot problemn pou agrave si zot kontinyen servi.

Eski ou'n rod lezot *site* alternativ pou ou bann dimoun dan, dan Minister Ledikasyon? Konmsi sey fer nou konpran baze lo bann *commitments* ki ou ti donner bann stement ki ou'n fer, si bann lezot keksoz ki'n, ki'n materyalize lo bann keksoz ki ou'n dir.

MR DEPUTY SPEAKER

Mersi. *Minister* i annan en larepons?

MINISTER JUSTIN VALENTIN

Mersi Mr Speaker. Mr Speaker, mon pa rappel fer en, en *commitment* lo lespas pou bann travayer dan Minister Ledikasyon. Amwen ki Onorab i diriz mwan ver sa *text*.

HON SEBASTIEN PILLAY

Mon a donn ou, wi Mr Speaker, mon pou diriz ou lo, lo de fwa ki ou vin dan Lasanble, ou ti pe reponn kestyon lo ou plan reform dan Minister Ledikasyon. E kot ou ti pe dir poudir ki ou, ou santi poudir nou bezwen *provide* plis lespas pou bann dimoun travay, *ok*.

Now, ou vire ou dir nou poudir ou pa rapel fer akoz ou pa kapab dir Lasanble, pou ki rezon ki en *building* ki ti pe ganny *purpose built* pou servis Minister Ledikasyon pa pe *meet* sa, sa servis.

E oule dir mon poudir ou Gouvernman pa travay an *silos*. Mwan sel keksoz ki mon kapab dir ou, be 2025 ou Gouvernman pa pou la si zot kontinyen koumsa. Mersi.

MR DEPUTY SPEAKER

Mersi. Minis oule fer en komanter?

MINISTER JUSTIN VALENTIN

Mon, Mr Speaker mon envit Onorab pou sit dat e *text* silvouple?

HON SEBASTIEN PILLAY

Mersi Mr Speaker. Mon pare pou mon sit dat avek ou, ou premye stement ou ti fer an 2021, *ok*. Ou premye stement ou ti fer 2021 dan sa Lasanble menm ler ou ti pe reponn kestyon. E ou, ou ti dir koumsa poudir (Mr Speaker mon si i kontinyen soutni mon pou kontinyen repete, akoz nou bezwen *hold* li *accountable*.

Li toultan i fer sa li - i fer en pake stement devan Lasanble. Son dezyenm stement ki i ti fer dan Lasanble vizavi Minister

Ledikasyon ti an 2022 Mr Speaker. E tou kou i fer sa li. So sa ki nou oule - i senp Mr Speaker ou'n sanz *purpose* ki ou ti pe servi sa *building*.

Ou dir nou poudir dan ou Gouvernman zot pa lager resours. Nou, nou santi poudir sa resours ti devret pe ganny servi *for the purpose which was intended* pou Minister Ledikasyon.

Now si ou dir nou poudir i pe ganny servi pou Minister Ledikasyon ozordi pou en lot *purpose*, nou a les ou trankil. Be si ou dir nou poudir i pa pe ganny servi par Minister Ledikasyon, *then* dir nou pou lekel ki sa *building* pe, pe *house* ozordi e ki i pe fer ladan? Mersi Mr Speaker.

MR DEPUTY SPEAKER

Be sa ti en kestyon senp, se lekel sa antite Gouvernman ki pe servi sa *building* setou! E nou'n note poudir ou'n sit de lannen selman ou pa'n dir prezizeman. Mon osi mon ti kapab pik de lannen dan ler dir ou an 2019 ek 2018. So ou'n *go against Standing Orders* ki dir ou *you have to substantiate Order 36 (1) (n)*.

Minister oule zis presize ki lorganizasyon ki ladan? Mersi.

MINISTER JUSTIN VALENTIN

Dakor Mr Speaker, pou bezwen pei imedyas se *Electoral Commission* ki dan sa batiman.

MR DEPUTY SPEAKER

Mersi. Si sa *building*, i sa *building*.

HON SEBASTIEN PILLAY

Mr Speaker, *point of order*. *Point of order* Mr Speaker.

MR DEPUTY SPEAKER

Non, non nou'n fini lo la.

HON SEBASTIEN PILLAY

Ki mannyer nou kapab fini *Electoral Commission* pe *store* son bann keksoz dan sa *building* Mr Speaker. Anr *sorry*.

MR DEPUTY SPEAKER

Non, *nope* nou'n fini lo sa size nou ti le konnen lekel ki ladan, kekfw prezan zot pe sorti kot zot ete kot *bus terminal*. E pei i kapab fer lekonomi an term *rent - so*. So nou pou bouz lo dernyen kestyon ki kestyon limero 60 e ki dan non Onorab Rachel Spiro. Onorab *please proceed* mersi.

(comments off-mic)

MR DEPUTY SPEAKER

Onorab *please proceed* avek ou kestyon mersi.

HON RACHEL SPIRO

Mersi Mr Speaker. Kestyon i lir koumsa: Eski Minis i kapab dir ek sa Lasanble, kan eski sa miray ki pou separ Lekol Primer ek Segonder Belonie pou konstri? Mersi.

MR DEPUTY SPEAKER

Mersi. Nou ava envit Minis pou donn larepons.

MINISTER JUSTIN VALENTIN

Mersi Mr Speaker. Mr Speaker, pou le moman napa plan pou konstri en miray pou separ sa de fasilite. Akoz Lekol La Rosiere Primer ki la, i la tanporerman ziska ler son batiman i fini konstri.

E apre sa *building* antye - sa lespas antye pou Lekol Belonie Segonder. Donk, napa plan a sa moman pou fer en miray ki separ sa de fasilite. Mersi Mr Speaker.

MR DEPUTY SPEAKER

Onorab, ou annan siplemanter lo sa kestyon.

HON RACHEL SPIRO

Non, mon le zis klarifye akoz bann paran lekol ti ganny enformen ki avan larantre lekol la Zanvyé, sa miray pou ganny fer. Mon pe rode ki'n arive avek sa plan?

MR DEPUTY SPEAKER

Mersi. Eski *panel* i kapab konfirman poudir paran ti ganny dir sa?

MINISTER JUSTIN VALENTIN

Ant mwan - Mr Speaker, mersi. Ant mwan avek *PS*, nou napa sa lenformasyon kan nou ti koz ek paran lo sa size. Mersi Mr Speaker.

MR DEPUTY SPEAKER

Mersi. Onorab, Onorab Spiro, i annan klarifikasyon lo son kestyon.

HON RACHEL SPIRO

Wi, mon annan akoz si Minis pa krwar pou sekirite sa bann zanfan sa miray i devret ganny fer.

(comments off-mic)

HON RACHEL SPIRO

... dan miting avek paran.

MR DEPUTY SPEAKER

Minis, i annan en kestyon lo sekirite zanfan.

MINISTER JUSTIN VALENTIN

Mr Speaker, ti annan en konsern a en moman, me selman sa de lekol pe travay ansanm. Donk, napa nesesite a sa moman pou nou separ sa de fasilite. Mersi Mr Speaker.

MR DEPUTY SPEAKER

Mersi *Minister*. Onorab Pillay.

HON SEBASTIEN PILLAY

Mersi Mr Speaker. Nou, nou'n ganny sa lenformasyon *from* bann paran e nou'n anmenn sa kestyon devan *regarding* sa size miray akoz zot konsernen.

E dan en miting paran *recently* bann paran ti *raise* sa size ankor. E ou kapab *cross-check* avek *Head Teacher* si bann paran ti *raise* sa size. E si i annan en dimoun ki'n dir fer miray, i bezwen i annan en dimoun ki'n dir pou annan en miray ki pou ganny fer.

I pa kapab nou pou al fer en miray pa nou ki dan Gouvernman. Alors Mr Speaker prenan kont ki ou'n dir nou sa de lekol pe travay ansanm, eski ou pare pou re angaz ou avek Lasosyasyon Paran - Konsey sa de lekol pou war si i annan en konsern mazer ki pe ganny eksprimen par bann paran, vizavi sityasyon sa separasyon ki sipoze annan ant sa de lekol.

Si napa ou retourn devan Lasanble ou dir ti napa. Me si i annan ou *move to the next step*, ou rod en solisyon ouswa donn miray, ouswa fer en *fence* ouswa met sekirite - *whatever* ki ou bezwen fer, pou fer ki bann paran ler zot zanfan i vin dan lekol zot santi zot an sekirite. Setou ki nou pe rode nou pe *press* ou *for action* Mr Speaker.

E pou ou lenformasyon Mr Speaker, sa *building* Mont Fleuri pe ganny servi *almost* koman en *store by Electoral Commission*.

That's what happening Mr Speaker dan nou pei, be selman ledikasyon pe lwe *building*, pe lwe, pe lwe lezot *building* pou ankouraz... soz *come on*.

Belonie menm sa *building*, sa *building* i Belonie.

MR DEPUTY SPEAKER

Mersi Onorab. Mon pa ti bezwen ou pou volontye sa lenformasyon pou mwan. *Minister*, eski in annan konsern par paran lo size separasyon?

MINISTER JUSTIN VALENTIN

Mr Speaker, parey mon'n dir dan mon larepons zis avan sa enn. Ti annan en konsern a en moman, me lefe ki la aprezan lekol pe travay ansanm, napa nesosite pou fer en miray a sa moman.

Me selman mon anvi Mr Speaker, koriz en - en mon pa konnen kot Onorab in ganny son lenformasyon lo ki mannyer, ki mannyer *Electoral Commission* pe servi sa. Me mon pa krwar ki *Electoral Commission* pe servi sa batiman koman en *store*.

HON SEBASTIEN PILLAY

Be dir nou koman kwa. Ou menm ou pa konnen kwa.

MR DEPUTY SPEAKER

Mersi. Onorab Sathya Naidu. Ou a kapab donn li *mic* silvouple.

HON SEBASTIEN PILLAY

Eskize.

HON SATHYA NAIDU

Bonn apre midi. Mersi Mr Speaker. Bonn apre midi Minis ek ou delegasyon. Zisteman lo size sa miray lonterm, eski vremen i fer sans ozordi nou konstri miray.

Apre plitar Lekol La Rosière ki anba konstriksyon ki nou Gouvernman ozordi pe fer pou ki nou zenerasyon ki pe pase la La Rosière, pou ganny en lekol lo sa standar ki Onorab Henrie li menm li pou plizyer lannen in demande.

E finalman nou pe delivre eski i fer sans pou fer en miray? Dezyenmman silvouple Onorab *substantiate* dir lekel sa bann paran, mon pa konnen kote zot ganny sa bann non - sa bann dimoun - sa bann fantom ki demann zot serten keston. Mersi Mr Speaker.

(Interruptions)

MR DEPUTY SPEAKER

Mersi Onorab. *Minister*. Lasanble in kalme ou kapab pran laparol *Minister*.

MINISTER JUSTIN VALENTIN

Dakor mersi - mersi Mr Speaker. Mr Speaker, parey mon'n dir wi akoz Lekol La Rosiere sa proze Lekol La Rosiere pe byen progrese. Byento bann etidyan i ava bouz - i a komans bouz dan bann, zot bann batiman an mezir ki i fini.

E sa lespas kot bann etidyan i ete la konmela, pou retourn Belonie Segonder napa nesesite pou fer en miray a sa moman. E bann, sa de lekol pe travay ansanm pou asir sekirite bann zanf. Mersi Mr Speaker.

MR DEPUTY SPEAKER

Mersi *Minister*. Mon satisfè poudir sa keston in ganny byen kouver mon pa pou donn ankor siplemanter lo la. In anmenn nou lafen nou sesyon ozordi.

Zis avan nou ale mon le zis rekonnèt Mr Marlon Nassib i dan *Gallery*; en zenn Anse Etoile ki depi bomaten in avek nou. Rar nou ganny en viziter dan Lasanble ki'n fer *the whole day*. E in ganny sans koman en zenn dimoun temway tou sa bann komosyon ki nou'n annan dan Lasanble ozordi.

So mon swete ki ou'n apresye ou lazournen avek nou. Ankor enn fwa mersi pou vini pou fer letan. Sa in anmenn nou lafen nou sesyon pou ozordi nou pou rebran travay demen bomaten 9 er.

Nou pou annan en stetment par Minis pou Ledikasyon ki pou rezwenn nou demen e apre 11 er nou pou kontinyen avek Mosyon. Donk, mersi pou zot partisipasyon nou ava *adjourn* la e nou ava rebran travay demen 9 er.

(ADJOURNMENT)